

K 121811  
3



ՀԱՆՐԱՆ Ե ԺԱՌՈՒՄ

ՅՏԱԾՆՈՒ  
ԿՏԲՈՒ  
ՅՏՏՏՏՏՆ



«Հանրան»

საქართველოს  
საგარეო ურთიერთობების  
სამსახური






8-93:84-34

საქართველოს  
საბავშვო  
საბიბლიოთეკო  
სამსახური

სამსახურის მდიანი

საქართველოს  
საბავშვო  
საბიბლიოთეკო  
სამსახური



121.811  
3



«საბავშვო»  
19 თბილისი 66



Г2  
899.962.1-93  
ა 183

ს. კვ-2000  
ქრონოლოგია

1911  
E  
K. V. T.

ქართული  
ბიბლიოთეკა

## ხალხნო და ჯამაათნო!

იყო და არა იყო რაო... ამქვეყნად ყოველი ზღაპარი ასე დაწყებულა და მეც სწორედ ასე მინდოდა დამეწყო, მაგრამ თქვენ უთუოდ მეტყობით: ისეთი რა უნდა ყოფილიყო, ყურით არ მოგვესმინოს, თვალით არ გვენახოს და გაგვეკვირვებოდესო?

ის, რაც აქ მინდა ვიამბოთ, შესაძლოა, მართალი იყოს, შესაძლოა, არც იყოს მართალი, მაგრამ ამის გამო ნუ გამკილავთ. როგორც თქვენ ხშირად იტყვიან ხოლმე: ჩემი ხნის კაცს სიზმარიც კი დაეჯერება. რაკი ასეა, ნურც იმას მკითხავთ, ძველია თუ ახალი ყოველივე აქ მოთხრობილი.

იქნებ ძველი და შორეული ამბავი იყოს, ჩემს თვალწინ მომხდარი, იქნებ სულაც არ მომხდარა და გონებამახვილმა კაცმა გამოიგონა ბრიყვთათვის ჭკუის სასწავლებლად.

ვერ დავფიცავ, იქნებ ასეც იყოს!

თქვენ ყოველივე გულდასმით მოისმინეთ და მერე გინდ დაიჯერეთ, გინდ არა. განა ყველაფერი დასაჯერებელია, რაც მოგისმენიათ? მე მითქვამს და ახლაც ვამბობ: ყოველივე იმისაგან, რაც დღემდე მოგისმენიათ, ათასში ერთი თუ დაგიჯერებიათ, ბარაქალა თქვენ! მთქმელსაც მადლობა ეთქმის და გამგონესაც. ჩემს მიერ მოთხრობილი ამბავი გინდ ზღაპრად ჩათვალეთ და გინდ ქარაგმად. სხვებსაც უამბეთ. მერე იმ სხვებმა სხვებს უამბონ, იმ სხვებმა კიდევ — სხვებს და ასე — იაროს თაობიდან თაობამდე, თუ, რასაკვირველია, სიცოცხლე უწერია! ჟამთა სვლაში იქნებ ვინმე ჩაუფიქრდეს, გონივრული აზრის ნამცეცი იპოვოს და მადლობით მოგვიხსენიოს!


ჰოდა, ხალხნო და ჯამაათნო, თქვენც რა გენაღვლებათ, ჭირნახული უკვე დაბინავებულია, საქმე მაინც არაფერი გაქვთ. ახლა ცივი

ზამთარია. გულის გამწყალებული ქარბუქი, ყინვა და თოში ზარავს ქვეყანას. ისეთი პირქუში ღამეა, ძალღსაც კი არ გააგდებენ კარში. სწორედ ზღაპრის ალოა. დავჯდეთ და ვიმუსაიფოთ. მე შენ გეტყვი, მოსაყოლი შემომეღევა! სად არ ვყოფილვარ, რა ჯურისა და ჯილაგის ხალხს არ შევხვედრივარ ამ ცისქვეშეთში. კარგიც ბევრი მინახავს და ავიც; აბა, ვინ მოთვლის, ვისთან სად გამიტეხია პური, რამდენი რამ მომისმენია: უბეში გამოსაკრავიცა და ერთიდან მეორე ყურში სწრაფად გასაშვებიც. ზოგი ამისაგან გამიგონია, ზოგიც — იმისაგან. ჩემი დღე და წუთისოფელი ასე მოვდივარ, მომიხარია, რადგან ბევრი რამის მომსწრე და მნახველი გახლავართ.

ახლა, როგორც ხედავთ, მოტეხილი ვარ, ჯორჯოზე ვზივარ აგერ, კერიის პირას, და გრძელტარიან ყალიონს ვაფუვლებ. ზედ მოზრდილი ნაკვერჩხალი მიდევს, ცერს ვაჭერ და ვქაჩავ და ვქაჩავ, თანაც ზღაპრის სათქმელად ვემზადები...

ჰოდა, მეზობლებო და კეთილებო, დედაკაცებო და მამაკაცებო, მოზრდილებო და ბალებო, რა გენაღვლებათ, მივუსხდეთ კერიის პირას, მივეფიცხოთ ცეცხლს და მოვკლათ ამ ცივი ზამთრის გრძელი ღამე!

აბა, ჰე, ვიწყებ. სმენა იყოს და გავგონება!



## მელია და ცხვარი

იყო და არა იყო რა...

შორს, სადღაც უდაბურ ტყეში, ცხოვრობდა ერთი წუწკი მელია.

ერთხელ, როცა მზემ მალლა წამოიწია, მელიამ თავის მელუკებთან თამაშით გული იჯერა, ბუნაგიდან გამოვიდა და სოფლისაკენ გაუდგა გზას, იქნებ ბედს ვეწიოო.

ბევრი იარა, თუ ცოტა იარა, მიადგა სოფელს, ერთ ბოსტანს ღობე-ღობე აჰყვა, გამონგრეული ადგილი მოძებნა და შიგ შეიხედა. მელიას სიხარულისაგან ელდა ეცა.


ასეთი წარმტაცი სურათი მანამდე არასოდეს ენახა.

ხვერდოვანი მოლით მოფენილ ეზოში ქათმები ჯარად გამოშლილიყვნენ; ზოგი მარცვალს კენკავდა, ზოგიც ბალახს წიწკნიდა. ქათმებში ჩამდგარ მამალს თავი მალლა აეღო, ცალი თვალი ცისტვის მიეპყრო, ხანგამოშვებით აქეთ-იქით იხედებოდა და გაოცებული იძახდა:

— კო-კო-კო!..

მელიამ ერთ ხანს ეჭვიანად უყურა, ხომ არ შემამჩნიაო. მერე, როცა მამალმა წინ გაალაჯა და ნისკარტი ღონივრად ჩაჰკრა მიწაში, მელია დამშვიდდა და ქათმებს მსუნაგად





მიაჩერდა, რომელია ყველაზე მსუქანო. უყურა და უყურა დედლებს. ამასობაში თვალი აუჭრელდა, კბილები აუკაწკაწდა. ისედაც მოშეებული იყო და ახლა სულ აეწვა კუჭი. უნდოდა გამოვარდნილიყო და რომელიმე დედალს დასტაკებოდა, მაგრამ ვერ ბედავდა. უფრო მოხერხებულ წუთს ელოდა. ნატვრა მალე შეუსრულდა: ღობის ცოტა მოშორებით ერთმა ნაცარა დედალმა ნისკარტი რამდენჯერმე ჩაჰკრა საქონლის ნეხვზე ამოსული შავი ბალახის ძირს, მერე ბაჯბაჯით უკან დაიხია და ნაწვიმარი მიწიდან ცერის სიმსხო გრძელი ჭია ამოიწელა.

ნაცარა ჭიის გადაყლაპვას აპირებდა, რომ მას თვალი მოჰკრა მახლობლად მოკაკანე შავმა დედალმა. დედალი უმაღვე ნაცარასკენ გაექანა, ალბათ იფიქრა, ჭიას წავართმევ და მე თვითონ გადავსანსლავო.

ნაცარა მიუხვდა, აიფოფრა, ადგილს მოსწყდა და მოკურცხლა, რაც ძალა და ღონე ჰქონდა. მას შავი დედალი დაედევნა. ორივე ქათამი იქით მირბოდა, სადაც მელია ჩასაფრებულიყო.

მელიამ თავი წამოსწია, მოახლოებული დედლების დანახვაზე თვალეზი მოწკურა და, როცა ნაცარამ ღობესთან მიირბინა, ელვის სისწრაფით ისკუბა და პირი დაავლო.

საბრალო ნაცარას ჭია გაუვარდა. აკრიახდა, მიშველეთო. დანარჩენ ქათამებს გული გადმოუტრიალდათ, კენკვას თავი მიანებეს, ფრთა ფრთას შემოჰკრეს და ოდის ქვეშ შეძვრნენ.

მამალი გვიან მოევო გონს. როცა დამფრთხალი ქათამების კაკანი შემოესმა, თვითონაც მიანება თავი კენკვას, თავი მალა ასწია და მრისხანედ მიიხედ-მოიხედა.

ირგვლივ არც ერთი ქათამი აღარ ჩანდა.

მამალი შეფიქრიანდა. ჯერ ადგილიდან წელა დაიძრა, მერე ნაბიჯს მოუმატა, ბოლოს გაქცევაც იკადრა და „კოს“ ძახილით თვითონაც ოდის ქვეშ შეფრთხიალდა.

ბუჩქებში მიმალულმა მელიამ ნაცარას კისერი უმაღვე წაწყვიტა.

სისხლში მოსვრილი საბრალო ნაცარა ფეხებს ასავსავებდა, მიწაზე ფართხალებდა და მელიას მტვრით უვსებდა თვალებს.

მელიამ ორივე თათი მაგრად დააჭირა დედალს, მიიხედ-მოიხედა, უცაბედად თავზე არავინ წამომადგესო, მცირე ხანს ასე იყო, მერე, რაკი დარწმუნდა, ხიფათი არსაიდან მომელისო, ნაცარა შუაზე გაბღღვნა და მადიანად შეექცა.

კარგად გამომძღარმა სისხლიანი ტუჩები მოილოკა და ისევ ბუჩქებს აედევნა.

მიცუნცულებდა მელია, დროდადრო შედგებოდა, გარემოს მიაყურადებდა და ისევ გზას განაგრძობდა.

იცუნცულა, იცუნცულა და სოფლის ორღობეს რომ გასცდა, შორიდან რაღაცას მოჰკრა თვალი. გული აუძგერდა, უმაღვე გვერდზე მიდგა, ბუჩქებს ამოეფარა, კისერი წაიგროძელა და დაკვირვებით მიაცქერდა მომავალს.

— ჰმ, ცხვარი ყოფილა! — გაეცინა მელიას. — მე კი შიშისაგან კინდამ გული გამისკდა.

მელია დამშვიდდა და წასვლა დააპირა, მაგრამ მერე შედგა:

— მართალია, ცხვარი უწყინარი ცხოველია, რა უნდა დამაკლოს, მაგრამ უცხო თვალმა მაინც რატომ უნდა მნახოს ამ დროს სოფლიდან მიმავალი? სიფრთხილეს თავი არ ასტივია! — გაიფიქრა მან.

მელიას ეს აზრი ჰკუთაში დაუჯდა. იქვე თხრილზე გადმოქოჩრილ ბუჩქის ძირას მიიმალა და გაინაბა.

ცხვარს გავატარებ და მერე გავუდგები გზასო, — გადაწყვიტა მან.

მინდვრიდან მომავალი გამძლარი ცხვარი შინისაკენ არხეინად მიბაკუნობდა.

— მე-მე-ე! — დაიპეტელა ცხვარმა.

მელია მიხვდა, რომ ცხვარი ახლოს იყო, თან მისი ნაბიჯების ხმაც მკაფიოდ მოესმა. გაიხედა და ცხვრის კოხტა ფეხებსაც მოჰკრა თვალი. გულმა ძგერას უმატა.

აი, მთლად მიუახლოვდა ცხვარი, ზედ ცხვირწინ ჩაუარა მელიას. ცხვრის სუნი რომ ეცა, — მელიას პირზე ნერწყვი მოადგა, ყურები სცქვიტა და მსუნაგად გააყოლა თვალი ბაკაბუკით მიმავალ ცხვარს.

ცხვარი კი ლამაზად მიიქნევდა ჩასუქებულ ღუმას. მელიას მეტისმეტი ნდომისაგან კინალამ რეტი დაესხა. უმაღვე ტუჩები მოილოკა. სულმა წასძლია, განზრახვა შეცვალა და იმის მაგივრად, რომ ტყისკენ წასულიყო, ფეხაკრეფით აედევნა ცხვარს. ისე გულდაგულ მისდევდა, ირგვლივ ველარაფერს ამჩნევდა და, რაც უფრო უახლოვდებოდა, მით უფრო უძლიერდებოდა ღუმის ჭამის სურვილი.

აი, მელია წამოეწია კიდევ ცხვარს, პირდაღებული მიაჩერდა და კბილები ისე აუკაწკაწდა, თითქოს მთელი კვირის უჭმელი ყოფილიყოს.

„ასე სანამდე უნდა ვდიო? მოდი, დავეტაკები და ღუმას მოვავლევ! — გაიფიქრა და ნახტომისათვის შეემზადა, რომ სწორედ ამ დროს ცხვრის კაუჭა რქებს მოჰკრა თვალი და, ცოტა არ იყოს, შეყოყმანდა, — ვთქვათ, ერთი დატაკებით ვერ მოვავლიჯო ამოდენა ღუმა, გაბრაზებული ცხვარი შემომიბრუნდეს, მუცელში ამომკრას რქები და გამომფატროს, მაშინ რაღა მეშველება? მაშინ ხომ ვერც ღუმას შევჭამ და მელუკებიც დამიობლდებიან!“

მელია საგონებელში ჩავარდა. ხელი კინაღამ აიღო გან-  
ზრახვაზე, მაგრამ მსუქან ღუმას თვალს მაინც ვერ  
რებდა. დიდხანს სდია ცხვარს და თან გზადაგზა ფიქრობდა:

„დავეტაკო თუ არა, დავეტაკო თუ არაო“.

უცებ ახალმა აზრმა გაუელვა თავში:

„ეს ღუმა ისე ქანქალებს, საცაა მოსწყდება კიდეც და  
ძირს ჩამოვარდება. მაშინ დავავლებ პირს და მოვკურცხლავ,  
მეც ჩავიგემრიელებ პირს და ჩემს მელუკებსაც გავახარებ!“

ეს აზრი ძალიან მოეწონა. გულიც ამაზე დააჯერა და  
ცხვარს ისევ გამოუღდა.

მიბაკუნებდა ცხვარი. მიცუნცულებდა მელია.

ბევრი იარეს, თუ ცოტა იარეს, უცებ მელიას სულ ახ-  
ლოს, ზედ ყურთან, ძაღლების საშინელი ყეფა შემოესმა.  
შიშმა გული გადაუტრიალა, გზა-კვალი აუბნია, ველარც კი  
მოისაზრა, საით გაქცეულიყო და, ვიდრე გონს მოვიდოდა,  
ბალახბულახითა და ჩირგვებით მოდებულ ღრმა თხრილში  
გადაეშვა.

ახლა აღარც ცხვარი მიბაკუნებდა მის ცხვირწინ და არც  
მსუქანი ღუმა ქანაობდა.

მელია მხოლოდ ახლა მიხვდა, რომ ცხვრის ღუმის დევ-  
ნას შეუმჩნევლად შუა სოფელში შეეყვანა. ისიც ახლა შეი-  
ტყო, რომ იმ ცხვარს თურმე პატრონი ჰყოლია, ხოლო პა-  
ტრონს კი — ძაღლები, ცხვრის დასაცავად...

მელიას ყოველივე ეს ასე ნაგვიანევად მოაგონდა და  
მწარე სინანულით ესლა ამოიკვნესა:

— ახია ჩემზე, ქათმის ხორციით მაძლარი ვიყავი და  
ცხვრის ღუმა რაღად მინდოდა?!

ნაგაზებმა გასწიეს და გამოსწიეს მელია.

წუწკმა მელიამ სული იქვე განუტევა.

## ზუა სიმართლისა

ეს ამბავი დიდი ხნის წინათ მოხდა. როდის? მაგას კი ვე-  
ლარ გეტყვით, მაგრამ, სამაგიეროდ, იმის თქმა კი შე-  
მიძლია, რომ ჩვენს დროში ეს არასგზით არ მოხდებოდა.

მაშინ თურმე ბატონები იყვნენ. ჰოდა, უთუოდ თქვენც  
კარგად მოგეხსენებათ, თუ ბატონები იყვნენ, მამულიც ექ-  
ნებოდათ, დოვლათით სავსე სახლ-კარიც, მოურავიც ეყო-  
ლებოდათ და შინამოსამსახურე გოგო-ბიჭებიც.

ასე ყოფილა იმ დროს და რა გასაკვირი ამბავია, თუ  
ტრაფინა ბატონსაც ჰქონდა დიდი მამულები, საძოვრები,  
ბაღ-ვენახები, მდიდრულად მორთული ფართო კარ-მიდამო  
და მასთან ერთად მრავალრიცხოვანი ყმები და შინამოსამ-  
სახურე გოგო-ბიჭებიც დასტრიალებდნენ თავს.

ტრაფინა ბატონის მოახლე გოგო-ბიჭებში ერთი ისეთი  
გოგო და ბიჭი ერია, რომ მათ შეხედვას არაფერი ჯობდა.  
გოგოცა და ბიჭიც ვარსკვლავებს ეთამაშებოდნენ. გოგო გა-  
ბადრულ მთვარეს ჰგავდა და სახელიც საკადრისი ჰქონ-  
და — მთვარისა, ბიჭი კი მკვრივად ჩასხმული იყო და იმასაც  
შესაფერ სახელს ეძახდნენ — ტარიელი ერქვა.

მთვარისა და ტარიელი მუყაითობით, კარგი სიტყვა-პა-  
სუხით, სიმკვირცხლით გამოირჩეოდნენ სხვებისაგან. რაც  
უნდა დაევალებინათ, ყველაფერს თვალის დახამხამებაში



ასრულებდნენ, ამიტომ ტრაფინა ბატონსა და მის მეუღლეს, ქალბატონ გულქანს, ძალზე უყვარდათ ორივე: ცოლ-ქმარი ისე ვერ მოისვენებდა, თუ მთვარისა და ტარიელი მათ ფეხებს არ დაბანდნენ და მერე ფეხისგულების ფხანაში ტკბილად არ ჩაეძინებოდათ.

ასე ცხოვრობდა მამა-პაპის ქონებით, დოვლათითა და ყმების სამსახურით განებივრებული ცოლ-ქმარი. ამიტომ თავს ბედნიერად გრძნობდნენ. ყმების პირობაზე არც მთვარისა და ტარიელი ემდუროდნენ ბედს, რადგან ჯერ ახალგაზრდები იყვნენ, ღუხჭირი ცხოვრების ასავალ-დასავლისა ბევრი არა გაეგებოდათ რა და ბატონებიც მადლიერი ჰყავდათ.

ასე გადიოდა დრო, მაგრამ ამქვეყნად დაუსრულებელი სხვა რა ყოფილა, რომ მათი ეს მცირედი ბედნიერება ყოფილიყო?

ერთ მშვენიერ დღეს, როცა წამოიზარდნენ, როცა მთვარისა უკვე მოწიფული ქალი შეიქნა და ტარიელმაც უღვაშები დაიმშვენა, ვაჟმა ქალს გული გადაუხსნა და მის საიდუმლო კუნჭულში ჩაახედა.

— მიყვარხარ, ძვირფასო, მეტი აღარ შემიძლია—უთხრა ტარიელმა და ხელი მოხვია, რომ მღელვარე გულში ჩაეკრა საყვარელი არსება.

მთვარისა აწითლდა და შიშნაკრავი თვალებით მიაჩერდა ჭაბუკს, თუმცა ტარიელისადმი ფარული ტრფიალების ნაპერწკალი თვითონაც უღვივოდა გულში.

— სუ! სუ! ეგ რა თქვი? დაგავიწყდა, რომ ჩვენ ყმები ვართ და ბატონს ვემსახურებით?!

— მერე რა, რომ ვემსახურებით?

— არა, ტარიელ, არა, არ გამაგონო, ეს შეუძლებელია!

— ოღონდ ჰო მითხარი, მეტი არაფერი მინდა, სხვას



ყველაფერს მე მოვაგვარებ. შენ ფიქრი ნუ გაქვს, მოგიტაცებ და ცხრა მთას იქით გადავიკარგები! — ტარიელმა გულში ჩაიკრა ქალი, მაგრამ მთვარისამ ამჯერადაც თავი გაითავისუფლა, ხელები ყურებზე მიიტარა.

— არ გვაპატიებენ! არა! არ გამაგონო! — მიადახა ვაჟს და გაიქცა.

სასახლეში თითქოს ყველაფერი ჩვეულებრივად მიმდინარეობდა. მთვარისა და ტარიელი არაფერს იმჩნევდნენ. დარწმუნებულნიც იყვნენ, რომ მათი იდუმალი ტრფიალი არავის შეუნიშნავს, მაგრამ სიმკაცრითა და სიავით სახელგანთქმულ ტრაფინა ბატონს ათასი თვალი და ყური ჰქონდა გამობმული. ყოველივე შეიტყო და გადაწყვიტა, სანიშნოდ დაესაჯა ურჩი ყმები, რომ ამით სხვებისთვის ჰკუთესწავლებინა.

პაპანაქება სიცხე იყო. ტრაფინა ბატონი ტოტებგაბრჩნილი ასწლოვანი ჭადრის ჩრდილში ჭილობზე იწვა, თავქვე მუთაქა ამოედო და განრისხებული მისჩერებოდა ცას. დიდხანს იყო ასე, ღრმა ფიქრებში წასული, მერე უცებ გვერდით მჯდომ გულქანს მიუბრუნდა:

— ვინ წარმოიდგენდა ამგვარ თავხედობას! აქვე, ჩემ თვალწინ, ნაცვლად იმისა, რომ ბატონის სამსახურზე იფიქრონ, თვლებში მიცქირონ და უსიტყვოდ ამოიკითხონ, რა მესიამოვნება და რა — არა, რაებს ბედავენ, ხედავ?

— საშინელებაა, საშინელება და, ვიდრე ჯერ კიდევ გვიანი არ არის, ამ ამბავს ბოლო უნდა მოეღოს, თორემ სხვები სულ თავზე წამოგვასხდებიან! — მიუგო გულქანმა.

— მაშ არა და, ვაპატიებ, მაგათი თავის გახეთქვამ! რას მიქვია ყმების ღლაბუცი ჩემს სახლში, ჩემ თვალწინ! ჩავამწარებ!..

— ჰოდა, აგრე უნდა მოიქცე, თორემ გათამამდებიან და თავზე წამოგვასხდებიან. ჰმ! სიყვარულიო! — გაანხვლიტებულმა გულქანმა გამქირდავად გაიცინა. — სად გაგონილა, ბატონო, ყმების სიყვარული, ნამდვილი მეორედ მოსვლაა, შენი ჭირიმე!..

— ეს არ მიხეთქავს გულს? ადამიანო, ყმები და სიყვარული? ისიც ჩემ თვალწინ, გესმის?! — ცოფს ჰყრიდა ტრაფინა ბატონი.

— საკვირველია, ვინ ასწავლა, ჰა?.. — კვირობდა გულქანი.

— შენ ეგა თქვი! ამისთანა საქმე ჩემი პაპის პაპის ყმებში არავის ახსოვს! ამას ვინ გაბედავდა ძველად აქ, ისიც მამაჩემის დობორჭინა?

— სულ შენი ბრალია, შენმა მზემა! რბილად ეპყრობი: არავის არა სჯი და აი, თავიც აიშვეს!

— შენი ამბავი მაკვირვებს, არა სჯი, არა სჯიო, რომ დავიჩემებია! განა დასჯა არ იყო, სიტყვის შემობრუნებისათვის აზნაურ თარაშიას გლეხი საბეკია რომ სათათრეთში გავაყიდინე? განა დასჯა არ იყო, ლანდია მონადირე ძალღზე რომ გადავცვალე? განა დასჯა არ იყო, ცალ უღვაშმოპარსული ჯგერენაია ვირზე უკულმა რომ შევასმევინე და მთელი სოფელი რომ შემოვატარებინე? განა დასჯა არ იყო ისა, რა ერქვა იმ ლამაზ გოგოსა?

— ჰო, ჰო, არეთა, ცალთვალას, კოჭლს და ბებერ დათიელას რომ მიათხოვე ურჩობისათვის.

— ეგ ძველი ამბავია, თოლიგე, ძალიან ძველი და შორეული... შენ ახლა ისა თქვი, ამ ამბავს რა ეშველება, რა ვუწამლოთ? დასჯით კი დავსჯი, მაგრამ თან მენანებიან, კარგი გოგო და ბიჭია! — ჩაფიქრდა ტრაფინა ბატონი. მერე



ღრმად ჩამჯდარ თვალებში კვლავ მრისხანება გამოეთქვა და უცებ ხმამაღლა დაიძახა: — მოურავო!

სად იყო და სად არა, ბატონს წინ გამოეჭიმა შერმადინ-მოურავი.

— აქ მოლაღე ის შენი ნახირი ახლავე!

— რომელი ნახირი, ბატონო, რას ბრძანებთ?

— რა ბატისტვინა ხარ, მოურავო! — შეუტია ტრაფინამ.

— ჰო, ბოდიში, ბატონო, ბოდიში, უცებ ვერ მოვისაზრე, მე უბედურმა! გოგო-ბიჭები არა? ახლავე თქვენი ჭირი-მე! — შერმადინი ადგილს მოსწყდა და ბრძანების შესასრულებლად წაძუნძულდა.

რამდენიმე წუთის განმავლობაში შინაყმებმა და მოახლე გოგო-ბიჭებმა უკლებლივ მოიყარეს თავი ბატონის ეზოში და რაღაცა საშინელი ამბის მოლოდინით შეძრწუნებულნი გაისუსნენ.

— ტარიელი სად ბრძანდება? — გაისმა ტრაფინა ბატონის მრისხანე ხმა.

— აქ გახლავართ, მწყალობელო! — წინ წამოდგა მხარბეჭვანიერი, ბრგე და ლამაზი ჭაბუკი.


ტრაფინა ბატონმა ჯერ ყმებს შეავლო თვალი, მერე მრისხანე მზერა ტარიელზე შეაჩერა.

— ვინა ხარ შენ?

— თქვენი ერთგული ყმა, მარად თქვენი მონა-მორჩილი, მწყალობელო ბატონო! — მოკრძალებით მიუგო ტარიელმა.

— თვალთმაქცობ, შე სალახანავ, შენა!

— რათა, მწყალობელო? რაში მეტყობა თვალთმაქცობა, განა ყოველთვის ერთგულად არ გემსახურებოდით?



— ყოველთვის? — ხმას აუწია ბატონმა და თვალებიდან ნაპერწკლები გადმოყარა. — მუტრუკი გამოხვედი, უმადურნი! ბატონის მორიდება, შიში და პატივისცემა დაკარგე!

— ამისთანა რა ჩავიდინე, მწყალობელო?

— რა ჩავიდინე! რა ჩავიდინე!.. ჩემ დაუკითხავად, ჩემი ნებაართვისა და სურვილის გარეშე ისეთ რამეს ჩაღიხარ, რომ...

— მაინც რას, მწყალობელო?

— სიყვარულობია გამიმართე აქ... ჩემს ოჯახში! ამის გაგონებაზე ყმებმა გოგოებს გადახედეს. ყველა თავისუფლად იდგა, მხოლოდ მთვარისას ჩაქინდრა თავი მორცხვად და მღელვარებისაგან სახეზე ალმური მოსდებოდა. ყმები მიხვდნენ, რომ ბატონის მრისხანება ამ ორის — მთვარისასა და ტარიელის — საქციელით იყო გამოწვეული.

— მე უკვე ოცი წლისა შევსრულდი, — გაბედულად წამოიწყო ტარიელმა, — რაც თავი მახსოვს, გემსახურებით. საწყალ მამაჩემსაც თავისი დღე და წუთი-სოფელი თქვენს სამსახურში დაუღამდა. როცა აქ მომიყვანეთ, მამას პირობა მიეცით, როგორც კი ოცი წელი შეუსრულდება, გავათავისუფლებო. მამაჩემი გულისფანცქალით მოელოდა ამ სანატრელ დღეს, ფიქრობდა. ტკბილსიბერეს გავატარებო, მაგრამ აღარ დასცალდა და თქვენი ჭირი წაიღო. ჩემი მშობლებიც და წინაპრებიც შენი ოჯახის სამსახურს შეაბერდნენ. მეც თავს არ ვზოგავ, გემსახურებით, რაც შემძლია. ნუთუ ყოველივე ეს საკმარისი არ არის იმისათვის, რომ გჟლი მოიღბოთ, მოწყალება მოილოთ და, დაპირების თანახმად, მიწის მცირედი ნაჭერი მიწყალობოთ, რომ პატარა ფაცხა მოვიღობო, კერიასზე ცეცხლი დავანთო და საკუთარ ჭერქვეშ შემოვიყვანო ის, ვინც

2. პოლიო აბრამია



გულით მიყვარს. ხომ არ ვიყრებით და სადმე ხომ არ მივ-  
დივართ. ისევ თქვენი ყმები არ ვიქნებით, ვიდრე პირობი-  
სული გვედგმება?

— ენა ნუ წაიგრძელებ! აქ ჩემია ყველაფერი — ცაც, ჰაე-  
რიც, ყმებიცა და...

— კი მაგრამ, ოცი წლის შემდეგ ხომ უნდა გაგეთავისუ-  
ფლებინე? პირობის შეშლა, აბა, რა საკადრისია!

— კრინტი! რა პირობაზე მელაპარაკები. ყმას ბატონის  
სამსახურისგან მხოლოდ სიკვდილი ათავისუფლებს, სხვა  
არაფერი!

— მეც და... განა ჩვენ ყველანი აღამიანები არა ვართ?!

— გესმის კაცო, ეს შფოთისთავი რაებსა ბედავს? — გა-  
წიწმატდა ქალბატონი გულქანი.

— შეჰკარით ეგ თავხედი! — წამოიყვირა ტრაფინა ბა-  
ტონმა.

ბრძანების გაცემა ადვილი იყო, მაგრამ ტარიელს ხელის  
ხლებას ვინ გაუბედავდა.

ადგილიდანაც არავინ დაძრულა.

— შეჰკარით-მეთქი! მოურავო, რაღას უცდი? სწრაფად!

მოურავი ადგილს მოსწყდა, მაგრამ ვიდრე გაურჩებულ  
ყმას დაეტაკებოდა, ტარიელმა ის ერთი დარტყმით სამჯერ  
ზედიზედ გადააკოტრიალა. ტრაფინა ბატონმა შეატყო, საქ-  
მე ცუდათააო, ძლივს წამოდგა და ყმებს ზარდამცემად დაუ-  
ღრიალა:

— თქვენ რაღას უდგახართ, შეჰკარით!

შეშინებული ყმები მიესივნენ ტარიელს და კარგა ხნის  
ჭიდილის შემდეგ, როგორც იყო, ძირს დასცეს. ამასობაში  
მოურავიც მოსულიერდა, ზედ მოაჯდა წაქცეულს და მსხვი-  
ლი თოკი ერთხელ კიდევ გადაუნასკვა.

— ეგეც შეჰკარით! — ბრძანა ტრაფინამ და მთვარისაზე  
შიუთითა, — ავაზაკი ტარიელი ხუნდზე დასვით, ის გომბით  
კი დილეგში ჩააგდეთ!

მეტი რა გზა ჰქონდათ. ყმებმა ბატონის ეს ბრძანებაც  
უმაღვე შეასრულეს. პაპანაქება სიცხეში ტარიელი ხუნდზე  
დასვეს და შიშველ ტანზე თაფლი წაუსვეს, რომ ბუზები და-  
სეოდნენ. გულქვა ბატონი დიდხანს ტკბებოდა ამ სანახაო-  
ბით; მერე, როცა ტარიელს უამრავი ბუზი, კრაზანა და  
ფუტკარი მიესია, ხოლო მას ამ მოძალადეების მოგერიების  
თავი აღარა ჰქონდა, ტრაფინა ბატონმა ნიშნის მოგებით  
მიაძახა:

— ეგეც შენ, შე ლაწირაკო, შენა! არ გერჩივანა, ჭკუიანად  
ყოფილიყავი? იქნებ კიდევ მოითხოვო მიწა ცალკე დასასახ-  
ლებლად?!

— მიწაო? მიწა კი არა, გოგოსაც გთხოვს, ვერა ხედავ?  
ისიც რჩეულსა! — ჩაიქირქილა გულქანმა.

— რაკი ასეა, ახლა დადექი და ისტუნე! ეს კიდევ არაფე-  
რი. სულ მოგაშორებ აქაურობას, სათათრეთში გაგყიდი,  
რომ ურჯულოთა ქვეყანაში ამოგხდეს სული. სიყვარულო-  
ბანა არ გამიმართა აქ!

ტარიელის საცოდაობით გულდათუთქული ყმები უბე-  
დურს შორიდან უთვალთვალეზდნენ, მაგრამ შველა კი არა-  
ვის შეეძლო. აბა, რომელი ყმა გაბედავდა აშკარად გამოსუ-  
ლიყო, პირში შებმოდა გულქვა ბატონს და რამე ელონა ამ  
უბედური ადამიანის გადასარჩენად!

ბინდი უკვე ჩამოწვა. მთელი დღის განმავლობაში თა-  
ვის ქნევით, ბუზებისა და კრაზანების მოგერიებით მოლ-  
ლილ-მოქანცული ტარიელი ისევ უღონოდ მოკუნტული

იჭდა. ყმები იმედოვნებდნენ, განრისხებული ბატონი გულს მოიღობს, ამდენ ტანჯვას აკმარებს და აუშვებს. მაგრამ ბატონის გულს ასე ადვილად რა მოაღობდა? ბატონი ისევ განრისხებული იყო და ცოფსა ყრიდა. დაძინების წინ ყველა დაიბარა და მკაცრად გააფრთხილა: სიახლოვეს არავინ გაეკაროთ, არც წყალი მიაწოდოთ და არც ერთი ლუკმა პური, ვინც ამ ბრძანებას ეურჩება, იცოდეთ, უარესი დღე მოელისო.

მეთვალყურეობა მოურავს დაავალა, რომლისთვისაც ტარიელს ისე მაგრად გაერთყა, რომ სახე მთლად დაღურჯებული ჰქონდა.

ტარიელი ღამით ძალიან ბევრს ეცადა, რა ხერხს არ მიმართა, რა არ იღონა, მაგრამ მაინც ვერას გახდა. ხუნდი ისე იყო მოწყობილი, რომ ადამიანის დაუხმარებლად მას ვერ მოიშორებდა. იმ ღამეს არც ტრაფინა ბატონის ყმებს მოუხუჭავთ თვალი. დიდხანს ბჭობდნენ და ტარიელის გასათავისუფლებლად გეგმებს აწყობდნენ. ზოგმა რა თქვა, ზოგმა — რა. ყველამ კარგად იცოდა, რომ ტარიელის სადარაჯოდ მიჩენილი მოურავი ძილფხიზლობდა. უცადეს, უცადეს, იქნებ დაეძინოსო, მაგრამ, ბოლოს, მოიქანცნენ და დასაძინებლად წავიდ-წამოვიდნენ. მთელ სასახლეში ყველას დაეძინა, თვით მოურავსაც კი, მხოლოდ ტარიელი და მისი ორი გულითადი მეგობარი — ჯეგე და ჯუმბერი — ფხიზლობდნენ. ჯეგე და ჯუმბერი ბინიდან სწორედ მაშინ გამოვიდნენ, როცა მამლებმა მეორედ იყივლეს. ხოხვით მიუახლოვდნენ ხეს, რომლის ძირში მოურავი იჭდა. სიფრთხილეს თავი არ ასტკივაო და ჯერ შორიდან დაუწყეს თვალთვალი, მერე უფრო ახლოს მივიდნენ.

— გესმის? ხვრინავს ეს გაიძვერა! — წაიხურჩულა ჯეგემ.

— მართლა ჩასძინებია! აბა ვიჩქაროთ!

ჩეგე და ჯუმბერი ელვის სისწრაფით თავს დაესხნენ მოურავს. ვიდრე ის გონს მოვიდოდა და ყვირილს ატეხდა, პირში ჩვარი ჩასჩარეს და გათოკეს. მხოლოდ ამის შემდეგ მიაშურეს ტარიელს. აუშვეს იგი და მის ნაცვლად თავზე ტომარაწამოცმული მოურავი დასვეს ხუნდზე. გათავისუფლებულმა ტარიელმა ღამის წყვდიადს მისცა თავი. ჩეგე და ჯუმბერი კვალდაკვალ მიჰყვნენ, რადგან ბატონის საბრძანებელში უკვე აღარ დაედგომებოდათ.

ღილით, ინათა თუ არა, ყველაზე ადრე ტრაფინა ბატონი ადგა. მაშინვე ახალუხი გადაიცვა, ბატის ფრთით ღილკილოების შეკვრა დაიწყო და აივანზე გამობრძანდა. უწინარეს ყოვლისა, მან იქით გაიხედა, სადაც წინა საღამოს ტარიელი დასვეს ხუნდზე, და გაოცდა: იმ ადგილას ნელა ირხეოდა ტომარა.

— მოურავო, სადა ხარ? — დაიყვირა ტრაფინა ბატონმა.

პასუხი არავინ გასცა. ბატონი აქეთ ეცა, იქით ეცა, მაგრამ მოურავი არსად ჩანდა. ამასობაში ყმები და გოგო-ბიჭები მოგროვდნენ, მისცვივდნენ ხუნდს, მსხვერპლს ტომარა მოხადეს და სახტად დარჩნენ.

— ვინა ჰქნა ეს? — მრისხანედ იკითხა ტრაფინა ბატონმა.

ყველა დუმდა, არავინ არაფერი იცოდა. თვით მოურავსაც კი ვერაფერი გაეგო, ისე გულიანად ჩასძინებოდა.

ტრაფინა ბატონი საკუთარ თვალებს არ უჭეროდა და სულ ერთსა და იმავეს გაიძახოდა:

— ახლავე მომეცით ამის ჩამდენი; თქვენი ხელით მომიყვანეთ, თორემ დედაბუდიანად ამოგწყვეტთ ყველას!

ხმას არავინ იღებდა. ბატონს რომ ეჭვი არ აეღო, ყმები უმაღვე მისცვივდნენ მოურავს და ხუნდი მოხსნეს.



ტრაფინა ბატონმა რჩეული ცხენოსნები აფრინა ამით-  
იქით. ბრძანა, გზები შეეკრათ, ტარიელი შეეპყრათ და ცო-  
ცხალი მოეყვანათ. ცხენოსნებმა სასწრაფოდ გაქუსლეს,  
მაგრამ, თითქოს მიწამ პირი უყოო, ტარიელის გზასა და  
კვალს ვერსად მიაგნეს.

ლტოლვილზე განრისხებულმა ტრაფინა ბატონმა საბრა-  
ლო მთვარისაზე იყარა ჯავრი: დილეგიდან ამოაყვანილა და  
ქურდებს გადასცა. ქურდებმა ღამით საზღვარზე გადააპა-  
რეს და ურჯულოთა მხარეში გაყიდეს, რათა უგზოუკ-  
ვლოდ გადახვეწილ ტარიელს მისი ასავალ-დასავალი ვერა-  
სოდეს გაეგო.

გავიდა ხანი. ტრაფინა ბატონის სასახლეში მთვარისას  
და ტარიელს აღარც კი ახსენებდნენ. სოფელმა მიივიწყა  
ერთიც და მეორეც. ის, რაც მათ შეემთხვათ, ბატონის სასა-  
ხლეში იშვიათი ამბავი როდი იყო. ტარიელს კი თავის პირ-  
ველ სიყვარულს აბა რა დაავიწყებდა! მათხოვრის ტანსაც-  
მელი გადაიცვა და ყველგან მთვარისას დაეძებდა. ბოლოს,  
როცა დიდი ხნის ძებნის შემდეგ ყოველგვარი იმედი გა-  
დაუწყდა, მისანთან მისვლა გადაწყვიტა. იარა ტარიელმა,  
იარა, ბევრი იარა, თუ ცოტა იარა, ერთ მშვენიერ დღეს  
მიადგა მისნის სამყოფელს.

მისანმა ტარიელის დანახვისთანავე ამოიოხრა და შეპ-  
ლალადა:

— ჰმ, აი, კიდევ ერთი მსხვერპლი ბოროტებისა!

ტარიელს ნაღვლიანად გაეცინა:

— საიდან იცი, ჯერ ხომ არაფერი მითქვამს?

— შენი თქმა რად მინდა, შვილო, მე ყველაფერი ვიცი.  
ესეც არ იყოს, ჩემთან მხოლოდ ტანჯული და დაბეჩავებუ-  
ლი ადამიანები მოდიან რჩევა-დარიგების სათხოვნელად.



ჩემთან მხოლოდ ისინი მოდიან, ვისაც სიმართლე ვერ უნდა  
ვია. ვიცი, ვიცი, რომ შენც სიმართლის საძებნელად ხარ მო-  
სული. გინდა, გზა გასწავლო! მაგრამ გასამრჯელო მოიჭანე,  
შვილო? ხელკარიელი ხომ არ მოხვედი?

— ჰმ, გასამრჯელო! — მწარედ გაელიმა ტარიელს, —  
მაინც რას ითხოვთ გასამრჯელოდ?

— ჩემი გასამრჯელო მთელმა ქვეყანამ იცის, შვილო,  
ხუთ ოქროს!

— ოქრო? ხუთი ოქრო? ოქროები ვინ მომაქვავა, მისანი!  
ოქროსი მხოლოდ სახელი გამიგონია, თვალით კი არასოდეს  
მინახავს! ოქრო რომ მქონოდა...

მისანი თვალეზგაბრწყინებული შესცქეროდა კალმითა  
ნახატ ჭაბუკს, რომლის მსგავსი არასოდეს ენახა. იგი უცებ  
მოაჯადოვა ტარიელის გარეგნობამ.

— ხელი მოიტა, შვილო. შენ ისეთი კარგი ვაჟკაცი ჩან-  
ხარ, გასამრჯელოს ახლა არ მოგთხოვ, ოღონდ არსად წა-  
მოგცდეს, რომ არაფერი მოგიტანია! ხელისგული გაშალე,  
შვილო!

მისანი დააკვირდა ხელისგულს, დიდხანს უცქირა, უცქი-  
რა, ბოლოს ამოიოხრა და დაიწყო:

— ამ ხაზს ხომ ხედავ, შვილო? ეს დიდი შარაა, დიდი და  
შორი გზა გიძევს... ამ გზას გაჰყევი, სამხრეთ-აღმოსავლეთ-  
ით იარე, ბევრი, ძალიან ბევრი იარე — დღისითაც, ღამი-  
თაც. გზაზე ბევრი, ძალიან ბევრი ვინმე შეგხვდება. ზოგი-  
იქით მიმავალი, ზოგი — აქეთ მიმავალი. გკითხავენ: — სად  
იყავი, საიდან მოდიხარ, სად მიდიხარ, რა საქმეზეო? — იცო-  
დე, ენა არავისთან დაასველო, არავის არაფერი უთხრა!  
ცხრა წლისა, ცხრა თვისა და ცხრა დღის შემდეგ ზღვის ერთ  
ნაპირს მიადგები. იმ ზღვის გადაღმა ქვეყანაშია ის სიმართ-  
ლე, რომელსაც შენ დაეძებ და აქამდე ვერ გიპოვია. იმ





ზღვაზე გრძელი ხილია. მას ბეწვის ხიდს ეძახიან. ზედ გადსვლა ადვილი საქმე არაა, გაგიჭირდება, მაგრამ უნდა ივაჟკაცო! როცა გადახვალ, როცა ყველა შენი ტანჯვა-ვაება დაგავიწყდება, სიმართლეს იპოვი და გაბედნიერდები, მეც მომიგონე და ჩემი მცირე გასამრჯელოც არ დაგავიწყდეს.


ცხრა წლისა, ცხრა თვისა და ცხრა დღის შემდეგ ტარიელი მართლაც მიაღვა ზღვის ნაპირს და თვალწინ უცნაური სურათი გადაეშალა: ხიდთან ზღვა ხალხს მოეყარა თავი. ყველა სხვადასხვა დროსა და სხვადასხვა მხარეში გამეფებულ დუხჭირ ცხოვრებას გამოქცეოდა, სიმართლის ძებნას აქამდე მოეყვანა, მაგრამ ხიდზე გასვლა ვერავის გაებედა და აქ დაბანაკებულიყვნენ.

თითო-ოროლა გულადი ვაჟკაცი ქარიშხალსა და ზღვის სასტიკ ღელვას არ შეშინებოდა და ხიდზე გაბედულად შეედგა ფეხი. მაგრამ სავალალო ის იყო, რომ ამ თავგანწირულ გულადთაგან უკან დაბრუნებული აღარავინ უნახავთ. ხოლო ვინც აქ დარჩა, სიცოცხლეს ტყუილად იმოკლებდა ამოღ ლოდინით.

ტარიელი ძალიან ჩააფიქრა გაგონილმა და საკუთარი თვალით ნახხმა. მან დიდხანს უცქირა აბობოქრებულ ზღვას, რომელიც მთებისოდენა ტალღებს მოაგორებდა და ნაფოტივით ათამაშებდა ზედ გადებულ ხიდს. დიდხანს, ძალიან დიდხანს იჯდა გაოგნებული და ზღვას გასცქეროდა. ვერ მოესაზრებინა, წასულიყო თუ დარჩენილიყო. ბოლოს წასვლა გადაწყვიტა, ირგვლივ შემოკრებილ ხალხს გადახედა, მარჯვენა ხელი ასწია და ომახიანად შესძახა:

— ხალხო, მეც მივდივარ, გზა დამილოცეთ!

თქვა ეს სიტყვები, მიტრიალდა და ხიდს მიჰყვა ვაჟკაცური, მტკიცე ნაბიჯებით.



— ყოჩაღ, ბარაქალა, ბარაქალა შენს ვაჟკაცობას, მამაცო ჭაბუკო! გზა მშვიდობისა, კეთილად გნახეთ, კეთილად გნახეთ, გამარჯვებით დაბრუნებულიყავი! — გაისმა აქეთიქიდან...

ტარიელი კი მიდიოდა და მიდიოდა. დადუმებული ხალხი კიდევ დიდხანს უყურებდა მიმავალს, ვიდრე ის თვალთარ მიეფარა...

ფაფარაყრილი ზღვა ბორგავდა და გმინავდა. ქარიშხალი თანდათან სულ უფრო მძაფრდებოდა. მთებისოდენა ტალღები ერთმანეთს ეხეთქებოდნენ და იმსხვრეოდნენ.

ხიდი ირწეოდა, ჭრიალებდა, თითქოს საცაა უნდა დაიშალოს და ნაფოტებად იქცესო. გადიოდა დრო. თენდებოდა, ღამდებოდა, ტარიელი კი სულ მიდიოდა, მიდიოდა და მიდიოდა. დალლასა და მოქანცულობას აინუნშიაც არ აგდებდა, ოღონდ როგორმე გაღმა ნაპირამდე მიეღწია. ბოლოს, ბევრი იარა, თუ ცოტა იარა, ერთგან მთლად გათეთრებულ ბერიკაცს წააწყდა. ბერიკაცი თურმე გაღმა ნაპირიდან მოდიოდა. გზაში ღონე გამოლეოდა, დაღლილიყო და აქ ჩამომჯდარიყო დასასვენებლად. უღონო ხელებით ხიდის მოაჯირს ჩაჭიდებოდა, რათა ქარიშხალს ზღვაში არ გადაეგდო.

რა ხანი იყო, ტარიელს ძე-ხორციელი არ ენახა და ძალიან გაუხარდა ბერიკაცის დანახვა. ბერიკაცმაც გაიხარა. ტარიელი უმაღვე მიიჭრა მასთან, მიესალმა და დაწვრილებით გამოჰკითხა ვინაობა. ბერიკაცმაც ყველაფერი უამბო, რაც თავს გადახდენოდა.

— მეც შენსავით ახალგაზრდა ვიყავი, შვილო. ბედმა დამჩაგრა, ვერაგმა აღამიანმა არ დამინდო, გამაუბედურა. ვის არ მივმართე, ვის არა ვთხოვე შეველა, მთა და ბარი შე-



ვაჭერე, მაგრამ სიმართლეს ვერ მივაკვლიე. ბოლოს მირჩიეს, სიმართლე მხოლოდ გაღმა ქვეყანაშიაო და მეც იქით გავეწიე. მაშინ, როგორც წელან გითხარი, ვარსკვლავებს ვწყვეტიდი ციდან. მას აქეთ მოვდივარ და მოვდივარ დღისითაც და ღამითაც, დღისითაც და ღამითაც, შეუსვენებლივ და აჰა, ჩემი სიცოცხლის მზე საცაა ჩაესვენება კიდეც. შემომხედე, რასა ვგავარ! ამ სიარულში მოვიქანცე, ჯან-ღონე გამომელია, დავუძღურდი, დავჩაჩანაკდი. ჩემი დღე და წუთისოფელი ამ ბეწვის ხიდზე გადასვლ-გადმოსვლას მოვანდომე. ეჰ, მე ხომ მოვტყუვდი, მაგრამ შენც მწარედ მოტყუებულხარ. საწყალი კაცი ყველგან დაჩაგრული ყოფილა! მე შევცდი, შვილო, და შენც შემცდარხარ. მე ბოროტებას იქვე, ჩემს მიწა-წყალზე უნდა შევბრძოლებოდი. ან გავიმარჯვებდი, ან თავს შევაკლავდი და მომავალი თაობა მაინც მომბაძავდა. იქნებ იმას მაინც ოდესმე დაემარცხებინა უსამართლობა და თვითონ გამხდარიყო ბედნიერი. შენც ასევე უნდა მოქცეულიყავი. ახლა, ვიდრე გვიან არ არის, დაბრუნდი შენს ქვეყანაში, იქ შეებრძოლე ბოროტებას და სიმართლესაც იპოვი.

ქარიშხალი სულ უფრო მატულობდა, ზღვა ისევ ბორგავდა, ყალყზე დგებოდა, ზარდამცემად გუგუნებდა და მთებისოდენა ტალღებს ნაპირისაკენ მიაქანებდა. მძიმედ დაღონებული ტარიელი გულდასმით უსმენდა მოხუცს, ბოლოს თითქოს თავისთვის გაიმეორა:

— დიახ, ბერიკაცო, შენ მართალი ხარ, შორი ყოფილა გზა სიმართლისა!..

## ბულბული და სვამი

ძალიან შორს, ცხრა მთას იქით, სადაც აქედან ვერც თვალს მიაწვდნენ და ვერც ხმას, იყო ერთი ულამაზესი ქვეყანა. ამ ქვეყნის მიწა-წყალზე არასოდეს ადამიანის-შვილს ფეხი არ დაეკარებინა. სამაგიეროდ, რაც ცისქვეშეთში ლამაზი და მგალობელი ფრინველები გაჩენილიყვნენ, ყველას აქ მოეყარა თავი, მეფედ კი შორსმჭვრეტელი და სახელგანთქმული არწივი დაესვათ.

ყოველდღე, ვიდრე მზე ჩავიდოდა, არწივის სამეფოში სიმღერა-გალობა ისმოდა. რომელ ფრინველსაც საით უნდოდა, იქით მიფრინავდა, როგორი ხმითაც მოესურვებოდა გალობა, იმ ხმით გალობდა. დამშლელი და მოძალადე არავინ ჰყავდათ. თავიდანვე ასეთი ტკბილი ცხოვრება დამყარებულიყო ამ აყვავებულ ქვეყანაში. ამიტომ ამ პატარა ქვეყანას შენატროდნენ გარშემო მდებარე დიდი და პატარა ქვეყნები.

ერთ მშვენიერ დღეს, როცა მზე ჩვეულებრივად კაშკაშებდა და ყოველი არსი ნეტარებას მისცემოდა, უბედურება დატრიალდა: უცებ ცა ყომრალი ღრუბლებით მოიფინა, ჩამობნელდა, საშინელი გრივალი ამოვარდა, ატყდა ჭექა-ქუხილი. თავსხმა წვიმამ, ქარმა და სეტყვამ ყველაფერი მიანგრ-მოანგრია, ყვავილებით მოქარგული ველ-მინდორი გადათელა, წინანდელი ბაღჩა-ბაღების ადგილას ისლითა და ლაქაშით მოფენილი ჭაობი ჩადგა. გაჩნდა ათასი ჯურის ქვეწარმავალი. მგალობელი ფრთოსნები სადღაც გადაიკარ-



გნენ. მეფე არწივიცა და მისი ჯალაბობაც სადღაც ვადაზგე-  
წილიყვნენ. მათ ნაცვლად მოფრინავდნენ ყანხები და წე-  
როები, ჩხიკვები და კოდალები, ძერები და ყარყატები,  
კაჭკაჭები და ყვავ-ყორნები. შემოსეულმა ურდოებმა იმ  
ლამაზი ქვეყნის ერთი მესამედი დაისაკუთრეს და არწივის  
ნაცვლად მეფედ სვაგი დასვეს.

სვავის გამეფების დღიდან იმ ქვეყანას ჯანლი და ნისლი  
არ მოშორებია. საშინელი სანახავი გახდა ოდესღაც წალკო-  
ტოვანი მთა და ბარი. გაქრა ყვავილები და მათი საამური  
სურნელება. ახლა ყველგან ჩატბორებული და გულშემზა-  
რავი ჭყანტობი იდგა. ირგვლივ მხოლოდ შმორის სუნის  
ტრიალებდა. ამ გაპარტახებულ და იავარქმნილ ქვეყანაში  
მხოლოდ ყანხების ყრანტალი, წეროების ყიპყიპი და ყვავ-  
ყორნების ჩხავილილა ისმოდა.

ასე იყო ყოველდღე, მაგრამ ხანგამოშვებით რაღაც ჯა-  
დოსნური ჰანგები მიმოეფინებოდა ხოლმე არემარეს. ღრუ-  
ბლები გადაიყრებოდა, გამოჩნდებოდა მოწმენდილი ცა,  
ჭაობები ამოშრებოდა, ყვავილები კოკრებს გაშლიდნენ,  
ხეები მწვანე საბურველით შეიმოსებოდნენ. უცხო ჰანგე-  
ბის მოსმენისას ამ ქვეყნის ახალი ბინადარნი — ფრინველე-  
ბი თუ ქვეწარმავლები — თავშესაფრისაკენ მიეშურებოდ-  
ნენ. მათ სმენის დამატკობელი გალობა მიაჩნდათ სწორედ  
ყველაზე დიდ უბედურებად. ისინი თავიანთი სოროებიდან  
და ბუდეებიდან მხოლოდ მაშინ გამოძვრებოდნენ, როცა  
ყოველივე მიწყნარდებოდა, როცა ხეები და ყვავილები ტო-  
ტებსა და ღეროებს დახრიდნენ, როცა ნაჭაობარში გუბე  
ისევ ჩადგებოდა და ჰაერი შმორის სუნით გაიყლინებოდა.

ჭაობის მკვიდრთ თავი მობეზრებული ჰქონდათ უცხო  
ხმებით. თითქმის აღარ ედგომებოდათ თავიანთ ბუდეებ-

ში, მაგრამ სად უნდა წასულიყვნენ, ასეთი შმორით სასვე  
ქვეყანა განა კიდევ მოიძებნებოდა სადმე ამ ცისქვეშეთში  
გადიოდა დრო, არაფერი იცვლებოდა, საშველ  
იყო. მწუხარებასა და ტანჯვას ბოლო არ უჩანდა.

ვისთვის უნდა შეეჩვილათ გაჭირვება, ვისთვის ეთხო-  
ვათ, ნუ არღვევენ ჩვენს მყუდროებასო? ვინ მოუღებდა  
ამას ბოლოს? სურვილის შესრულება მხოლოდ მეფეს შეეძ-  
ლო, მაგრამ მეფემდე დიდი მანძილი იყო, სამეფო ტახტი  
ყველაზე მაღალ მწვერვალზე იდგა და იქამდე ვინ მიაღ-  
წევდა!

ერთხელ ტკბილად ჩაძინებული მეფე სვავი უცნაურმა  
ხმამ გამოაღვიძა. სვავი ელდანაკრავი წამოიჭრა, რადგან  
ამის მსგავსი ხმა სხვა დროს არასოდეს გაეგონა; მაგრამ რო-  
გორც კი ფეხზე წამოდგა, უცხო ხმა შეწყდა და მთელს სა-  
ბრძანებელში სამარისებური სიჩუმე ჩამოვარდა.

სმენამ მომატყუაო, გაიფიქრა სვავმა და ისევ წამოწვა-  
თვალის მოსატყუებლად. დაწოლისთანავე ხმა ისევ გან-  
მეორდა, ამჯერად უფრო მკვეთრად და მკაფიოდ.

მეფე სვავი საგონებელს მიეცა, — ეს რაღაც კარგის  
მომასწავებელი არააო, — გაიფიქრა და ძალიან შეწუხდა.

უცებ ხმა ისევ გაისმა ზედიზედ, ამჯერად სადღაც სულ  
ახლოს. სვავმა მეტი ვეღარ მოითმინა და მეუღლე გააღვიძა,  
იქნებ მირჩიოს რამეო, მაგრამ დედოფალ სვავს, აბა, რის  
რჩევა შეეძლო? ამ ხმის გაგონებაზე მას გული შეუღონდა.  
როცა გონს მოეგო და უცნაური ხმა ისევ გაიგონა, მან ტი-  
რილით სთხოვა მეუღლეს, ახლავე აქაურობას გავეცალოთ,  
წარღვნა მოდის, ქვეყანა უთუოდ დაიქცევა და როგორმე  
პირმოო მანც გადავარჩინოთო.

დატრიალდნენ. მეფე სვავმა მძინარე ბარტყი ზურგზე შეისვა, ფრთა ფრთას შემოჰკრა და მთელი ოჯახი ცის უსაზღვროებისაკენ გაფრინდა.


ბევრი იფრინეს, თუ ცოტა იფრინეს, სვავები ვარსკვლავებს მიუახლოვდნენ. ახლა არც იმ მთის მწვერვალი მოჩანდა, სადაც მათი ტახტი იდგა, არც ღრუბლები, არც ჭაობი და არც შმორის სუნი ტრიალებდა ჰაერში. ირგვლივ ყველაფერი გაკაშკაშებული იყო. სვავებმა არ იცოდნენ, რა ბედი ეწია მათ ქვეყანას. არ იცოდნენ, შთანთქა თუ არა წარღვნამ. თუმცა ახლა რაღა თავში იხლიდნენ თავიანთი ქვეყნის ბედ-იღბალს. მთავარი ის იყო, თავად გადარჩენილიყვნენ და დაეფარათ ერთადერთი მემკვიდრე, რომელსაც ჯერაც არხეინად ეძინა მამის ზურგზე.

სვავებმა დიდხანს იფრინეს ცის უსაზღვროებაში, ვარსკვლავების მახლობლად. რაკი ნაჩვევი არ იყვნენ, ველარ გაუძღეს ელვარე შუქს და ნელ-ნელა ისევ ძირს დაემვნენ. იფრინეს, იფრინეს, და ბოლოს, სადღაც შორს, გამოჩნდა ღრუბლებში გახვეული მთის მწვერვალები, ველ-მინდვრები, ზღვის შორეული სანაპიროები — ჭაობის შმორით აქოთებული მთელი ის ქვეყანა, სადაც ყველაფერი წინანდებურად თავის ადგილას იყო, სრულიად უცვლელად.

მეფე სვავი ისევ ტახტზე დაჯდა.

ნეტარებდა მეფე სვავი, რომ მისი მამულ-დედული ნირ-შეუცვლელად გადარჩენილიყო, მაგრამ მეფის ნეტარება ხანმოკლე აღმოჩნდა. მცირე ხნის შემდეგ ცა მოიწმინდა, მზე გამობრწყინდა და ისევ გაისმა ის უცნაური ჰანგები.

— მიშველეთ! — სასოწარკვეთით დაიწვილა დედოფალმა. — წავიდეთ აქედან, ვიდრე გვიან არ არის, თავს ვუშველოთ!



— არა, არსად არ წავალთ! აქ რაღაც სხვა ამბავია! —  
 მიუგო მეფე სვავმა.

ამ დროს მზემ უფრო დააცხუნა, ქვეყანას უფრო კამკამა შუქი მოჰფინა. გალობა კვლავ ისმოდა და თანდათან უფრო ახლოვდებოდა.

ამ ამბავმა ახლა თვით მეფეც ჩააფიქრა, უმაღლვე გადაწყვიტა თვითონ თავის ოჯახთან ერთად უფრო შორს, იმ კამკამა ვარსკვლავების ზემოთ გაფრენილიყო, და ეს ქვეყანა კი თუნდ უფსკრულს შთაენთქა!

დედა სვავმა ის იყო ფრთხილად აიყვანა თავისი ბარტყი, რათა მეფე სვავისათვის ზურგზე შეესვა და დაუყოვნებლივ გასდგომოდნენ გზას, რომ სწორედ ამ დროს მზე დაბნელდა, ქვეყანას ჯანლი გადაეფარა, ირგვლივ ხის ფოთლებმა ფერი იცვალეს და სამარისებური სიჩუმე ჩამოვარდა.

სვავებმა შვებით ამოისუნთქეს.

ღრმად ჩაფიქრებული მეფე სვავი კლდეზე იჯდა და უსიტყვოდ გადასცქეროდა დაბინდულ სივრცეს. ყველაფერი ისე გამოიყურებოდა, როგორც ოდესღაც, მისი გამეფების დღეს. როგორც კი გულის შემადღონებელი ფიქრები მოიშორა, დაუყოვნებლივ გამოიძახა ორბი და ძერა.

მეფე სვავმა უამბო მათ ყოველივე, რაც შეემთხვა.

ორბი და ძერა გაოცდნენ. გაოგნებულებმა გადახედეს ერთმანეთს, მაგრამ ვერც ერთმა ვერ გაბედა ხმის ამოღება.

— რას გაჩერებულხართ? — დაუყვირა მოთმინებადკარგულმა მეფემ. — ვინ არის, რომ ასე თავხედობს და მოსვენებას არ მაძლევს? იქნებ შეთქმულებას მიწყობთ? იქნებ ჩემი ტახტის დამხობა მოგიწადინებიათ?

— ეგ რამ გაფიქრებინათ, მწყალობელო? — გაიკვირვა ორბმა.



— მაგას ვინ გაბედავს, მეფეო? — მიაშველა ძერამ.

— მაშ, თუ არ თვალთმაქცობთ, გეცოდინებათ, ვინ მინათ-  
ლევს მყუდროებას? — მეფე სვავი გამომცდელებდ მიაშ-  
ტერდა ორივეს.

— ვინ?.. — წაილულლულა ორბმა.

— ყოველივეს გაიმბობთ! — უფრო გაბედულად მიუგო  
ძერამ.

— ოღონდ, იცოდეთ, სიმართლე მითხარით! — გააფრ-  
თხილა ისინი სვავმა.

— ბულბულს ეძახიან, ჩემო ხელმწიფე! — მოკრძალებ-  
ით მოახსენა ორბმა.

— დიახ, ბულბულს! სწორია! მეც ასე გამიგონია, ნახვით  
კი არასოდეს მინახავს! — დაუდასტურა მას ძერამ.

— არ გამიგონია! — მკვახედ წარმოთქვა სვავმა და  
ფიქრს მიეცა.

— ჰმ, მწყალობელო, რა გუყოთ მერე, რომ არ გაგიგო-  
ნიათ! თქვენს ლამაზსა და დიად მამულში განა ცოტა ვინმე  
ცხოვრობს ისეთი, რომლის შესახებ არაფერი გაგიგონიათ?  
ერთის ხმამ დღეს პირველად ამოაღწია თქვენამდე ამ სიმაღ-  
ლეზე! — მოკრძალებით მოახსენა ორბმა.

— ბულბული!.. ბულბული!.. ბულბული!.. — თითქოს  
რალაცას იგონებდნენ, ჩურჩულებდა სვავი და უკვე აღარ ეს-  
მოდა თავისი პირმოთნე ქვეშევრდომის დაშაქრული სიტყ-  
ვები. — მერედა, ვინ მისცა მთაში ამოსვლის უფლება?

ორბი და ძერა ყოყმანობდნენ, გაეცათ ამ კითხვაზე პა-  
სუხი თუ არა.

— არ იტყვიოთ?! — გაბრაზდა სვავი. — თქვენ გეუბნე-  
ბით!

— აბა, რა მოგახსენოთ, დიდებულო მეფეო? აბა, ჩვენ  
რა შეგკადროთ?.. — გაუბედავად დაიწყო ორბმა.

— თავს ნუ იკატუნებთ!

— დიდი ხანია, ჩვენც თავი მოგვაბეზრა იმ ვაჟბატონმა, — განაგრძობდა ორბი, — სიცოცხლე გაგვიმწარა თავისი უმგვანო წრიპინით. აღარ ვიცით, სად გადავიკარგოთ. როცა ჩვენ განცხრომას ვეძლევით, ჭაობში ვნებივრობთ, მძორით პირს ვიტკბარუნებთ, როცა ირგვლივ ბაყაყების საამური ყიყინი და ყანჩების ყრანტალი ისმის, უცებ რაღაც უცხო ხმაზე შესძახებს, ცა მოიწმინდება, მზე დააცხუნებს, ჭაობები ამოშრება, ველ-მინდვრად ყვავილები გაიშლებიან, ხეები აშრილდებიან. ის ზეიმობს, ჩვენ კი შიშით ვცახცახებთ.

— სრული სიმართლეა, მეფეო! — დაუდასტურა ძერამ და ორბსა და სვავს ლაქტუცით შეხედა. — ჩვენ სამეფო კარის მომღერალი გვეგონა.

— ვინ, ბულბული? — გაიკვირვა მეფემ. — აკი წელან გამბობდი, ეგ სახელი პირველად მესმის-მეთქი! ნუთუ დღემდე არ იცით, რომ ჩემი მომღერალი ყვავია? როცა მოწყენა შემიპყრობს და ფიქრები ამერევა, მას მოგიხმობ ხოლმე, რათა მისი წარმტაცი გალობით ცოტა გული მოვიოხო და წუთით მაინც განვიქარვო დარდები!

— ჩვენ კი გვეგონა... — წამოიძახა ორბმა.

— მე არ ვიცი, თქვენ რა გეგონათ, — გააწყვეტინა სკავმა, — კეთილი ინებეთ და მიპასუხეთ, ვინ მისცა ბულბულს აქ, მთაში, ამოსვლისა და თავისი საზიზღარი ხმით ჩემი შეწუხების უფლება?

— აბა, რა მოგახსენოთ, მეფეო?... — მოკრძალებით ჩაილაპარაკა ორბმა.

— სრული სიმართლეა, მწყალობელო! — დაუდასტურა ძერამ.

— კრინტი! თავის მართლებას ნუკი მოჰყვებით! — მრინ-

ხანედ შესძახა სვავმა. — დაუყოვნებლივ გაფრინდით, სა-  
დაც იყოს და არ იყოს, შეიპყარით და დღესვე მომგვარეთ  
ის თავხელი. აქვე საჯაროდ დავსჯი ასე უტიფრად ჩენი შე-  
წუხების გამო! აბა ჩქარა!..

— ეს ყველაფერი კარგი, მეფეო, მაგრამ... — შეჰპედა  
ორბმა.

— რა „მაგრამ“? — გააწყვეტინა სვავმა.

— მოგახსენებენ, ბუღბუღი ძალიან ფრთხილი ფრინვე-  
ლიაო. ვაითუ ვერ მოგახერხოთ ასე მოკლე დროში მისი  
ხელში ჩაგდება. მაშინ რაღა ვქნათ?

— სრული სიმართლეა, მწყალობელო, რაც ორბმა მო-  
გახსენათ! — დაეთანხმა ორბს ძერა. — ძალიან ფრთხილიაო,  
ამბობენ. მის შეპყრობას ასე ადვილად ვერ მოგახერხებთ.


სვავი ჩაფიქრდა.

— მაშ კარგი, ორი დღის ვადა მომიცი!

ორბსა და ძერას რაღა უნდა ექნათ, მეტი ყოყმანი უკვე  
ალარ შეიძლებოდა. უმაღლვე ფრთა ფრთას შემოჰკრეს და  
მეფის სურვილის შესასრულებლად გაემართნენ.

ორბმა და ძერამ იფრინეს, იფრინეს, ბევრი იფრინეს,  
თუ ცოტა იფრინეს, ბარად ჩამოფრინდნენ, მიღეთის ფრინ-  
ველები შეყარეს და მეფე სვავის ბრძანება გამოუცხადეს.  
ყველას თავზარი დაეცა: ბუღბუღს როგორ დაეიჭერთ, რო-  
ცა ის თვალითაც არ გვინახავსო... ბევრი დავიდარაბისა და  
ყაყანის შემდეგ ბუღბუღის შეპყრობა შევარდნს დაევა-  
ლა.

— აბა, შევარდნო, არ შეარცხვინო შენი სახელგანთქ-  
მული წინაპრები, პირნათლად შეასრულე მეფე სვავის  
ბრძანება და გვასახელე! — შესძახეს მას წეროებმა და ყარ-  
ყატებმა, ყანჩებმა და ყვავ-ყორნებმა...



ბულბულზე მონადირეს ორბი და ძერაც თან გაჰყვანენ. ბარში დარჩენილი ფრინველები ისევ თავიანთ ჭყანტობებს დაუბრუნდნენ და კვლავინდებურად განცხრომას მიეცნენ.

შევარდენი, ორბი და ძერა დიდხანს მიფრინავდნენ. ბოლოს, ერთ უდაბურ ტყეში, მაღალ ხეზე ჩამოსხდნენ. ამ დროს უცებ ცა მოიწმინდა, გამოჩნდა კაშკაშა მზე, მთელი ტყე აშრიალდა და სადღაც შორიახლო ბულბულის სტვენაც გაისმა.

— აი, გესმის? — წამოიძახა ორბმა.

— ის არის! — გაუხარდა ძერას.

— ფრთხილად, თორემ თუ ჩვენი აქ ყოფნა გაიგო, გაინაბება და ფოთლებში გაუჩინარდება! — გადაუჩურჩულა მათ შევარდენმა.

სამივე უხმაუროდ გადაფრინდა იმ მხარეს, საიდანაც სტვენა მოისმა. სტვენა განმეორდა.

— ადგილი შეინაცვლა, ახლა ამ მხარეზეა! — წაიჩურჩულა ორბმა.

— ეს ფანდი არ გაუვა! — შევარდენმა მახვილი თვალით გაიხედა ტოტებში და ფრთები აიწურა გასაფრენად. — აი, იმ რცხილის ტოტზე ზის!

სამმა მონადირემ რცხილას სამი მხრიდან შემოუარა.

ბულბულმა უმაღლე იგრძნო მოახლოებული საფრთხე. გასაქცევი გზა აღარსად იყო და მაღლა სივრცეში აფრენა ამჯობინა, მაგრამ ფრთამალ შევარდენს სად გაექცეოდა? იგი უმაღლე თავზე წამოაფრინდა და საბრალო ბულბული ბასრ ჭანგებში მოიგდო.

გამარჯვებული შევარდენი, ორბი და ძერა მეფე სვავის სასახლისაკენ გაუდგნენ გზას. დანიშნულ დროზე მივიდნენ



კიდევ. მეფე სვავი სიხარულისაგან კინალამ გადაირია, როცა დატყვევებული ბულბული მიჰგვარეს. შევარდენი უხვად დაასაჩუქრა, თავისი ტახტის მცველად დანიშნა, ორბი და ძერა წყალობით აავსო და იქვე დაიტოვა ბულბულის საჯარო გასამართლებაზე დასასწრებლად.

დადგა ბულბულის გასამართლების დღე. სვავი ტახტზე დაბრძანდა, ცალ მხარეს დედოფალი მოისვა, მეორეზე — მემკვიდრე. იქვე იყვნენ იმ დღისათვის საგანგებოდ მოწვეული ყარყატი, ყანჩა და მეფე სვავის კარის მგალობელი — მგოსანი ყვავი. ორბსა და ძერას ბულბული ჭანგებით გაექაჩათ და ტახტის წინ მორჩილად იდგნენ.

— ჰმ, ვაჟკაცურად კი უჭირავს თავი! — დამცინავად ჩაილაპარაკა სვავმა.

— მართლა გულადი ჩანს! — დაუდასტურა დედოფალმა.

— კრ, კრ, კრ!.. — ყვავს არ ესიამოვნა, ბულბულს ვაჟკაცობა რომ შეუქეს, და აიფხორა. ბულბულს კი მართლაც თამამად ეჭირა თავი.

— სახელი! — ზიზღით შეეკითხა სვავი.

— ბულბული! — იყო მკვირცხლი და თამამი პასუხი.

— ჰო, ბულბული!.. ბულბული!.. — გააჭიანურა სვავმა. — მერედა, რას ნიშნავს ეს ბულბული?


— მგალობელს! — ისევ მკვირცხლად და თამამად მიუგო ბულბულმა.

— რას დაძვრები ამ ტყეებში? — გაბრაზდა სვავი.

— ვგალობ!

— ჰა-ჰა-ჰა... — ახარხარდა სვავი.

— ჰა-ჰა-ჰა... — მლიქვნელურად ბანი მისცეს ორბმა და ძერამ.



— ეს წუნკალი თურმე ვალობას ეძახის თავის წინაპრებს! — ჩაილაპარაკა ორბმა.

— სრული სიმართლეა! — დაუდასტურა ძერამ და მოკრძალებით გახედა სვავს.

— კრ, კრ, კრ! — ისევ უსიამოვნოდ შეიფოფრა ყვავი, ყარყატმაც აღარ დააყოვნა დაიყრანტალა და სიცილი დააყარა ბულბულს.

— მგალობელო ბულ-ბუ-ლო, მაინც რას უგალობ აქ? — ნიშნის მოგებით შეეკითხა ბრალდებულს სვავი.

— მე ვუგალობ მზის ამოსვლას, გაზაფხულის მობრძანებას, ჩემს დედა-სამშობლოს... მე მისი მარადიული ძლიერების, უძლეველობისა და უკვდავების მომღერალი ვარ...

— კრინტი! — შესძახა სვავმა და თვალებიდან ცეცხლი გადმოაფრქვია.

ბულბული გაჩუმდა.

განრისხებულმა სვავმა ცეცხლისმკვესავი თვალები ირგვლივ მიმოავლო. ყველა დარწმუნდა, რომ საშინელი იქნებოდა მეფე სვავის განაჩენი. ამ დროს ადგილზე შეფრთხილდა სვავის მემკვიდრე და მამას მოეხვია:

— ძვირფასო მამა... ძვირფასო მამა... შეხედე, რა ლამაზია, შეხედე! ეს ერთი დანაშაული აპატიე... ცოდვას...

სვავმა მოიშორა შვილი და ის იყო, უნდა გამოეცხადებინა კიდევ თავისი გადაწყვეტილება, რომ ახლა დედოფალი შეევედრა:

— ჩემო მეფეო, ჩემი გულის მეუფე, ჩემო მბრძანებელო! მართალია, ამ უტიფარ ფრინველს დიდი დანაშაულობანი აქვს ჩადენილი, მაგრამ, რაკი შენს თვალის ჩინს, შენს საყვარელ პირმშოს დღემდე ამის მეტი არაფერი უთხოვია

შენთვის, ეს პირველი თხოვნა აუსრულე... ნუ გააწბილებ  
გულს ნუ მოუკლავ შენს მემკვიდრეს!..

ირგვლივ გაუბედავი ყიპყიპი ატყდა. ყვავი აიფხორა.  
ბულბული კი ისევ ამაყად იდგა და მეფე სვავის განაჩენს  
ელოდა.

— მხოლოდ იმ პირობით, — ბრძნულად დაიწყო სვავ-  
მა, — თუ ის ამიერიდან ერთგულებას და თავდადებას გა-  
მოუცხადებს ჩემს ქვეყანას, თუ ხმას გამოიცვლის და კარის  
დიდებული მგოსნის, ყვავის, მსგავსად ქება-დიდებას შეას-  
ხამს ჩემს ძლევაგამოსილებას!

კრ, კრ, კრ! — მოწონებით შემოსძახა ყვავმა, დას-  
ტურის ნიშნად ყარყატიც აყაყანდა.

— არა, ყარყატთა, ჩხიკვთა, ყვავ-ყორანთა და სხვათა მე-  
ფეო! — განაცხადა პასუხად სამსჯავროს წინაშე წარ-  
მდგარმა ბულბულმა, — არა! მე ვერასოდეს გამოვიცვლი ჩე-  
მი დიდებული წინაპრების ხმას, იმ ხმას, რომლითაც ისინი  
უმღეროდნენ კაშკაშა მზეს, გაზაფხულის შემობრძანებას,  
ვარდ-ყვავილებს, აყვავებულ, წალკოტოვან ქვეყანას, არა!  
ჯანლითა და ნისლით შებურვილ შენს ქვეყანას ისევ შენმა  
ყურმოჭრილმა მონებმა: ყარყატებმა, ჩხიკვებმა და ყვავ-  
ყორნებმა უმღერონ!

— კმარა! — მრისხანედ შესძახა სვავმა და ტახტიდან წა-  
მოვარდა. — გაიყვანეთ და თავი მოჰკვეთეთ!

ამ დროს საკვირველი რამ მოხდა. ჰაერში გაისმა ბულ-  
ბულის მომაჯადოებელი სტვენა. უცებ გრიგალი ამოვარდა,  
მიფანტ-მოფანტა ღრუბლები. ცა მოიწმინდა, აშრილდა  
ტყე, ამოშრა ჭაობები, მთა-ბარი ვარდ-ყვავილებით მოი-  
ფინა.

სვავის სამფლობელო დაემხო. მალე შორიდან არწივის



ქვეყანა ზეიმით აღნიშნავს  
 ნეტარებას ეძლეოდა. მეფე არწივი თავის სახელოვნო წი-  
 ნაპრების ოქროს ტახტზე აღიოდა, რომ ყვავ-ყორნების  
 მიერ ოდესღაც მიტაცებული, აოხრებული და იავარქმნილი,  
 მაგრამ მკვდრეთით აღმდგარი ქვეყანა კიდევ უფრო აყვავ-  
 ვებინა.

1935 წ.

— აღსანიშნავია, რომ ქვეყანა ზეიმით აღნიშნავს  
 ნეტარებას ეძლეოდა. მეფე არწივი თავის სახელოვნო წი-  
 ნაპრების ოქროს ტახტზე აღიოდა, რომ ყვავ-ყორნების  
 მიერ ოდესღაც მიტაცებული, აოხრებული და იავარქმნილი,  
 მაგრამ მკვდრეთით აღმდგარი ქვეყანა კიდევ უფრო აყვავ-  
 ვებინა.



## ძალის კუდი

ერთ მიყრუებულ სოფელში ცხოვრობდა ცოლ-ქმარი — ათია და სებე. სებე შრომისმოყვარე კაცი იყო, ცოლიც ასეთი შეხვდა და ორივე თავს ბედნიერად გრძნობდა. გამრჯე ცოლ-ქმარმა დოვლათით სავსე ოჯახი შექმნა. ერთიცა და მეორეც დღე და ღამე იმას ცდილობდნენ, რომ მტერსა და მოყვარეს ღირსეულად დახვედროდნენ.

მთელი სოფელი სებეს და ათიას შენატროდა, მაგრამ ცოლ-ქმარს ერთადერთი ვაჟი ჰყავდათ და ეს იყო მათი სადარდებელი.

— ერთი შვილი რისი მაქნისია? მიწის მუშაკაცს ბევრი შვილი უნდა ჰყავდეს, — გულისტკივილით იტყოდა ხოლმე სებე. ქმრის ამ აზრს ათიაც იზიარებდა, მაგრამ რა გაეწყობოდა, ბედს წინ ხომ ვერ აღუდგებოდა?

გადიოდა დრო. რაკი ვალურია დედისერთა იყო, ათია პატარაობიდანვე ცივ ნიავს არ აკარებდა, ყოველთვის სხვებზე უკეთ და ლამაზად ჩაცმულ-დახურული დაჰყავდა, არაფერს აკეთებინებდა და ძალზე ანებივრებდა.

სებე კი სულ სხვა აზრისა იყო. უნდოდა, შვილისათვის თავიდანვე ჩაენერგა შრომის სიყვარული, ესწავლებინა საქმის კეთება, რომ ვალურია პატარაობიდანვე შესჩვეოდა ოჯახზე ზრუნვას, რომ შემდეგ, როცა მშობლები აღარ ეყოლებოდა, ცხოვრება არ გასჭირვებოდა.

ჯერ ცოტას მე შემეშველება, მერე კი, როცა გაიზრდება, ცოდნა თვითონვე გამოადგებაო, — ფიქრობდა წინდახედული კაცი.

მაგრამ ვალურია აინუნშიაც არ აგდებდა მამის სურვილს, ხელის განძრევა ეზარებოდა. რაც არ უნდა დაესაქმებინათ, აუცილებლად შეეცდებოდა მისი გაკეთება თაგიდან აეცდინა, ან სხვა დროისათვის გადაედო. გონიერი მამა ხედავდა, რომ ბედოვლათი შვილი ეზრდებოდა. ამაში ბრალს, რა თქმა უნდა, ათიას სდებდა და ხშირად უსაყვედურებდა კიდევ.


— სულ შენი ბრალია, დედაკაცო. აქედანვე აჩვევ სიზარმაცეს. დილით დროზე არ აყენებ; ვიდრე მზე კარგა მალლა არ წამოიწევა, ლოგინში გიწევს, შენ კი ფეხისწვერებზე დადიხარ, რომ ძილი არ დაუფროთხო.

— რა ვქნა, მეტი ვინ გამაჩნია. ჯერ ბავშვია, შე კაცო. არ მინდა, აქედანვე წელი მოვწყვიტო მუშაობით. ნათქვამია, ბავშვს წოლა, მოსვენება და ძილი ზრდის, კუნთებს უმაგრებსო.

— ტყუილია, დედაკაცო! ძილი, წოლა და ლოგინში ზმორება კი არა, ადრე ადგომა, შრომა და გარჯა აკაყუბს ადამიანს. საქმის კეთებასაც აქედანვე უნდა შეეჩვიოს, მერე გვიანლა იქნება, გაუჭირდება. ახლა რა უშავს, არხეინად გრძნობს თავს: იცის, რომ არაფერი მოაკლდება — არც სასამელ-საჭმელი და არც ჩასაცმელ-დასახური... ჯან-ლონით სავსე დედ-მამა თავს დავტრიალებთ. მერე, ჩვენ რომ დავიხოცებით, მაშინ რაღას იზამს?

-- მერე? — დაბნეულად გაიმეორა ათიამ.

— ჰო, მერე!.. როცა მე არ ვიქნები, როცა შენ არ ეყოლები მოსარჩლედ და ქომაგად, როცა მარტო დარჩება ამ-



ქვეყნად და ცოლ-შვილსაც მოეკიდება, მტერსა და მტრად რეს რა პასუხს გასციმს?

— არ მესმის, სებე, ამ ბავშვს რას ჩააცივდი!

— შენ არ გესმის, ათია, მე კი მესმის. თუ შრომას აქედანვე არ შეეჩვია, თუ შრომის ფასი აქედანვე არ გაიგო, თავის ოფლით მონაგარს გემო აქედანვე არ გაუგო და თაღლითობას მიეჩვია, საკუთარი არაფერი ექნება, მშვიერი ივლის, სხვის ლუკმას დაეხარბება, ხელსაც წაუბოტინებს, იქნებ იქურდოს კიდევც... დაიკარგება!..

— რა ვქნა, შე კაცო, მებრალება, ბაღლია, უსუსური! აბა, როგორ დავსაქმო? ერთი ჩემს გულში ჩამოიხედე! დილით ადრე როგორ ავაყენო? მირჩევნია, მე თვითონ გავაკეთო ყველაფერი. დედისერთა გვყავს. ცოტა ინებიგროს, სანამ ბაღლია; ეს დრო ისევ ხომ არ დაუბრუნდება? მერე ხანი გაივლის, ჭკუაში ჩავარდება და თვითონვე...

ათიამ თავადაც კარგად იცოდა, რომ ქმარი მართალი იყო, მაგრამ შვილისადმი სიბრაღული მაინც სძლევდა და, რაც არ უნდა დაეშავებინა, ყოველთვის ცდილობდა გაემართლებინა ვალურია.

გადიოდა დრო. სახლიდან დილით ადრე გასული ვალურია გვიან საღამოს ბრუნდებოდა შინ. ვერავითარ საქმეს გულს ვერ უღებდა. როცა მამა უსაყვედურებდა, ყოველთვის დედას გადახედავდა ხოლმე, რადგან იცოდა, დედა აუცილებლად გამოეხარჩლებოდა. ამიტომ თავისას არ იშლიდა—ცხოვრობდა უდარდელად და უზრუნველად. როცა წამოიზარდა — ტანი აიყარა და უღვაშები დაიმშვენა — ნადირობა დაიწყო. ეს იყო მისი ერთადერთი საყვარელი თავშესაქცევი საქმე და მთელი სოფელი ნადირობის ტრფიალს ეძახდა. ვალურია მთელი დღე სანადირო თოფს წმენდდა, ან მონადირე ძაღლს წვრთნიდა.



ვალურიას ძალიან უყვარდა თავისი მონადირე ძაღლი —  
 წკურია.

— ჩვენებური წავწყავა კი არაა, — უცხო ჯიშისაა. შეხედეთ, რამისმაღლე ფეხებზე დგას, ან რა ლამაზი თავი და ყურები აქვს! — ვალურია ეფერებოდა ძაღლს, ხელს უსვამდა თავზე, მერე ზურგზე, მაგრამ, როცა მოგრეხილ კულისკენ გაიხედავდა, თვალებს უსიამოვნოდ ჭუტავდა, არ მოსწონდა ძაღლის კული.


— ეს ღმერთძაღლი, ან ასეთი ლამაზი არ იყოს, ან ეს კული არ ჰქონდეს ასე საოცრად მოგრეხილი. მონადირე ძაღლს კული ლარივით სწორი უნდა ჰქონდეს! — ამბობდა ვალურია გაგულისებით და თვალს არიდებდა წკურიას კულს.

ვალურიას თავიდანვე აეკვიატა ერთი აზრი: რაღაც არ უნდა დაჯდომოდა, ლარივით გაესწორებინა წკურიას მოღრეცილი კული. ეს გახდა მისი მთავარი საზრუნავი. ვის არ შეეკითხა, იქნებ რამე წამალი მასწავლოთო. მართლაც ზოგმა რა ასწავლა და ზოგმა — რა. საშველი მაინც არ დაადგა: კული ძველებურად მოგრეხილი დარჩა.

წკურია მართლა კარგი მონადირე ძაღლი იყო. ვალურია ისე არ დაბრუნდებოდა ნადირობიდან, რომ თითო-ოროლა კვათარი, ან სხვა რაიმე ნანადირევი არ მოეტანა შინ. ამიტომ უფრო მეტად შეუყვარდა ძაღლი და დაიფიცა, მოგრეხილი კული უსათუოდ უნდა გაეუსწორო.

სებე ყოველივე ამას ყურს უგდებდა. უთმინა, დიდხანს უთმინა შვილს, ბოლოს, როცა არავითარმა რჩევა-დარიგებამ არ გასჭრა, ვალურია თავისთან მოიხმო და დაყვავებით უთხრა:

— შვილო! ბევრი რჩევა-დარიგება მომიცია შენთვის, მაგრამ ყური არ ვითხოვებია, თავს ისე იჭერ, თითქოს შენ



არც კი შეგეხებოდეს ჩემი სიტყვები... დიდი ხანია ვაკვირდები, კარგად ვხედავ, რა სატანჯველში ჩაიდგენიან და დიდხანს დალლის კუდის გამო. ქვეყანა ააყაყანე, დაგცინიან კიდეც, — ამბობენ, ეს დალლის კუდი ასეთი რა გაუხდაო? მამისათვის ძნელი ასატანია, როცა შვილს უჭკუობას შეამჩნევს ხალხი და ქვეყანა ყბად აიღებს... მრცხვენია, შვილო, შენ გამო, თან მებრალები... მოდი, ერთ რჩევას მეც მოგცემ!

— აბა, რა რჩევაა? — უკმეხად ჰკითხა ვალურამ.

— ასეთ მკვახე სიტყვებს ნუ ისვრი, შვილო!

— მოკლედ მოსჭერი! — შეუღრინა ვალურამ.

— აი რა, შვილო, — დაუყვავა სებემ, — ღმერთს უმცროს-უფროსობა იმისათვის დაუწესებია, რომ უმცროსმა უფროსს გაუგონოს, მის რჩევა-დარიგებას დააკვირდეს, რომ უმცროსმა უფროსისაგან ჭკუა ისწავლოს, ცხოვრების სიბრძნე შეიძინოს... მე მამა ვარ შენი და, უნდა იცოდე, რომ ყოველი გონიერი შვილი ვალდებულია, უწინარეს ყოვლისა, მამას უჯეროდეს, მას ჰბაძავდეს, მის ნაკვალევზე დადიოდეს...

— აკი გითხარი, მოკლედ მოსჭერი-მეთქი! — შეუტია გაღიზიანებულმა ვალურამ.

— ჰო, კარგი, კარგი, მოკლედ მოვჭრი, — მიუგო შვილის პასუხით განაწყენებულმა მამამ. — რამდენი ხანია მესმის შენგან დალლს კუდი ლარივით სწორი უნდა ჰქონდეს. წამალი მასწავლეთ, რომ გავუსწოროო, იმასაც ვხედავ, ხალხი როგორ დაგცინის, მასხარად გიგდებენ, უჭკუობას გწამებენ... მამაშენის შვილს... მართლა და მართლა, ისეთი რა გახდა ეს დასაწვავი დალლის კუდი? თუ აგრე გაწუხებს, ადექი და სულ მოიშორე თავიდან.

— რა მოვიშორო?

— რა და, კუდი! ამას რა დიდი დავიდარაბა უნდა!

— მაინც როგორ?

— მოსჭერი!

— მოვჭრა? როგორ უნდა მოვჭრა?

— ადვილი საქმეა; როცა დაღლილი ძალი ჩეროში მიწაზე გაიშლართება და კუდს განზე მოიგდებს, მიეპარე, წალდი დაჰკარი და მოსჭერი!

— მერე უკუდო ძალი ვატარო სანადიროდ? ხომ დამცინა ქვეყანამ!

— ახლა უფრო არ დაგცინიან? — და რაკი დაატყო, რომ ვერაფერს გახდა, გაბრაზებულმა სებემ შეჰყვირა: — ამ ხნის კაცი მოვიყარე, ჩემს თავზე წისქვილის ქვა არ დაბრუნებულა, თორემ სხვა არაფერი დამკლებია. ცოტა ხანს კიდევ მინდოდა მეცხოვრა. რისთვის გამიმწარე წუთისოფელი შენი ფუქსავატობით? ნუთუ ამ ძაღლის მოგრეხილი კუდის გასწორებაზე უფრო სასარგებლო საქმე ვერაფერი იბოვე? რა გაგიხდა ეს კუდი ასეთი, ადამიანო, აღარ იტყვი?!


ვალურიამ იწყინა მამის გაანხლებმა, პასუხის გაცემის მაგიერ წამოხტა და ჭიშკრისაკენ ხმამოუღებლად გაემართა.

გაოგნებული სებე აივანზე დარჩა. ერთ ხანს უსიტყვოდ უყურებდა მიმავალ შვილს, მერე მალა აღაპყრო ორივე ხელი და ნაღვლიანად შეჰღალადა:

— ღმერთო მაღალო, ისეთი რა შეგცოდე, ისეთი რა დანაშაული მიმიძღვის შენ წინაშე, რომ ერთადერთი შვილი მომიგდე, ისიც ასეთი თავფქვილა და ჭკუათხელი?

— ღმერთს ნუ სცოდავ, შე უბედურო! ზოგს ერთიც არა ჰყავს! — მიაძახა ქმარს ათიამ.

სებე უმაღვე ცოლისაკენ შეტრიალდა.



— სულ ნუ მეყოლებოდა. ის ერთიც ნუ მეყოლებოდა, ჩემი თავის მომჭრელი, ჩემი შემრცხვენელი. ასე მწარდებოდი, ასე ადრე და მალე არ მომეღებოდა ბოლო!

— გადიოდა დრო.

მამა და შვილი ამ შეჯახების შემდეგ უბრაოდ იყვნენ. ცდილობდნენ, პირისპირ არ შეხვედროდნენ ერთმანეთს. სე-ბე დღედაღამ ისევ საოჯახო საქმეებს დასტრიალებდა; ათიაც ცდილობდა, რაც კი შეეძლო, უღელი გაესწორებინა მისთვის, შეშველებოდა ცხოვრების მძიმე ტვირთის თრე-ვაში.

ნადირობას გადაყოლილი ვალურია ისევ ტყე-ღრეს ედებოდა, სხვა არაფერი ახსოვდა.

ერთხელ მხარზე თოფგადაგდებული ვალურია ნადირობიდან ბრუნდებოდა, საკმაო ნანადირევი მოჰქონდა და ძალლიც ფეხდაფეხ მოჰყვებოდა. ბევრი იარა თუ ცოტა იარა, ბოლოს ერთ წისქვილთან მივიდა. წისქვილის წინ, მორზე, სამი გლეხი იჯდა და ბაასობდა. ვალურია მიახლოების უმალვე მიესალმა მათ და თვითონაც იქვე ჩამოჯდა.

— დაწექი! — უბრძანა ძალლს. ძალლმა მაშინვე შეასრულა პატრონის ბრძანება.

— ამბობდნენ, მაგრამ არ მეგონა, თუ ასეთი ჩინებული ძალლი იყო! — ჩაილაპარაკა ერთმა გლეხმა.

— განა არ ეტყობა! ზოგიერთი ადამიანიც კი არ დაგიჯერებს ასე, — გაეპასუხა მეორე.

— რა მაგისი პასუხია და, ვალურია ჩემო, მაგის კუდის გასწორებაზე ვერაფერს გახდი? — შეეკითხა მონადირეს მესამე გლეხი, რომელიც თავშესაქცივად ხელ-წალდით ხის ტოტს ჩორკნიდა.

— ვერა, ვერაფერი მოვუხერხე! — მიუგო გულისტკი-

ვილით ვალურია, — ზოგმა რა მასწავლა, ზოგმა — რა, სა-  
შველი მაინც არ დაადგა. ბოლოს მამაჩემმაც მირჩია ერთი  
უცნაური რამ. ბევრი ვიფიქრე, მაგრამ იმას მაინც ვერ გა-  
ვაკეთებ...

— მაინც რაო, რა გირჩია, თუ კაცი ხარ? — დაინტერეს-  
და ხელ-წალდიანი გლეხი, შემოხვეული ყაბალახი მალლა  
აიწია, წარბებამდე ჩამოშვებული შეჭადარავებული ქოჩო-  
რი გამოაჩინა და ღრმად ჩამჯდარი თვალები ვალურიას მია-  
პყრო, — ცუდს არაფერს გირჩევდა მამაშენი, ჭკვიანი კაცია.

— იმას მაინც ვერ ვიზამ, თუნდ...

— მაინც რა თქვა მაგისტანა, რა გირჩია, რაო? — ჩა-  
აცვივდა გლეხი.

— რადა, როცა დალლილი ძაღლი ჩეროში მიწაზე გაიშ-  
ხლართება და კუდს განზე მოიგდებს, მიეპარე, წალდი დაჰ-  
კარი და მოსჭერიო...

გლეხებს სიცილი წასკდათ.

— რა გაცინებთ, მართალი უთქვამს! სეზე ჭკვიანი კაცია,  
სწორად ურჩევია! რამდენადაც ვიცი, ეს ძაღლი უკვე ბებე-  
რია და, თუ ვალურია კუდს მოსჭრის, სიჯეელე დაუბრუნ-  
დება, მეორე ძაღლობას გასწევს, კუდი კი, რაც დარჩება,  
ლარივით სწორი ექნება! სწორად უთქვამს, ბიძია, მამაშენს,  
რას ერჩი! შენს ადგილზე რომ ვიყო, წუთითაც აღარ დაგ-  
ფიქრდებოდი...

— არა, ამას ვერ ვიზამ!

— ვითომ რატომ?

— კუდმოჭრილი ძაღლი როგორღა ვატარო სანადიროდ?  
ქვეყანა დამცინებს! — მიუგო ვალურია და წამოდგა. ძაღ-  
ლიც ადგა და პატრონს მიაჩერდა, ახლა რაღას მიბრძანებსო.

— შეხედე, რა გონიერია, როგორც კი პატრონი წამოდ-



გა, ისიც ფეხზე ადგა. იცის, რომ შინ უნდა წავიდეს! — შე-  
ნიშნა ერთმა.

— იცი, რას გეტყვი, ჩემო ვალურია? — ახედა ხელწალ-  
დიანმა, — ერთ რამეს მეც გასწავლი. დაფიქრდი, თუ ჭკუა-  
ში დაგიჯდეს, გააკეთე. სულ ადვილი საქმეა.

— მაინც რას? — დაინტერესდა ვალურია.

— რაკი კულის მოჭრა არ გინდა, კალაპოტში ჩაუდევნი  
და გაუსწორდება!

— კალაპოტში? — გაიკვირვა ვალურია.

— ჰო, მართალს გეუბნები, ხის კალაპოტში. ოღონდ, კუ-  
დი წინასწარ უმარილო ღორის ქონით რაც შეიძლება მაგ-  
რად უნდა დაუზილო და მერე ჩაუდო კალაპოტში; მაგრამ.  
ვიდრე კუდი კარგად გაუსწორდებოდეს, მოცდა დაგჭირ-  
დება.

— მაინც რამდენ ხანს უნდა ვიცადო?

— საქმეც ეგაა. კაი გვარიან ხანს!


— ნუ დამტანჯე ახლა. მოკლედ მითხარი! რამდენ ხანს  
უნდა იდოს კალაპოტში კუდი? — ველარ ითმენდა ვალურია.

— აი, საქმეც ეგ არის-მეთქი, არ გითხარი? სრული ორი  
წელი!

— უჰ, შე კაცო, ორი წელი რა ამბავია?

— აბა, როგორ გგონია, მთლად ისე იოლი კი არაა! სამა-  
გიეროდ, თუ ღორის ქონით კარგად დაზელ და კალაპოტის  
სარქველს მჭიდროდ დახურავ, კუდი ლარივით გასწორდე-  
ბა, აბა!

— ამაშენე კაცი და ეგ არის! — გაუხარდა ვალურიას, მა-  
გრამ მცირე ფიქრის შემდეგ დანადვლიანდა. — რაო, კაცო,  
ორი წელი ძალს კუდი კალაპოტში უნდა ედოსო? ისიც  
უმარილო ღორის ქონში დაზელილიო? არ გადამრიო!



— ადვილი საქმე ნუ გგონია, ბიძია, თუ გინდა კარგად გაუსწორდეს, სწორედ ასე უნდა მოიქცე, — დაბეჭითებით უთხრა ხელწალდიანმა და სიცილისათვის შემზადებულ გლეხებს ანიშნა, — არ გაგეცინოთ, თორემ ამ გადარეულ ვალურას ცოცხალი ვერ გადავურჩებო!

ვალურია უსიტყვოდ გაშორდა იქაურობას. ძალღიჯი გაჰყვა. როცა ვალურია თვალთ მიეფარა, ერთი გლეხი მიუბრუნდა ხელწალდიანს:

— ეს რა ასწავლე, ბიჭო? სად გაგონილა, უმარილო ღორის ქონით დაზელილი ძაღლის კუდი ორ წელიწადს კალაპოტში იდოს? ეს რამ გათქმეგინა, შე ეშმაკის ფეხო, შენა!

— მაგაზე მეტი სადარდებელი ნუ მოგცა ღმერთმა, ჰე, ჰე, ჰე! — გამქირდავად ჩაიქირქილა ხელწალდიანმა, — მამამისს სწორად უსწავლებია, ჭკუა რომ ჰქონდეს იმას დაუჯერებდა, — დაატანა მან სიცილით.

— მართალი ხარ, ჩემო ძმაო! მამამისის შვილს სხვისაგან ჭკუის სასესხებელი რა სჭირს? მამას გონივრული რჩევა მიუყცია, ათასწილად ჯობდა, მისთვის დაეჯერებინა! — მიუგო მეორემ.

— რაც მე ვურჩიე, იმისაგან უფრო ისწავლის ჭკუას, — დინჯად ჩაილაპარაკა ხელწალდიანმა და ისევ ეშმაკურად ჩაიცინა. — შესაძლოა, ორი წლის შემდეგ მე ცოცხალი აღარ ვიყო, მაგრამ სხვები მაინც დაინახავენ ამას.

— რაღაცას ქარაგმულად ლაპარაკობ, შე კუდიანო! — უთხრა ხელწალდიანს მეზობელმა.

— აბა, რა გახდა მაგისი ძაღლის მოგრეხილი კუდი? ქვეყანა არ შეაწუხა?! კუდი გამასწორებინეთო, რა ხანია მესმის, საშველი კი არ დაადგა: ძაღლის კუდს რა გაასწორებს, შე კაცო, სად გაგონილა! რაც ჩვენს მამა-პაპას არ უქნია, იმას ჩვენ ვიზამთ ახლა? — ფიცხობდა ხელწალდიანი.

იმ ღამეს ვალურია მ ბევრი იფიქრა, თუ ცოტა იფიქრა, წისქვილთან შეხვედრილი კაცის რჩევა ჭკუაში დაეჭადა.

მეორე დღეს ადგომა მან მზესაც დაასწრო და თავის მამასაც. უთენია ადგა, მკვირცხლად ჩაიცვა და ვიდრე დედა, ჩვეულებისამებრ, ასაუზმებდა, აივანზე გამოიტანა ხელსაწყობი: ცული და ხერხი, სატეხი და ხელეჩო, ფარგალი და შალაშინი. ხის კარგა მოზრდილი მორი გამოაგორა და ის იყო კალაპოტის გამოთლას უნდა შესდგომოდა, რომ უცებ მამა წამოადგა თავზე.

სებე ერთ ხანს უსიტყვოდ უყურებდა შვილს: გაკვირვებული მამა თვალებს არ უჯეროდა, ვალურია არასოდეს არ ენახა ასე ადრე ამდგარი. წუხელ ისეთი რა დაესიზმრა, რომ ამ დილით ასე ფუსფუსებს, ან ეს ხელსაწყობი რად უნდაო, ფიქრობდა. ბოლოს ვედარ მოითმინა და ჰკითხა:

— ამას რას აკეთებ, შვილო? ვინ შენ და ვინ სადურგლო ხელსაწყობი?

სახეგაბადრულმა ვალურია მ დაწვრილებით უამბო მამას, რაც წინაღლით გლენმა ასწავლა.

სებე ჩუმად უსმენდა შვილს. როცა მან ლაპარაკი დაამთავრა, გამწარებულმა მოხუცმა შუბლზე იტკიცა ხელი:

— ვაი ჩემს მოსწრებას, ეს რა ესმის ჩემს ყურებს? ღმერთო დიდებულო, ასე უბედური რად გამაჩინე? ჩემს შვილს ჩემი არა სჯერა და წისქვილთან შეხვედრილ ვილაც აგყია კაცის ჭკუაზე დადის? სად გაგონილა ძაღლის კუდის გასწორება, ისიც ხის კალაპოტით! ტყუილია, შვილო დაგცინიან, მასხარად გიგდებენ!

— არ გასწორდება? — გოცებულმა ვალურია მ პირი დაალო.

— მაშ, შენა გგონია, გასწორდება?



— მგონია კი არა, დარწმუნებული ვარ, — ხმას აუწვია, გააღწია  
ღურამ.

— არა-მეთქი, ქრისტიანო, ძაღლის კუდს რა გაასწო-  
რებს? — კიდევ უფრო მეტად ცხარობდა სებე.

მამა და შვილი წინათაც ბევრჯერ წაკინკლავებულან,  
შეუტევიათ ერთმანეთისათვის, მაგრამ მათი ურთიერთობა  
ისე არასოდეს გამწვავებულა, როგორც იმ დილას. გააღმა-  
სებულ მამა-შვილს შორის ისევ ათია ჩადგა, შვილს მზრუნ-  
ველობის კალთა გადააფარა და ქმარს შეუტია:

— კარგი, დაწყნარდი, შე უბედურო, რაზე იკლავ თავს!

— ძაღლს კუდს უსწორებს ეს შენი გაჟიშვილი. ქვეყნის  
სამასხარაოდ უნდა იქცეს. კუდზე ხის კალაპოტი უნდა გა-  
ვუკეთოო. იმ კალაპოტით ატარებს სანადიროდ?! ძაღლი  
შინ უნდა ეგდოს ორი წელიწადი და ნაოფლარი ლუკმა  
ტყუილ-უბრალოდ უნდა ვაჭამო ამ ორ ბედოვლათს—ძაღ-  
ლსა და შვილს!.. კუდზე კალაპოტმობმული ძაღლის რჩენა-  
და მაკლდა ამ სიბერეში! არ მომეწყო საქმე! გაიხარე, მტე-  
რო!

— კარგი, კარგი, დაწყნარდი, შე საცოდავო. შენი ჭირი  
შენვე უნდა მოინელო, სხვა რა გზაა?

— არის, არის სხვა გზა. წინ ნუ მელობები. დღესვე უნ-  
და მოვიშორო ორივე თავიდან.

— გაჩუმდი, რას ამბობ, ეგ რამ გათიქრებინა?!

ქალმა ძლივძლივობით დააშოშმინა ბოლმით გულგასიე-  
ბული ქმარი.

სებე და ვალურია ამის შემდეგ ისევ ერთ ჭერქვეშ ცხოვ-  
რობდნენ, მაგრამ ერთმანეთის თვალში შეხედვას ერიდებ-  
ოდნენ. როცა ერთი შემოდოდა, მეორე გარეთ უნდა გა-  
სულიყო.

ვალურიამ მაინც თავისი გაიტანა. კალაპოტი გამოთალა,



ძალღს კუდი უმარილო ღორის ქონით კარგად დაუზიდა, ვა-  
ლაბოტში ჩაუდო, ზედ სარქველი დაახურა და მავრად და-  
კეტა. ძალღი სანადიროდ ვეღარ დადიოდა, ერთ ადგილზე  
იწვა და ყველას, გამვლელსა და გამომვლელს, ხელებში  
შეჰყურებდა, იქნებ ვინმემ ლუკმა მომიგდოსო.

გავიდა ხანი. სებე უფრო მოხუცდა, მოტყდა, ქარებისა-  
გან დახუთული ლოგინად ჩავარდა. მის საყანე ადგილებს  
ახლა უკვე არავინ ხნავდა, არავინ თესდა, არავინ მარგლი-  
და, წინანდებურად ლაიტი აღარ ბიბინებდა მის არემარე-  
ზე. ეზო-კარმიდამო გავერანდა და უპატრონოს დაემსგავ-  
სა. შემოდგომობით აღარ ისმოდა ჭირნახულით დატვირ-  
თული ურმების ჭრიალი. ბელღებიც დაცარიელდა, ოჯახ-  
ში შემომტანი აღარავინ იყო. ძველი მონაგარით თავი  
ძლივს გაჰქონდათ.

ნადირობასა და უსაქმოდ ყიალს დაჩვეული ვალურია  
წინანდებურად ხელს არაფერს აკარებდა.

ერთ დღეს სებე მძიმე ავად შეიქნა, სულის ხუთვა დაე-  
წყო, სიტყვის ამოთქმის ძალაც კი წაერთვა. ახლო ნათესავე-  
ბი და მეზობღები თავს დასტრიაღებდნენ. ყვეღა ხეღავ-  
და, რომ ბერიკაცის აღსასრუღის ჟამი მოახლოებუღიყო.

— ათიღ, ათიღ! — ძღივს გასავონად ჩაიღულღულღა მომა-  
კვღავმა.

ათიღ უმაღვე მიიჭრა ქმრის საწოღთან.

— რა იყო, გენაცვალე? — ათიღ თვღლებში ჩააცქერღა  
სულთმობრღავ სებეს.

— ჩემი შვიღი... ჩემი შვიღი მომიყვანე... დამხეღოს,  
ორიღდე სიტყვა მინღა დავუბარო.

ათიღმ თხოვნა შეუსრულღ. ვღღურია თავზე დაღღგა მა-  
მას. სებემ უღღონოღ ახეღა შვიღს.

— ცოტღ წამომწიეთ! — ითხოვღ ავღდმყოღმა.

ათიამ ესეც უმაღვე შეუსრულა. სებემ უკანასკნელი  
ქალ-ლონე მოიკრიბა, ხელებზე დაეყრდნო, დიდი გაქირვე-  
ბით წამოიწია, მიიხედ-მოიხედა, იქაურობა მოათვალიერა  
და მერე შვილს მიაჩერდა.

მამის წინ იდგა აწოწილი ვალურია. სებეს სახე გაუ-  
ბრწყინდა, თვალებში სინათლის შუქი მოემატა. დააკვირდა  
შვილს. თავისი ახალგაზრდობა მოაგონდა.

„მეც ასეთი ვიყავი ჭაბუკობისას. სულ მე მგავს, სულ  
მე“... — გაუელვა სებეს. უნდოდა უკანასკნელი ალერსიანი  
სიტყვა ეთქვა, მოფრებოდა შვილს, მაგრამ კალაპოტმებ-  
მული ძალლი გაახსენდა, უცებ სახე შეეცვალა და თვალებ-  
ზე თითქოს რიდე გადაეფარაო, — „არა, არა, მე არა მგავს,  
არა!..“

ავადმყოფის თვალებმა უფრო მრისხანე გამომეტყველე-  
ბა მიიღეს. სებემ ირგვლივ მიმოიხედა, უღონობისაგან ტუ-  
ჩები აუკანკალდა და შვილს მიაცქერდა:

— როცა ორი წელიწადი გავა... როცა ძალლის კუდს  
კალაპოტს მოხსნი, საფლაგზე მოდი და ჩამომძახე.  
რაც ნახო! — ძლივს ჩაილულლულა სებემ, ნელ-ნელა დაე-  
შვა ბალიშზე და მოღლილი თვალებიდან წყვილი კურცხა-  
ლი ჩამოუგორდა.

მამის გარდაცვალების შემდეგ ვალურიას ცხოვრებაში  
არავითარი ცვლილება არ მომხდარა, ისევ უსაქმოდ დაეხე-  
ტებოდა. დრო ნელ-ნელა მიიზღაზნებოდა. ამასობაში ათიაც  
დაუძლურდა. წინანდებურად აღარ შეეძლო საქმის კეთება.  
უქნარა ვალურიას ანაბარა მიტოვებული ოდესღაც საგსე  
ოჯახი დღითი დღე უკან მიდიოდა.

წინათ კოინდრით ლამაზად მოფენილ სებეს ეზოს ახლა  
შავი ბალახი და ქამენია მოსდებოდა. ოდა-სახლის საძირ-  
კველზე, რიკულებსა და ასასვლელ ხის კიბეზე, რომლის სა-



ფეხურები სიძველისა და სიღამბლისაგან ჩაქცეულიყუბა-  
ლახბულახსა და ბარდებს ეხარა. ასევე ბალახბულახსა და  
ბარდებს დაეფარა უპატრონოდ მიტოვებული სებეს საფ-  
ლავიც.

ვალურიას არაფერი აღარდებდა, არხეინად გრძნობდა  
თავს.

გავიდა ორი წელი. ვალურია მ გულის ფანცქალით გახსნა  
კალაპოტი. ამდენ ხანს ერთ ადგილზე წოლისაგან დახუ-  
თულმა ძაღლმა შეება იგრძნო. უმაღვე ფეხზე წამოდგა,  
გაიზმორა, მერე შეიბერტყა და ლასლასით წავიდა ჭიშკრი-  
საკენ.

გაოგნებული ვალურია თვალებს არ უჯეროდა. ძაღლს  
კული ძველებურად მოგრეხილი ჰქონდა, არავითარი ცვლი-  
ლება არ ეტყობოდა. ვალურია ბრაზმორეული გასცქეროდა  
ძაღლს, მიხვდა, რომ ამდენმა ცდამ ამოდ ჩაუარა. უცებ  
შემოტრიალდა, უნდოდა თოფი გადმოეღო და ძაღლი იქვე  
მოეკლა, მაგრამ წკურია უკვე აღარსად ჩანდა.

ვალურიას სწორედ ამ დროს მოაგონდა მამის უკანას-  
კნელი სიტყვები: როცა ორი წელი გავა, ძაღლს რომ კალა-  
პოტს მოხსნი, საფლაფზე მოდი და ჩამომძახე, რაც ნახო!

ვალურიას მოაგონდა მამის ეს სიტყვები და გაშეშდა. ის  
ახლაც იქვე დგას გაოგნებული და ვერ გადაუწყვეტია, წა-  
ვიდეს თუ არა მამის საფლაფზე. ანდა, რომ წავიდეს, რა  
ჩასძახოს? ჩასძახოს: შენ მართალი ყოფილხარ, ძაღლის  
კული არ გასწორდაო?

## მგელი და გატყანი

ცხრა მთისა და ცხრა ზღვის გადაღმა იყო ერთი ქვეყანა. იმ წარმტაც ქვეყანას მზიურს ეძახდნენ. მზიურს სამი მხრით მარად თოვლიან-ყინულოვანი, ცადაბჯენილი მთები ერთყმოდა გარს, მეოთხე მხრით კი ზღვა ესაზღვრებოდა.

მაღალი მთებიდან წანწკარით ჩამორბოდნენ ნაკადულები, მერე ერთდებოდნენ მდინარეებად, ჩანჩქერებად გადმოჰქუხდნენ სალ კლდეებზე და გრგვინვა-ხმაურით მოედინებოდნენ დაბლობისაკენ.

მდინარეების ნაპირებზე ზამთარ-ზაფხულ ფერად-ფერადი ყვავილებით მოქარგული ველები, კორდები და ჭალაკები გადაშლილიყო, ხოლო ყოველივე ამის იქით ლივლივებდა ლურჯი ზღვა.

ზღვის ახლოს, ბალახით მოხავერდებულ გორაკზე, ერთი ფარღალალა ფაცხა იდგა.

იმ ფაცხაში ცხოვრობდა მოხუცი ჯამულეთი. ბერიკაცს სამი შვილი ჰყავდა, სამივე ერთიმეორეზე უკეთესი: ტანადი, გულადი და სწორუპოვარი. ყართანი, გელა და თაყა. ისინი სდარაჯობდნენ მზიურის კარიბჭეს, რომელიც მოყვრად მოსულთათვის ყოველთვის ღია იყო, ხოლო მტრად მოსულთათვის მიუდგომელი და შეუღწეველი.

თვითონ ჯამულეთი, როგორც მისი სახელგანთქმული წინაპრები, მეცხვარე იყო.



იმ დალოცვილ ქვეყანაში საოცრად მრავლდებოდა ცხვარი. ჯამულეთიც სიყრმიდანვე თავს დასტრიალებდა ფარას. ცხვარი იყო მისი ერთადერთი საზრუნავი. ცხვრის ფარის დევნაში აღამებდა თავის დღესა და წუთისოფელს.

ბერიკაცი ყოველ ცისმარე დღე ადრე დგებოდა, ადგომისთანავე აპყრიდა ცხვარს, საძოვარზე გარეკავდა და შებინდებამდე იქ რჩებოდა.

ასე გაატარა მან მთელი სიცოცხლე. ასე ცხოვრობდნენ მისი სახელგანთქმული წინაპრებიც, ისინიც ერთგულად უვლიდნენ და ამრავლებდნენ ამ მადლიან პირუტყვს.

საძოვარზე გასული ცხვრის ფარა სულ წინ მიიწევდა. გადადიოდა იონჯით მოხავერდებულ ველ-მინდორზე, კორდებზე, გორაკებზე.

ნეტარებით აღვსილი ჯამულეთი გაშლიდა თავის მოკლე ნაბაღს, კომბალს გვერდით მოიგდებდა და სალამურს ააკენესებდა. მის ტკბილ ჰანგებზე ცხვარი ნელ-ნელა მიბაკუნებდა, თან ხარბად ძოვდა რძიან ბალახს.

როცა მზე ცის ტატნობს გადაივლიდა, ზღვის გადაღმა ჩაიძირებოდა და სალამოს ბინდი მოახლოვდებოდა, ჯამულეთი უკვე შინ იყო, ცხვარს ფარეხში დააბინავებდა და ფაცხაში შევიდოდა...

ასე გადიოდა დრო.

ჯამულეთმა იმ დილითაც, ჩვეულებისამებრ, დაასწრო მზეს ადგომა, ფაცხიდან გამოვიდა, კლდიდან მოწანწკარე ნაკადულზე ხელ-პირი დაიბანა, მერე ხალთაში საუზმე ჩაილაგა, ზურგზე მოიგდო, კომბალი აიღო და ფარეხის კარი გააღო.

მალალი მთების თოვლიან-ყინულიანი მწვერვალებიდან

მზე ნელ-ნელა ამოდდიოდა. ჯამულეთმა სალამური ამოიღო და უმაღვე გაისმა საამური ჰანგები.

ეს იყო მამაპაპური ჰიმნი მზისადმი — დილა მშვიდობისა! ბერიკაცის ირგვლივ თავმოყრილი ცხვრები ყურაცქვეტილი უსმენდნენ სალამურს. ამ სმენად გადაქცეულ ცხვრის ფარაში ჯამულეთი ფესვმაგარ მუხასავით იღვა. სალამურის ჯადოსნური ჰანგები ზღვის სანაპიროს ეფინებოდა.

როცა მზე მთლიანად ამოცურდა, როცა ის წუთით თითქოს დაეყრდნო მაღალ მწვერვალებს და ქვეყანა ოქროს სხივთა ბადეში გაახვია, სალამურის უკანასკნელი ჰანგებიც მიწყდა.


— დიდება შენდა! დიდება შენდა! — შეჰლაღადა ჯამულეთმა, კომბალი მხარზე გაიდო და ველებს გახედა.

მთელმა ფარამ პირი აღმოსავლეთისაკენ იბრუნა, ბაკაბუკითა და ხტუნვა-ხტუნვით გასწია წინ.

მეცხვარეც დინჯად მიჰყვა ფარას.

იმ საღამოსაც, როგორც კი ცხვარი დააბინავა, ჯამულეთი უმაღვე ფაცხაში შევიდა, ცეცხლი დაანთო, ივანშმა და დაწვა, მაგრამ ტანში ცივმა ჟრუანტელმა დაურბინა. ვერ მოისვენა, თვალზე რული არ მიეკარა. თითქოს რაღაც აწუხებდა, რაღაცის ეშინოდა, მაგრამ რისი შიში უნდა ჰქონოდა ამ მუხასავით მაგარსა და ჯანგაუტეხელ კაცს, სამი გულადი ვაჟიშვილის მამას?

ჯამულეთმა კიდევ დიდხანს იტრიალა, იბორგა, მერე, როცა შეატყო, რული არ მომეკარებო, ადგა და გარეთ გამოვიდა. ირგვლივ მყუდროება სუფევდა. ნიავიც არ იძვროდა. გაბადრული მთვარე ვერცხლის შუქს აფრქვევდა დედამიწას. ზღვა მიიმედ სუნთქავდა. ჯამულეთმა ფარეხსა და ფაცხას ირგვლივ შემოუარა. ყველაფერი რიგზე იყო. უკან



შემობრუნდა, კერიის პირას წამოწვა და, რაკი არ ეძინებოდა, სალამურს ჩაჰბერა. ღამის მყუდროებაში დიდხანს ისმოდა მისი საამური ჰანგები...

გათენდა.

ისეთი მყუდრო დილა დადგა, როგორც, საერთოდ, იცრდა იმ დალოცვილ ქვეყანაში. ყველაფერი თითქოს ჩვეულებრივად დაიწყო, მაგრამ ის დილა მაინც არ ჰგავდა ათასობით სხვა დილას. ჯამუღეთი იმ დილას ფაცხიდან არ გამოსულა, წყაროზე ხელ-პირი არ დაუბანია, ფარეხის კარი არ გაუღია, ცხვარი არ გამოუშვია, ალერსიანად არ მიუმართავს, ხომ არ მოგშივდათო, არ დამდგარა პირით აღმოსავლეთისაკენ, არ უთქვამს ჰიმნი მზისადმი და არც სალამური აუკვნესებია.

არ ჩანდა ჯამუღეთი, არც მისი სალამურის ხმა ისმოდა. დილაადრიან გარეთ გამოშვებას დაჩვეული ცხვრები ფარეხის ღრიტოებიდან იცქირებოდნენ. მათ თვალებს ჭრიდათ მზის სხივები, რადგან დილით, ამ დროს, არასოდეს ყოფილან ფარეხში გამოკეტილნი. დიდხანს იწრიალეს ასე, იბაკუნეს. მზე უფრო მაღლა მიიწევდა, ჯამუღეთი კი არ ჩანდა. ფარეხში დარჩენა უკვე შეუძლებელი იყო. ატყდა ერთი ალიაქოთი, — ცხვრის ბლავილმა მთელი ზღვისპირეთი შეძრა.

ირგვლივ ყველაფერი სმენად გადაქცეულიყო. ჩიტებს შეეწყვიტათ ჟღერტული, ტყეს — შრიალი, ნაკადულებს — წკანწკარი, ხოლო მდინარეს — დენა. ახლა მხოლოდ ცხვრების გულშემზარავი ბლავილი და ფეხების ბაკუნილა ისმოდა.

სად იყო და სად არა, უცებ თითქოს მიწიდან ამოძვრაო, ფარეხის წინ მგელი გაჩნდა.



ცხვრებს მგლის ამბავი გაგონილი ჰქონდათ, მაგრამ მანახული ვით კი არასოდეს ენახათ, ყმუილიც კი არ გაეგონათ. მისი ახლა, ცხვრებმა დაინახეს თუ არა მგელი, დაფრთხნენ და ხმა გაკმინდეს.

— რა მოგივიდათ, ასე რა გაბღვლებთ? — ტკბილად მიმართა მგელმა შეშინებულ ცხვრებს.

ცხვრები ხმის ამოღებას ვერ ბედავდნენ.

— თქვით, რას გაჩუმებულხართ? — გაუმეორა მგელმა.

ცხვრები შეტოკდნენ, აქა-იქ გაუბედავი ბღავილი გაისმა.

— ასე რამ დაგაფრთხოთ, ხმა ამოიღეთ! — კიდევ უფრო დატკბა მგელი.

მცირე ყოყმანის შემდეგ ფარეხის კარს მოადგა ყოჩი, ცალი თვალით ღრიჭოდან გამოხედა მგელს და გულაჩუყებით უამბო, როგორ გაჰყავდა ბერიკაცს ისინი ყოველდღე საძოვარზე...

— ამ დილით კი, — აკანკალებული ხმით განაგრძობდა ყოჩი, — როგორც ხედავ, უკვე შუადღემ მოატანა და ბერიკაცი ჯერ არსადა ჩანს...

— მერედა, ამის გამო შეაწრიალეთ მთელი ქვეყანა?

— ამაზე უარესი რაღა დაგვემართება? — მოკრძალებით მიუგო ყოჩმა.

მგელი უმაღვე მიტრიალდა და ფაცხაში შევარდა.

ცხვრებმა თავი მალა ასწიეს, ყურები დაცქვითეს, სმენად გადაიქცნენ და ფაცხის კარს მიაჩერდნენ.

ფაცხიდან მგლის ღრიალი მოისმა. გოცებუი ცხვრები ფარეხის კარს მიაწყდნენ, რომ დაენახათ, რა ხდებოდა გარეთ, მგლის ღრიალის მიზეზი გაეგოთ.

მგელმა ბევრი არ დააყოვნა. ფაცხიდან ისევ უკან გამოვარდა, თან ცრემლად იღვრებოდა და ვაი-ვიშით თავში იშენდა თათებს.

— ვაი ჩემს მოსწრებას, ეს რა უბედურება მომივიდა, ეს რა მეგობარი დაგკარგე! — მოთქვამდა მგელი.

ცხვრები უფრო აწრიალდნენ. მცირე ხნის შემდეგ ყოჩი მოკრძალებით შეეკითხა მგელს:

— გვიამბე მაინც, რა უბედურებაა ჩვენს თავზე?

— თქვენ რა გიშავთ, მე უნდა ვიკითხო, მე უბედურმა... რა მეგობარი დაგკარგე! ვაი ჩემს თავს, ვაი ჩემს მოსწრებას! — არ ცხვრებოდა მგელი, — რა ვიამბოთ? აბა, რა გითხრათ? გამოდით და თქვენ თვითონ ნახეთ! — უთხრა მგელმა ცხვრებს და ფარეხის კარი გამოაღო.

ცხვრები ერთბაშად მოაწყდნენ კარს. გარეთ გამოცვივდნენ. ფაცხაში საზარელი სურათი გადაეშალათ თვალწინ. ჩამქრალი კერიის პირას საწოლზე პირაღმა ეგდო უსულო ჯამულეთი. ორივე ხელი მკერდზე ედო და გაშეშებულ თითებში სალამური შერჩენოდა.

ამის შემყურე ცხვრებს სასოწარკვეთილი გმინვა აღმოხდათ. დიდხანს დასტიროდნენ თავიანთ მოამაგეს, დიდხანს ტიროდა მგელიც. ბოლოს ცხვრები გარეთ გამოლაგდნენ. ჯამულეთის ნაცვლად ახლა მათ შორის მგელი იდგა და მწარედ მოთქვამდა:

— ვაი, ვაი, ჩემო ერთგულო ძმაო! რატომ მე არ დამეხუჭა თვალები შენ მაგივრად!

როდესაც მგელმა ტირილით გული იჯირა, თვალებში თათი ამოისვა, ცრემლი მოიწმინდა, ირგვლივ თავმოყრილ ფარას გადახედა და გულისამჩუყებელი ხმით წარმოთქვა:

— ცხვრებო! თქვე საწყლებო... აბა, რა გითხრათ, რით განუგეშოთ, როცა მე თვითონ თქვენზე უფრო დამწუხრებული და გულმოკლული ვარ? დიდია ჩვენი მწუხარება. თქვენ დაკარგეთ პატრონი და მოამაგე, მე კი უერთგულესი

ქმადნაფიცო და სიყრმის მეგობარი. ის აღარ არის! ამიერიდან ის ველარ გაგიღებთ ფარეხის კარს, სალამურის კანკეებით ველარ დაგატკობთ, საძოვრებზე ველარ წაგიყვანთ. ამიერიდან ის აღარ გეყოლებათ პატრონად და ქომაგად, მაგრამ გულს მაინც ნუ გაიტეხთ! ჯამულეთს იმოდენა ამაგი აქვს ჩემზე გაწეული, რომ ჩემს თავს მოვალედ ვთვლი, მე თვითონ ვიპატრონოთ. ამიერიდან მარად და ყველგან მე ვიქნები თქვენი მფარველი, მაგრამ... — მგელი მცირე ხანს გაჩუმდა, სმენად გადაქცეულ ცხვრებს თვალი მოავლო, — მაგრამ ერთი რამე არ მომწონს თქვენი საქციელისა და არ შემიძლია ახლავე არ გისაყვედუროთ. ნამეტანი ბევრი და უთავბოლო კუნტრჟში იცით. ის უბედურიც ამან მოქანცა, დააჩიავა და გულიც გაუხეთქა. გრძნობთ დანაშაულს? დღეს, როგორც ხედავთ, ის უკვე აღარა. გყავთ! მაშ, ამიერიდან ვინ უნდა იყოს თქვენი მფარველი? რა თქმა უნდა, ქმადნაფიცის ნაცვლად მე უნდა ვიკისრო ეს მძიმე მოვალეობა, რათა არ გადაშენდეთ, იარსებოთ და იმრავლოთ!

ცხვრები სულგანაბული უსმენდნენ და ამ უდიდესი მწუხარების ქამს რაღაც იმედი ესახებოდათ გულში.

— ...მაგრამ ისე თავაშვებულად კი არ უნდა იაროთ, როგორც დღემდე დადიოდით, — უცებ ხმას აუწია მგელმა, — თქვენი ცხოვრება სულ სხვაგვარად უნდა წარიმართოს. ყველა ერთ წესს დაემორჩილებით. მტკიცედ და ურყევად უნდა გახსოვდეთ ერთი რამ: ეს მთა და ბარი, ეს ველმინდვრები, ეს დიდებული საძოვრები ყოველ სულდგმულს ერთნაირად ეკუთვნის. მაღალ ღმერთს ასე დაუწესებია. მე, მის უერთგულეს მოციქულს ამქვეყნად, მიკვირს, რომ საბრალო ჯამულეთს დღემდე ვერ ჩაუგონებია ეს თქვენთვის. აშკარად გეტყობათ: თვითეული თქვენგანი დღემდე მხო-

ლოდ საკუთარ თავზე ზრუნავდა, ძლიერი ჩაგრავდა სუსტს, პირიდან ლუკმას აცლიდა. ეს თვალის ერთი გადახედვითაც მისახვედრია.


ცხვრებმა ერთმანეთს გადახედეს. შეწრილდნენ. ბრალდება ძალზე ეუცხოვათ. ჯამულეთი ყველას ერთნაირად ეპყრობოდა — ლალად და თავისუფლად ზრდიდა, ახლა კი კეთილი ბერიკაცის ნაცვლად ახალი პატრონი გამოჩენილიყო და პირველ დღესვე ასეთ უცნაურ ბრალდებას უყენებდა მათ.

— დადექით მწკრივზე! — უცებ მკვახედ ბრძანა მგელმა. ცხვრები უმაღვე დაეწყვნენ და კვლავ სმენად გადაიქცნენ.

მგელმა მწკრივს თავიდან ბოლომდე აუარ-ჩაუარა, შუა ადგილას შეჩერდა, ისევ გახედა მწკრივს და წარმოთქვა:

— თქვენ თვითონ დააკვირდით ერთიმეორეს და დარწმუნდებით, რომ მე მართალი ვარ. რა გეტყობათ თქვენ იმისა, რომ უწყინარი ცხვრები ხართ და დღემდე მეგობრულად ცხოვრობდით? არაფერი! აბა, რასა ჰგავს ეს? ზოგიერთ თქვენგანს დუმა ისე გასუქებია, ველარ იმაგრებს და მიწაზე დაათრევს, ზოგი საშუალოდ გასუქებულა, ზოგი მკვლე და გამხდარია, ზოგს სული ძლივს უდგა პირში, სიარულის თავიც არა აქვს. ყოველივე ეს იმის შედეგია, რომ ღონივრები აბუჩად იგდებენ სუსტებს, წინ უსწრებენ, პირიდან აცლიან ღვთის ნებით ამოსულ ბალახს. სუსტები, ცხადია, მეტოქეობას ვერ უწევენ ამ ღორბუცელებს და ისევ სუსტებად რჩებიან! დღეიდან ეს არ უნდა მოხდეს. არ მოგცემთ ამის ნებას. გახსოვდეთ, საძოვრები ყველას ერთნაირად ეკუთვნის. თანაბრად უნდა ძოვოთ, ყველანი ერთ-

წაირად უნდა გასუქდეთ. ვინც ამ წესს დაარღვევს, სასტიკად დავსჯი.



ფარა ხმაგაკმენდილი იდგა და უსმენდა.

— მსუქნებო, ათი ნაბიჯი წინ! — შესძახა ბოლოს მგელმა.

ცხვრებმა ერთმანეთს გადახედეს. არც ერთი არ იძვროდა ადგილიდან.

— სწრაფად! — ხმას აუწია მგელმა.


ცხვრები შეშინდნენ და ფერდებით ერთმანეთს მიეკვრნენ. ფეხის მოცვლას ამჯერადაც ვერავინ ბედავდა. მაშინ გაბრაზებული მგელი ეძგერა მწყრივს, ჯერ ერთს გაჰკრა თათი, მერე მეორეს და ყველა მსუქანი ცხვარი ცალ მხარეს გაამწყრივა.

— აბა, შებრუნდ-შემობრუნდი! — კვლავ გასცა განკარგულება მგელმა.

ცხვრები შებრუნდ-შემობრუნდნენ. სხვა რაღა გზა იყო.

— კარგად დააკვირდი ამათ! — მიუბრუნდა ის გამხდრებს. — განა მართალი არა ვარ? საბრალო ჯამუღეთს ხომ ყველა ერთად დაჰყავდით საძოვრებზე? რა თქმა უნდა, ერთად, მაგრამ, ეტყობა, ესენი თქვენზე უფრო ონავრები აღმოჩნდნენ; თავიანთი წილიც მოძოვეს, თქვენიც ზედ მიაყოლეს და ისე გასუქებულან, რომ ტყავში ვერ ეტევიან. თქვენ კი, თქვე საწყლებო, ფეხზე ძლივს დგახართ! აი, ესენი არიან თქვენი ლუკმის მიმთვისებელნი... იმისათვის, რათა ასეთი უმსგავსოება მომავალშიც არ განმეორდეს, ესენი უნდა დაისაჯონ! დასჯის საქმეს მე თვითონ მოვუვლი. ყოჩი ამათი თანამოაზრეა და ამათთანავე დარჩება, თქვენ კი კარგად დაიმახსოვრეთ, რაც წელან გითხარით: ბალახი თანაბრად ძოვეთ! ვინც დღეიდან ამ წესს დაარღვევს, ვაი იმის ბრალი!





მგლის ნათქვამმა შიშის ზარი დასცა ცხვრებს. განკარგუ-  
ლების შესრულება საძნელო საქმედ ეჩვენათ, შექმნეს  
ერთი კიკინი და პეტელი.

— რაო? არ მოგწონთ? — დაიღრიალა მგელმა. — ახ-  
ლავე უსიტყვოდ მიბრუნდით და საბალახოდ გადით! გეში-  
ნიათ? რისი? ფიქრი ნუ გაქვთ. სადაც გაგიჭირდეთ, ჩემი სა-  
ხელი ახსენეთ და ხელსაც ვერავინ გახლებთ! ოღონდ თა-  
ნაბრად ძოვეთ ბალახი, თანაბრად გასუქდით, რომ თქვენი  
შეხედვა თვალს ესიამოვნოს!

საწყალი ცხვრები უსიტყვოდ მიბრუნდნენ და ნელი ბა-  
კუნით მიჰყვნენ ბალახით მოხავერდებულ ფერდობს.

— თქვენ კი ცალკე მოგელაპარაკებით! ხევისკენ შებ-  
რუნდით! — უბრძანა მგელმა მსუქნებს.

ისინი ზანტად დაიძრნენ.


მგელი ფეხდაფეხ მიჰყვა.

გადიოდა ჟამი. დღე დღეს მისდევდა, თვე — თვეს.

ცხვრები, როგორც ნაბრძანები იყო, დილით ადრე გა-  
დიოდნენ საბალახოდ და საღამოს გვიან ბრუნდებოდნენ.  
რაც შეიძლებოდა, ფრთხილად იყვნენ — ცდილობდნენ,  
მგლის ბრძანება შესრულებინათ, — ერთნაირად ძოვდნენ,  
მაგრამ მაინც ზოგი ძალიან გასუქდა, ზოგი ცოტა მოკეთდა,  
ზოგი კი ისევ გამხდარი დარჩა.

მგელი დროგამოშვებით მიდიოდა მათთან. ამ უთანას-  
წორობის დანახვაზე ცხარობდა, მწკრივში აყენებდა ყვე-  
ლას, მსუქნებს ბრალს სდებდა და ემუქრებოდა, დასასჯე-  
ლად იტოვებდა, გამხდრებს კი, ფხა გამოიჩინეთო, აფრ-  
თხილებდა და საძოვარზე უშვებდა.

ნათქვამია: ზღვა კოვზით დაილევავო. გაუთავებელი რა



იქნებოდა? ამ მისვლა-მოსვლაში მგელი გასუქდა. ჯამულეთის ნაპატივები ფარა კი ყოველდღიურად ილეოდა, დიდი ხნის შემდეგ, როცა მგელმა დასასჯელად რამდენიმე მსუქანი ცხვარი კიდევ წაიყვანა, ჯამულეთის სახურავგადახდილი ფაცხის წინ ერთადერთი გამხდარი და უსუსური ბატკანილა დარჩა. მგელი მიუბრუნდა მას და უთხრა:

— შენლა დარჩი, შე საცოდავო! დღემდე ყველა შენ გიბრიყვებდა, გჩაგრავდა, პირში ლუკმას გაცლიდა! აბა დაიხედე, რას ჰგავხარ! სული ძლივს გიდგას... ამიერიდან მეტოქე არავინ გეყოლება. იარე, საითაც გინდა, ძოვე ბალახი, რამდენიც გინდა, ოღონდ გასუქდი. მე კიდევ მოვალ შენთან!

დიდი ხანი გავიდა, თუ ცოტა ხანი, ერთ მშვენიერ დღეს მგელი მიადგა ფარეხს, გარს შემოუარა. არავინ ჩანდა. აქეთ ეცა, იქით ეცა, მაგრამ ბატკანს თვალი ველარსად მოჰკრა. მგელი საშინლად გაბრაზდა: დამემალა, თუ სადმე გადაიკარგავო. საბრალო ბატკანი მშობლიურ მიდამოს როგორ მოშორდებოდა? იქვე, ფერდობზე, იდგა, ბალახს კიკნიდა, ხანგამოშვებით თავს მალლა სწევდა და საცოდავად ბლაოდა, თითქოს დედას ეძახისო. მგელს ცხვრის ბლავილი რომ შემოესმა, უმალვე მასთან გაჩნდა.

— ჰმ, მეგონა, მემალებოდი, — ბატკნის დანახვისთანავე გახალისდა მგელი, — კიდევ კარგი, რომ აქ ყოფილხარ! მაგრამ რას გავხარ, შე უბედურო, შენა! ამდენი საძოვარი გაქვს და მაინც არაფერი გეტყობა. რა საცოდავად იკიკნები, შე ოხერო, შე ტიალო, შენა!... როგორიც დაგტოვე, ისევ ისეთი მიკნავებული ხარ, სული ძლივს გიდგას პირში!

— მაშ როგორ უნდა ვიყო უპატრონოდ, უთვისტომოდ?! — უპასუხა ბატკანმა.

— კრინტი! ახლა პატრონი და თვისტომი არ მომთხოვან?! რაკი შენი საშველი არ ყოფილა, ჯობს, სულაც არ დავიკვეყნად! — დაიღრიალა მგელმა, ეძგერა ბატკანს, პირი დაავლო და ხევისაკენ გააქანა.

მზიურში მგელს აღარა ესაქმებოდა რა. ამიტომ გადაწყვიტა, როგორმე გაპარულიყო ამ ქვეყნიდან და ეს ბატკანიც თან წაეთრია.

მგელი ამ იმედით მისდევდა მდინარის ნაპირებს, ჩირგვებს, ეკალ-ბარდებს, კლდე-ღრეებს. ბევრი იარა, თუ ცოტა იარა, ერთ უდაბურ ტყეში შევიდა. აქ სალი კლდიდან გრგვინვა-ხმაურით გადმოქუხდა ვეება მდინარე, მისი აქაფებული ტალღები ქვესკნელში მიექანებოდა.

თავის დასალწვევი გზების ძებნაში მგელი მზიურის იმ დიდ კარიბჭეს მისდგომოდა, ჯამულეთის ვაყები რომ იცავდნენ.

ძმებმა უცებ ქვემოთ, ღრმა ორწოხებში, საცალფეხო ბილიკზე მომავალი მგელი დაინახეს. მგელს ბატკნისათვის პირი ჩაევლო და ქანცმიღეული ძლივს მილასლასებდა. ეტყობოდა, შორი გზა გამოეგლო და არაქათი გამოლოდა. მგელი ცოტა ხანს შედგა, ბატკანი ძირს დააგდო, თვითონ იქვე გაწვა და არემარე შეათვალიერა.

ძმებმა თოფები მოიმარჯვეს და სული განაბეს. მცირე შესვენების შემდეგ მგელი წამოდგა, რომ ბატკანი ისევ ზურგზე მოეგდო და სამშვიდობოს გასულიყო. მაგრამ სწორედ ამ დროს სამმა ძმამ ერთბაშად გამოსწიეს ჩახმახები და სამმა თოფმა ერთად იჭექა. მგელი უსულოდ დაეცა. თოფების ხმამ მთელი მხარე შეძრა. სროლის გამოძახილი კიდევ დიდხანს გუგუნებდა სადღაც, შორეულ ორწოხებში.

როცა ირგვლივ სიჩუმე დამკვიდრდა, საბრალო ბატკანმა ჯერ წინა ფეხებზე წამოიწია, თავი შეიმავრა, მერე უკანა ფეხებიც აითრია, გაიმართა და დაიბღავლა:

— ჰუმე-ე-ე-ე!..

## გუგული და ჭინჭრაქა

მოვიდა გაზაფხული. დადგა მშვენიერი მაისი.

ფრინველთა ჟივილ-ხივილითა და ჟრიამულით აივსო ქვეყანა. მთელი ცისქვეშეთი ნეტარებას მისცემოდა და ლაღობდა, მარტო გუგულს ვერ ებოვა მოსვენება, წრიალებდა, ადგილს ვერ პოულობდა. კვერცხისდების ჟამმა მოაწია და ძალიან უნდოდა თავის დაძვრენა, რათა მშვიდად ამოესუნთქა, მაგრამ ეს არც თუ ისე იოლი საქმე იყო.

გუგული ხომ საკუთარ ბუდეს არასოდეს იკეთებს. ბუდე მხოლოდ მაშინ მოაგონდება, როცა კვერცხი უნდა დადოს. დატრიალდება, აქეთ ეცემა, იქით ეცემა, მონახავს სხვის ბუდეს და იქ ჩაამატებს თავის კვერცხსაც, რომ მერე იმ სხვამ იზრუნოს და მისი ბარტყებიც გამოიჩეკოს.

გუგულის წინაპრებიც მუდამ ასე იქცეოდნენ, თვითონ გუგულიც ასე იქცეოდა წლების განმავლობაში, ასე მოიქცა შარშან გაზაფხულზეც: სადღაც ბელურების ბუდე მონახა და იქ ჩადო კვერცხები. მერე უკან აღარც მიუხედავს, არც შეწუხებულა იმაზე ფიქრით, თუ რა ბედი ეწია მის კვერცხებს, ბარტყები გამოიჩეკნენ თუ არა. გუგულს არც ახლა აწუხებდა ბარტყების ამბავი, დილიდანვე წრიალებდა, კვერცხის დადება უნდოდა. აქეთ იფრინა, იქით იფრინა, ერთი ტოტიდან მეორე ტოტზე გადაფრთხილდა, თავის ბუდეს ეძებდა, მაგრამ რაც არა ჰქონდა, იმას როგორ იპოვიდა.

ბოლოს მოიქანცა, დალონდა და ერთი განმარტოებული ხანს  
ტოტზე ჩამოჯდა.

იჯდა მოწყენილი გუგული და დაღვრემილი გადასცქე-  
როდა მიდამოს. უცებ შენიშნა, რომ იქვე, შორიახლოს,  
ეკალ-ბარდებში გახლართულ ხის ტოტზე ერთი ჭინჭრაქა  
ჩამოჯდა. ისიც მისებურად მოუსვენრობდა, სწრაფად დახ-  
ტოდა ერთი ტოტიდან მეორეზე.


სად იყო და სად არა, მალე მეორე ჭინჭრაქაც მოფრინ-  
და. ჩიტებმა ერთხანს იყიფივეს და ბევრი უტრიალეს ერთ-  
მანეთს, ბოლოს ერთი — ალბათ დედალი ჭინჭრაქა — ტოტს  
მოსწყდა და იქვე, ფოთლებით მოფარებულ ადგილას, ხმე-  
ლი ბალახისაგან გაკეთებულ ბუდეში ჩაჯდა.

განაბული გუგული ჩუმად უთვალთვალებდა ჭინჭრა-  
ქებს. როგორც კი ჭინჭრაქები იქაურობას მოშორდნენ, გუ-  
გული ადგილს მოსწყდა და ჭინჭრაქების ბუდეში ჩაფრინდა.

ცოტა ხანს იყო ასე, გატრუნული, მერე კვერცხი ჩადო  
ჭინჭრაქას ბუდეში და უმალვე თავის გზას გაუდგა.

სამაგიეროდ, ჭინჭრაქები თავს დაჰკანკალებდნენ თავი-  
ანთ ბუდეს. რამდენი იწვალეს მის აშენებაზე: ხმელი ბალახ-  
ბულახი მოიტანეს, კედლები ამოიყვანეს და ბუდეში რბილი  
ფოთლები და ბუმბული ჩაფინეს. ბოლოს დედალმა ჭინჭრა-  
ქამ კვერცხებიც ჩადო. ახლა უკვე ბუდეც მზად ჰქონდათ  
და კვერცხებიც — ჩაწყობილი. ერთი რამდა დარჩენოდათ  
მხოლოდ, — ჭინჭრაქები რიგრიგობით უნდა დამსხდარიყვ-  
ნენ კვერცხებზე, გაეთბოთ და ბარტყები გამოეჩეკათ.

პირველად დედალი ჭინჭრაქა ჩაჯდა ბუდეში, მამალი კი  
საღლაც გაფრინდა, ცოტა ხნის მერე მან ჭია მოუტანა სამხ-  
რად, მერე ისევ გაფრინდა და ახლა ვახშმის ულუფა მოუ-  
ტანა. ასე გაგრძელდა ერთ ხანს. მერე მამალი ჭინჭრაქა ჩა-



ჯდა ბუდეში, დედალი კი საზრდოს მოსაპოვებლად გაფრინდა.


გადიოდა დრო. ხან დედალი ჭინჭრაქა ჯდებოდა კვერცხებზე, ხან — მამალი.

მოახლოვდა ბარტყების გამოჩეკის სანატრელი დღეც. ერთ მშვენიერ დილას, როცა ქვეყანას მზის ელვარე შუქი დაჰქათათებდა, როცა ირგვლივ ყოველივე ნეტარებას და სიხარულს მისცემოდა, ბარტყები გამოიჩეკნენ.

ბუდეში ყველაზე წინ გუგულის კვერცხიდან გამოჩეკილი შავი ქინქლით შემოსილი მოზრდილი ბარტყი მოექცა. ის თავიდანვე სხვებზე უფრო დიდი ჩანდა და დანარჩენ ბარტყებზე თამამადაც იქცეოდა. გუგულის ბარტყმა უმაღვე მისწი-მოსწია სხვა ბარტყები, ბუდეში მოხერხებულად და ხალვათად ჩაჯდა.

როცა ჭინჭრაქები მოფრინდებოდნენ და ნისკართით საჭმელს მოიტანდნენ თავიანთი ბარტყებისათვის, გუგულის ბარტყი ყველაზე უმაღ შეიტყობდა მათ მოსვლას, წამოიწევდა, ფრთებს შეაქანებდა, კისერს წაიგრძელებდა, ნისკარტს შეაგებებდა მოფრენილ ჭინჭრაქებს, მოტანილ ჭიას ჩამოართმევდა და გადასანსლავდა.

ასე იქცეოდა გუგულის ბარტყი ყოველთვის. ჭინჭრაქებს აოცებდათ მისი ღორმუცლობა. ატყობდნენ, რომ თავისი უტიფარი საქციელით ის არ ჰგავდა სხვა ბარტყებს, რომ ეს ვიღაც სხვა იყო, დაუპატიჟებელი სტუმარი. მაგრამ ვინ იყო, ან საიდან გაჩნდა მათ ბუდეში, ჭინჭრაქები ვერაფრით ვერ მიმხვდარიყვნენ. ჭინჭრაქებმა ბევრი იფიქრეს, ბევრი იდავეს, მაგრამ თავი და ბოლო ვერაფერს მოაბეს და ისევ ძველებურად ცხოვრება განაგრძეს. მიფრინავდნენ, ველ-მინდვრებიდან საკვები მოჰქონდათ, მაგრამ ყოველ-



ვის ერთი და იგივე მეორდებოდა: უცხო ბარტყი სტაცებ-  
დათ თავიანთი ბარტყებისათვის მოტანილ ლუკმას

გადიოდა დრო. ჭინჭრაქას ბარტყებს ზრდა არ ეტყობო-  
დათ. სამაგიეროდ, მოშავო ბუმბლით ტანშექინქლული  
უცხო ბარტყი თვალდათვალ იზრდებოდა.

ბოლოს გუგულის ბარტყი დანარჩენი ბარტყებისათვის  
მოტანილი ლუკმის წართმევასაც აღარ დასჯერდა, ბუდეში  
ადგილის გაფართოებაც მოინდომა. მთვლემარე ჭინჭრაქის  
ბარტყს უბიძგა, მხარი ჰკრა და ბუდიდან ძირს გადმოუშვა.  
საბრალო ბარტყმა ტყაპანი მოადინა მიწაზე. უცებ, სად იყო  
და სად არა, იქვე გაჩნდა გარეული ხვადი კატა, პირი დაავ-  
ლო ბარტყს და სადღაც გააქანა. რაკი ადგილი გაითავისუფ-  
ლა, გუგულის ბარტყი უფრო ფართოდ მოეწყო.

ასე გადიოდა დრო. ჭინჭრაქებს მოჰქონდათ საჭმელი,  
ბუდეში კი ისევ ძველი ამბავი მეორდებოდა. ახლა გუგუ-  
ლის ბარტყს ის ადგილიც ეცოტავა, კიდევ მოუხდა გაფარ-  
თოება. გაჰკრა მხარი მეორე ბარტყს, ნელ-ნელა გასწია  
გვერდზე, ბუდის ნაპირას მიაგდო, მერე იქიდანაც უბიძგა  
და ისიც ძირს გადმოაგდო. დაეცა თუ არა საბრალო ბარტ-  
ყი მიწაზე, იქვე გაჩნდა გარეული ხვადი კატა, დაავლო პი-  
რი და ეს მეორე ბარტყიც სადღაც გააქანა. ბუდეში ჭინ-  
ჭრაქას ერთი ბარტყიღა დარჩა.

დრო შეუმჩნევლად გადიოდა. გუგული გაიზარდა, უფ-  
რო გამაგრდა, მთელი ტანი ბუმბულით შეემოსა. გაიზარ-  
და ჭინჭრაქას ბარტყიც. ახლა ისიც წამოიწევდა ხოლმე,  
როცა დედა, ან მამა მოფრინდებოდა, ცდილობდა მიახლოე-  
ბოდა და მოტანილი საჭმელი გამოერთმია, მაგრამ გუ-  
გულს როგორ გაუმკლავდებოდა? გუგული მაშინვე ფეხზე



წამოდგებოდა, მთელი ტანით აიმართებოდა და ჭინჭრაქას ბარტყს გვერდზე მიაგდებდა ხოლმე.

ერთხელ ჭინჭრაქამ იმარჯვა, მოასწრო და მოტანილი საჭმელი თვითონ გადასანსლა. მაშინ გუგულმა ველარ მოითმინა, გაბრაზებულმა ღონივრად ჰკრა მხარი. ჭინჭრაქას, ბუდის კიდეზე მიაგდო, მერე უბიძგა და ისიც ქვემოთ გადაუშვა.

ახლა გუგული მარტო იყო ამხელა ბუდეში და არხეინად გრძნობდა თავს. ელოდებოდა, ჭინჭრაქები საჭმელს მოიტანენ და რაკი მეტოქე არავინა მყავს, მარტო მე დამრჩებაო, მაგრამ ასე როდი მოხდა. დიდხანს იჯდა გუგულის ბარტყი ბუდეში. ბოლოს დედა ჭინჭრაქა მოფრინდა. არ გასულა დიდი ხანი და მას მამა ჭინჭრაქაც მოჰყვა.

ერთი ერთ ტოტზე ჩამოჯდა, მეორე — მეორეზე. ჭინჭრაქები გაკვირვებულები იყვნენ. ვერ გაეგოთ, სად გაქრნენ მათი შვილები. ბუდეში მარტო დარჩენილი გუგული იჯდა და მოშივებული კისერს იწვდიდა.

უბედურმა ჭინჭრაქებმა ერთ ხანს შორიდან უთვალთვალებს გუგულს. ბოლოს ერთმა მათგანმა შეშფოთებით რაღაცა დაიჭიკჭიკა, მოწყდა ტოტს და მეორე ჭინჭრაქას გვერდით ჩამოუჯდა, ალბათ ეს მამა ჭინჭრაქა იყო. ჩიტებმა იყიფივეს, იყიფივეს, მერე მამა ჭინჭრაქა ბუდისაკენ გაექანა, მას დედაც მიჰყვა. როგორც ეტყობოდა, ჭინჭრაქები მიხვდნენ, რომ ღორმუცელა ბარტყი მათი ოჯახის მტერი იყო, მათი შვილების დამლუბველი.

— რა გინდათ, რას მერჩით? — აწრიბინდა გუგული. — მე ჩემს მშობლიურ ბუდეში ვარ. თავს რად მესხმით?

ჭინჭრაქები თვალეებში შეაფრინდნენ გუგულის ბარტყს. გუგულმა იკადრა და უკან დაიხია, იქნებ გაქცევა მოვასწ-





როო. სხვა რა გზა ჰქონდა! ჭინჭრაქები მეტისმეტად ეძულებოდნენ გუგულს, გუგული კი გაქცევას ცდილობდა, რომ ხიფათისაგან თავი დაეხსნა.

ჭინჭრაქები ხელახლა დაიძრნენ და დაეტაკნენ გუგულს. გაშმაგებულმა ფრინველებმა ახლა მეორე მხრიდან შემოუარეს, არსად გაგვექცესო. ამ ალიაქოთში გუგულს უცებ ორივე ფეხი დაუსხლტა და ძირს გადმოვარდა. იმავე წამს ზედ დააცხრა გარეული კატა და ისიც, როგორც ჭინჭრაქის საცოდავი ბარტყები, ორწოხისაყენ გააქანა.

ასე მოუვა ყველას, ვინც სხვის დაღუბვას შეეცდება.

1965.

## სიმართლე და სიცრუე

უკრაინულიდან

იყო ორი ძმა: ერთი მდიდარი, მეორე კი ღარიბი. ერთხელ ისინი ერთად შეიყარნენ და საუბარი გააბეს.

— რაც გინდა თქვი და, ამქვეყნად მაინც სიმართლით ცხოვრება ჯობია, — უთხრა ღარიბმა ძმამ მდიდარს.

მდიდარმა კი მიუგო:

— ამქვეყნად სადღა იბოვი სიმართლეს? ახლა ყველგან მხოლოდ სიცრუეა გამეფებული. ამიტომ უმჯობესია, ისევ სიცრუით იცხოვრო!

ღარიბმა მაინც თავისი დაიჩემა:

— არა, ჩემო ძმაო, მაინც სიმართლით ცხოვრება ჯობსო.

მაშინ მდიდარმა მიუგო:

— მაშ კარგი. მოდი, ქონებაზე დავნაძლევედეთ, მერე წავიდეთ და ხალხსა ვკითხოთ. ვისაც შევხვდებით, ყველას შევკითხოთ — ერთს, მეორეს, მესამეს... თუ ყველა ისე იტყვის, როგორც შენ ამბობ, მთელი ჩემი ქონება შენი იყოს; ხოლო თუ ისე იტყვიან, როგორც მე ვთქვი, მთელ შენს ქონებას მე წავიღებ.

ღარიბმა მიუგო:

— კარგი, ყაბულსა ვარ!

წავიდნენ. მიჰყვებიან გზას. მიდიან და მიდიან. უცებ წინ



შემოხვდათ საშოვრიდან შინ დაბრუნებული კაცი მამები  
 გადაუდგნენ ამ კაცს და მიესალმნენ:

- გამარჯობა, კეთილო კაცო!
- გაგიმარჯოთ!
- ერთი რამე უნდა შეგეკითხოთ...
- თქვით!

— როგორ ჯობია ამქვეყნად ცხოვრება: სიმართლით, თუ სიცრუით?

— ეჰ, კეთილო ადამიანებო, — მიუგო იმ კაცმა, — სად იპოვით ახლა სიმართლეს? აი, რამდენი ვიწრომე, რამდენი ვიშუშავე და, ნახეთ, რა მივიღე საზღაურად... სულ მცირედი რამ... იმ გროშებიდანაც ერთი წილი ბატონმა წამგლიჯა. აბა, სადღა შეიძლება იცხოვრო სიმართლით? უმჯობესია ისევ სიცრუით იცხოვრო, ვიდრე სიმართლით.

— აი, ჩემო ძმაო, ხომ ხედავ! — უთხრა მდიდარმა თავის ღარიბ ძმას. — ეს არის ჩემი პირველი სიმართლე!


ღარიბი დაღონდა. ძმები ისევ გაუდგნენ გზას. წინ ახლა ვაჭარი შემოხვდათ:

— გამარჯობა, პატიოსანო ვაჭარო! — მიესალმნენ ისინი.

- გაგიმარჯოთ!
- იცი, რა უნდა შეგეკითხოთ?
- ბრძანეთ!

— როგორ ჯობია ამქვეყნად ცხოვრება: სიმართლით, თუ სიცრუით?

— ეჰ, ჩემო კეთილო ადამიანებო! სიმართლით როგორ იცხოვრებ? როგორც კი ვაჭრობას შეუდგები, ასჯერ უნდა იცრუო, ასჯერ უნდა დაიფიცო ტყუილად, რომ დაარწმუნო მუშტარი, სხვაგვარად ვერაფერს გაყიდი! — უპასუხა ვაჭარმა და გზას გაუდგა.



— აი, ჩემი მეორე სიმართლე! — უთხრა მდიდარმა ძმამ ლარიბს. ლარიბი ძმა უფრო დაღონდა.

განაგრძეს გზა. მიდიან და მიდიან. უცებ წინ პანი შემოხვდათ.

— გამარჯობათ, ბატონო! — მიესალმნენ ძმები.

— გაგიმარჯოთ!

— იცით, რა უნდა შეგეკითხოთ? როგორ ჯობია ამქვეყნად ცხოვრება: სიმართლით, თუ სიცრუით?

— ჩემო კეთილო ადამიანებო, სადღაა ახლა ამქვეყნად სიმართლე? სიმართლით ვერ იცხოვრებ! მე რომ სიმართლით მეცხოვრა... — და სიტყვა აღარ დაამთავრა, ისე გაუდგა გზას.

— რაკი ასეა, ჩემო ძმაო, — უთხრა მდიდარმა ძმამ ლარიბს, — წავიდეთ შინ და მთელი შენი ქონება ჩამაბარე!

მიდის ლარიბი ძმა შინ და გული მწუხარებით ევსება. მდიდარმა ძმამ წაიღო მისი ლარიბული ავლა-დიდება, მხოლოდ ქოხილა დაუტოვა.

— ჯერ იცხოვრე მაგ ქოხში, — უთხრა მან, — ახლა არ მჭირდება. ცოტა ხნის შემდეგ კი სხვა საცხოვრებელი გამოინახე.

ზის ლარიბის ოჯახი ქოხში. პურის ნატეხიც არ აბადიათ, ვერც ვერსად უშოვიათ. ის წელიწადიც საოცრად მოუსაჯელიანი დადგა. ტირიან ბავშვები... ლარიბმა ითმინა, ითმინა... ბოლოს ველარ მოითმინა, აიღო საწყაო და მდიდარ ძმასთან წავიდა.

— ძმაო, ამ საწყაოთი ფქვილი, ან ხორბალი მომეცი. საჭმელი არაფერი გვაქვს. ბავშვები შიმშილით მეხოცებიან! მდიდარმა კი უბასუხა:

— მოდი, ცალ თვალს ამოგთხრი და მერე აგივსებ ფქვილით მაგ საწყაოსო!

იფიქრა ღარიბმა, იფიქრა და დაეთანხმა, სხვა რა გზა  
ჰქონდა!

— ჰა, მოდი, ამომთხარე, ოღონდ რამე მომეცი, თუ  
ღმერთი გწამს!

მდიდარმა ძმამ ღარიბს თვალი ამოთხარა და ერთი საწყაო  
დაობებული ფქვილი მისცა. ღარიბმა წაიღო ფქვილი,  
შინ რომ მივიდა და ცოლმა შეხედა, ელდანაცემმა ჰკითხა:

— ეს რა მოგვლია, კაცო, თვალი რა უყავი?

— ეჰ, — მიუგო ქმარმა, — ძმამ წამართვა!

თან ყველაფერი უამბო, რაც მოხდა... ღარიბის ოჯახში  
ბევრი იტირეს და ივიშიშეს, მაგრამ რაღას უშველიდნენ.

გავიდა ცოტა ხანი და, ისევ გამოეღიათ პური. ღარიბმა  
ამჯერადაც აიღო საწყაო და ისევ ძმას მიადგა.

— საყვარელო ძმაო, გაგვითავდა ის ფქვილი, შენ რომ  
მომეცი, კიდევ უნდა მომცე ერთი საწყაო!

— მოდი, მეორე თვალსაც ამოგთხრი და მერე აგივსებ  
საწყაოსო, — უბასუხა მდიდარმა ძმამ.

— ძმაო, მერედა როგორღა ვიცხოვრო უთვალეობდ?  
ცალი ხომ უკვე წამართვი! გთხოვ, მოიღო მოწყალება და  
ისე მომცე!

— არა, — უთხრა მდიდარმა, — მუქთად ვერ მოგცემ.  
ამომათხრევინე მეორე თვალიც და მერე წაიღე ფქვილი.

ღარიბი ამაზუნდაც დაეთანხმა, რაღას იზამდა!

— ამომთხარე, ღმერთმა გიზღოს სამაგიერო! — უთხრა  
ღარიბმა.

მდიდარმა ძმამ ღარიბს მეორე თვალიც ამოთხარა და  
საწყაო ფქვილით აუვსო. ბრმა ძლივს მივიდა შინ. ფქვილიც  
მიიტანა. დაინახა თუ არა ცოლმა თვალეზღატხრილი ქმარი,  
სასოწარკვეთილმა შეჰყვირა:

— შე უბედურო, შენა, ასე უთვალეობდ როგორღა იცხოვრებ ქვეყნად? იქნებ როგორმე ისე გეშოვა პური. ახლა რაღა უნდა გქნათ?

— ნუ ტირი. მარტო მე ხომ არა ვარ ამ დღეში! ქვეყანაზე რამდენი უსინათლოა და მაინც როგორღაც ცხოვრობენ, მეც ისე ვიცხოვრებ, — ანუ გეშა ქმარმა.

მალე ეს ფქვილიც გამოელიათ. განა ბევრი იყო, — სულ ერთი საწყაო, მჭამელი კი — მთელი ოჯახი.

— აბა, დედაკაცო, — უთხრა ღარიბმა ცოლს, — მე უკვე აღარ შემიძლია ჩემს ძმასთან წასვლა. ახლა სოფლიდან გამიყვანე, გზის პირას, მაღალი ალვის ხის ძირში დამსვი და იქ დამტოვე, საღამოს კი მოდი და შინ წამომიყვანე. გამვლელ-გამომვლელს შეგებრალები და ალბათ ყველა მომცემს. ლუკმის ფულს.

ცოლმა წაიყვანა ბრმა, დასვა ხის ძირას, თვითონ კი შინ დაბრუნდა.

ზის კაცი ალვის ხის ძირას. ვიღაცეებმა მცირედი რამ მართლა უწყალობეს. დაღამდა. ცოლმა დაიგვიანა. დაიქანცა კაცი ლოდინით. ბოლოს ადგა და შინისაკენ მარტო წავიდა, მაგრამ გზა ვერ გაიგნო. მიდის, მაგრამ თვითონაც არ იცის, საით. უცებ ტყის შრიალი შემოესმა. ტყეში შემოგსულვარ, უთუოდ ამ ტყეში მომიხდება ღამის გათევაო, — გაიფიქრა და ძალიან შეეშინდა. მერე ბრმა როგორღაც აცოცდა ხეზე და ერთ ტოტზე ჩამოჯდა.

შუალამემ რომ მოატანა, მუხის ძირას ავმა სულმა მოიბრბინა და თან თავისი წინამძღოლი მოიყვანა. მოვიდნენ სხვაავი სულებიც. წინამძღოლმა გამოკითხვა დაიწყო, ვინ რა გააკეთეთო.

— მე ასე მოვიქეცი, — თქვა ერთმა, — ორი საწყაო

ფქვილის საფასურად ძმას ძმისთვის ორივე თვალი დავათხრევიანე!

— კარგად მოქცეულხარ, — შეაქო წინამძღოლმა, — მაგრამ არც ისე!

— მაშ როგორ უნდა მოვქცეულიყავი?

— თუ ის ბრმა თვალებს ამოიბანს ამ ხის ძირას შეგროვილი ნამით, თვალები აეხილება. კარგი, შენ რაღა გააკეთე? — შეეკითხა წინამძღოლი მეორე ავ სულს.

— მე ერთ სოფელში წყალი დავაშრე, წვეთიც კი არ დავტოვე. უწყლობისაგან იმ სოფელში ბევრი ხალხი იღუპება.

— კარგად მოქცეულხარ, — ამასაც მოუწონა საქციელი წინამძღოლმა, — მაგრამ არც ისე!

— მაშ როგორ უნდა მოვქცეულიყავი?

— თუ ვინმემ გადასწია მეზობელ ქალაქში დადებული ლოდი, იმდენი წყალი წამოვა, მთელ მხარეს ეყოფა. შენ რაღა გააკეთე? — მიუბრუნდა ხელმძღვანელი მესამეს.

— მეფეს ერთადერთი ქალიშვილი დავუბრმავე, მაგრამ ისე, რომ მკურნალები ვერაფერს შევლიან, ვერ მოუჩენიათ.

— კარგად მოქცეულხარ, — კვლავ მოიწონა ქვეშევრდომის საქციელი წინამძღოლმა, — მაგრამ არც ისე!

— მაშ როგორ უნდა მოვქცეულიყავი?

— თუ ბრმას თვალებს მობანენ ამ ხის ძირას მოგროვილი ნამით, თვალები აეხილება, — უთხრა წინამძღოლმა.

კაცი ხეზე ზის და ყველაფერს ისმენს, რასაც ავი სულები ლაპარაკობენ. როცა ისინი წავიდ-წამოვიდნენ, უსინათლო ჩამოვიდა ხიდან, ამოიბანა თუ არა თვალები ნამით, იმწამსვე აეხილა. ახლა წავალ და სხვებსაც ვასწავლი, რაც აქ

გავიგონეო, — გაიფიქრა მან, ნამი მათარაში მოაგროვა და თან წაიღო.

მიუახლოვდა უწყლო სოფელს. ხედავს, გზაზე ბებერი დედაკაცი მოდის და სათლები მოაქვს მხრეულთ. კაცი მოწიწებით მიესალმა დედაბერს და სთხოვა:

— ბებია, წყალს ვერ დამალევიანებ?

— ეჰ, შვილო, ეს წყალი ოცდაათი ვერსიდან მომაქვს. ვიდრე შინ მივალ, ნახევარი გზაზე დამელვრება, ჩემი ოჯახი კი მრავალრიცხოვანია — უწყლობით დავიღუპებით.

— დამალევიანე და როგორც კი შემოვალ თქვენს სოფელში, ყველას სამყოფ წყალს მე მივცემ, — შეჰპირდა კაცი.

ქალმა წყალი დაალევიანა და გახარებული წინ წავიდა, რათა სოფლისათვის ეცნობებინა ეს ამბავი: ხალხს სჯეროდა კიდევ და არცა სჯეროდა დედაბრის ნათქვამი. მაინც გავიღწენ ამ კაცის შესახვედრად, თაყვანისცემით შეეგებნენ და სთხოვეს:

— კეთილო ადამიანო, გვიხსენი ამ საშინელი გასაჭირისაგან!

— კარგი, კარგი, — მიუგო ხალხს კაცმა, — მხოლოდ დამეხმარეთ და ჯერ თქვენს მეზობელ ქალაქამდე მიმიყვანეთ.

კაცი მიიყვანეს ქალაქამდე, მან დაიწყო იმ ქვის ძებნა. ეძება, ეძება და მართლაც იპოვა. მერე ყველანი ერთბაშად მიესივნენ იმ ლოდს და გადააგორეს; გადააგორეს თუ არა, მაშინვე იჩქეფა წყალმა. წყალი თქრიალით წამოვიდა ფსკერიდან. აივსო ყველა მდინარის კალაპოტი, წყალსაცავები, ხევები, ღელეები. აღტაცებული ხალხი მადლობას უხდიდა თავის მხსნელს, აავსეს საჩუქრებით — ფულით და განძეულით. კაცი ცხენზე შეჯდა და ახლა იმ სამეფოს მიაშურა, სადაც მეფის ერთადერთი ბრმა ქალიშვილი ცხოვრობდა.



ბევრი იარა თუ ცოტა იარა, მივიდა იმ ქვეყანაში, მიუახლოვდა სასახლეს და მეფის მსახურებს უთხრა: *ეროვნული*

— გავიგე, თქვენს მეფეს ქალიშვილი ჰყოლია *სედი* მართალია? იქნებ მე მოვარჩინო!

— ეჰ, შენ რას გახდები! მკურნალი არ დარჩენილა, რომ თავისი ხელობა არ ეცადოს და დღემდე ვერავინ ვერაფერი შეძლო. შენ რა შეგიძლია!

— მაინც მოახსენეთ მეფეს ჩემი მოსვლა.

კარისკაცები ფეხს ითრევენ. მოსული მაინც არ მოეშვა, — მოახსენეთ და მოახსენეთო. ბოლოს იძულებული გახდნენ, ყველაფერი მოეხსენებინათ მეფისთვის. მეფემ ეს ამბავი რომ გაიგო, ბრძანა, დაუყოვნებლივ მოიწვიეთ სასახლეში ახალი მკურნალიო.

— შენ შეგიძლია მოარჩინო ჩემი ქალიშვილი? — ჰკითხა სტუმარს მეფემ.

— შემიძლია, — მიუგო კაცმა.

— თუ მოარჩენ, რასაცა მთხოვ მოგცემ! — შეჰპირდა მეფე.

მიიყვანეს კაცი მეფის ასულთან; მან ბრმას თვალები მობანა და სასწაულიც მოხდა: ბრმა ქალიშვილს მხედველობა დაუბრუნდა. უსაზღვროდ გახარებულმა მეფემ იმდენი რამ უბოძა კაცს, რომ ურმებით ძლივს გაზიდეს.

კაცის ცოლი ამ დროს უდიდეს მწუხარებას მისცემოდა. ნაღვლობდა, არ იცოდა, სად წავიდა და რა დემართა მის ქმარს. ვაი თუ ცოცხალიც აღარ არისო, — ფიქრობდა საცოდავი.

უცებ ვილაცამ ფანჯარაზე დააკაკუნა.

— დედაკაცო, გამიღე კარი!

ქალმა იცნო ხმა, გარეთ გამოვარდა, სტაცა ხელი ქმარს და ქოხში შეიყვანა. ეგონა ისევ ბრმა არისო.



— ანთე შუქი! — უთხრა ქალს ქმარმა.

ქალს გაუკვირდა, შუქი რად უნდაო. მაინც ანთე და ქმარს თვალეში და სიხარულისაგან კინაღამ ჩაიკეცა.

— მადლობა ღმერთს! ჩქარა მიაგმე შენი თავგადასავალი, — დაუწყო ხვევნა ცოლმა.

— დაიცა, ჯერ ეს ნივთები შემომატანინე ქოხში. დაიწყეს ნივთების შეტანა.

ამ ძვირფას ქონებასთან ახლა რა სახსენებელი იყო მისი მდიდარი ძმის ქონება.

ასე გამდიდრდნენ ღარიბები და დაიწყეს ბედნიეროცხოვრება. მდიდარმა ძმამ ღარიბი ძმის ამბავი შეიტყო და მივარდა მასთან.

— ძმაო, როგორ დაგიბრუნდა სინათლე თვალში, როგორ გამდიდრდი ასე? — ეკითხებოდა ის.

ძმამ არ დაუმალა და ყველაფერი დაწვრილებით უამბო, ასე და ასე მოხდაო.

მდიდარ ძმას უფრო მეტად გამდიდრება მოუნდა. დაღამდა თუ არა, უმაღ ტყეში გაჩნდა, აცოცდა იმავე ხეზე და იქ დაიწყო ლოდინი.

შუალამემ რომ მოატანა, ხედავს, წინ ის ავი სული მოდის, უკან წინამძღოლი მოსდევს და საუბრობენ:

— რა ამბავია! თითქოს არავინ არაფერი იცოდა, არც არავის არაფერი გაუგონია და ბრმა ძმა კი თვალხილული დადის, ლოდის ფსკერიდან წყალი თქრიალით გადმოდის, იქნებ მეფის ქალიშვილსაც აეხილა თვალეები. ვაითუ ახლაც ვინმე გვიგდებს ყურს? მოდი, მოვძებნოთ! დაფაცურდნენ ავი სულები, დაიწყეს ძებნა. ხეზეც ავიდნენ; მდიდარი ხომ იქ იჯდა, ეცნენ მას, სტაცეს ხელი და ძირს ჩამოაგდეს. საწყალს მიწაზე სული არ დაჰყოლია.

6. პოლიო აბრამია -

## ბ უ ლ ბ უ ლ ი


ჰანს ჰრისტიან ანდერსენიდან

შენ უთუოდ გეცოდინება, რომ ჩინეთში ყველა მცხოვრები ჩინელია და თვით იმპერატორიც კი ჩინელი...

ეს ამბავი ძალიან დიდი ხნის წინათ მოხდა. სწორედ ამიტომ მინდა გიამბოთ, ვიდრე სულ არ მისცემია დავიწყებას.

ალბათ მთელ ქვეყანაზე არ მოიბოვება ჩინეთის იმპერატორის სასახლეზე უკეთესი. იგი ისეთი ძვირფასი და სათუთი ფაიფურისაგან არის აშენებული, რომ ხელის ოდნავ მიკარებასაც ვერ შეჰბედავ. თვალწარმტაც ყვავილებზე ვერცხლის ზანზალაკებია ჩამოკიდებული. ნიავის შემოქროლვაზე ყვავილები შეირხევიან და ზანზალაკები რაწკუნს იწყებენ. ეს გაკეთებული იყო იმისთვის, რომ მათთვის გულგრილად არავის ჩაევილო. აი, რა ჭკვიანურად იყო მოგონილი ეს.

ბალი შორს, ძალიან შორს იყო გადაჭიმული, ისე შორს, რომ თვით მებაღეც არ იცოდა, სად ჰქონდა კიდე. ბალის ბოლოზე უდაბური ტყე იწყებოდა. ეს ტყე ზედ ლურჯი ზღვის სანაპირომდე გადიოდა. ზღვაზე გადმოხრილ ტოტებქვეშ დიდი ხომალდები დაცურავდნენ. აქ, ზედ ზღვის სანაპიროსთან, ტყეში, ცხოვრობდა ბულბული. იგი წარმტაცად გალობდა. თვით ღარიბი მეთევზეც ისე გატაცებით უსმენდა ბულბულს, რომ ხშირად თავისი ბაღე ავიწყლებოდა ხოლმე.



იმპერატორის სასახლეში დედამიწის ყოველი კუთხიდან ჩამოდინდნენ დიდებული სტუმრები. ყველა აღფრთოვანებული იყო იმპერატორის სასახლის მშვენიერებითა და ბაღის სილამაზით, მაგრამ ყურს მოჰკრავდნენ თუ არა ბულბულის სტვენას, ამბობდნენ: აი, ეს კი ყველაფერს სჯობიაო!

შინ დაბრუნების შემდეგ მოგზაურები თავისიანებს უყვებოდნენ ყოველივე ნანახს. სწავლულები ჩინეთის სატახტო ქალაქის სასახლისა და იმპერატორის ბაღის აღწერილობებს ადგენდნენ და ბულბულსაც არასოდეს ივიწყებდნენ. ჩინეთის ტყეში, ზედ ლურჯი ზღვის სანაპიროსთან, მცხოვრებ ფრთოსან მომღერალზე შესანიშნავ ლექსებს თხზავდნენ მგოსნები.

ეს წიგნები მთელს ქვეყანაზე ვრცელდებოდა და აი, ერთი სქელტანიანი წიგნი ჩინეთის იმპერატორსაც ჩაუვარდა ხელში. იმპერატორი თავის ოქროს ტახტზე იჯდა, კითხულობდა ამ წიგნს და თავს აქნევდა. ძალიან სიამოვნებდა იმის უკანასკნელ გვერდზე იმპერატორმა წაიკითხა: „ჩინეთში ბევრი რამ არის მშვენიერი, მაგრამ ყველაფერს სჯობია ერთი პატარა ჩიტი, სახელად ბულბული, რომელიც ცხოვრობს ტყეში, იმპერატორის ბაღის მახლობლად. მისი სიმღერის მოსასმენად, ყველას ვურჩევდი, ჩინეთში გამგზავრებულიყვნენ“.

— რაო?! — წამოიძახა იმპერატორმა, ტახტიდან წამოდგა და წიგნი დახურა. — როგორ! ჩემს სახელმწიფოში, ისიც ჩემი სასახლის გვერდით, ასეთი საოცარი ფრინველი ცხოვრობს, მე კი ერთხელაც არ მომისმენია მისი სიმღერა და სხვისი წიგნებიდან უნდა შევიტყო ეს ამბავი?!

ხელმწიფემ ბრძანა, პირველი მინისტრი ახლავე აქ მომ-

გვართო. მინისტრს ისე დარბაისლურად ეჭირა თავი, თუ ვინმე წოდებით უმცროსი გაუბედავდა გამოცდებებს, ვთქვათ, რასმე შეეკითხებოდა, „პფი“ — მხოლოდ ამას უპასუხებდა, რაც სრულიად არაფერს არ ნიშნავდა!

— სწავლულის წიგნში წავიკითხე, რომ ჩვენ ერთი შესანიშნავი ჩიტი გვყოლია, სახელად „ბულბული“, — უთხრა იმპერატორმა მინისტრს. — ბულბულს ჩემი სახელმწიფოს ყველაზე შესანიშნავ მოვლენად თვლიან. რატომ ერთხელაც არ მომახსენეთ ამ ჩიტის ამბავი?

— თქვენო უდიდებულესობავ! — პირველმა მინისტრმა იმპერატორის წინ თავი ჩაკიდა. — პირველად მესმის ბულბულის სახელი. ის არასოდეს არ ყოფილა სასახლეში.

— მთელმა ქვეყანამ იცის ჩემი ბულბულის ამბავი, თვით მე კი არაფერი ვიცი! — თქვა იმპერატორმა. — მსურს, ის ჩიტი ამ სადამოსვე აქ იყოს და მიგალობოს.

— მოვძებნი, თქვენო უდიდებულესობავ! — მიუგო პირველმა მინისტრმა.

თქმა ადვილი იყო, მაგრამ სად უნდა ეპოვა?

და აი, პირველმა მინისტრმა დარბაზებსა და ტალანებში დაიწყო სირბილი. კარისკაცთაგან არავინ არაფერი იცოდა. პირველი მინისტრი იმპერატორთან დაბრუნდა და მოახსენა, ჩინეთში ბულბული არ არის და არც ყოფილაო.

— თქვენო უდიდებულესობავ, სულ ტყუილუბრალოდ ინებებთ ერწმუნოთ იმას, რასაც წიგნებში წერენ ხოლმე! ეგ ყველაფერი მოგონილია, შავი თილისმა გახლავთ და მეტი არაფერი!

— სისულელეს ნუ ამბობთ! — უთხრა იმპერატორმა. — მე მსურს ბულბულს მოვუსმინო. დღეს სადამოსვე სასახლეში მოიყვანეთ! თუ ის დანიშნულ დროზე აქ არ იქნება,

ბრძანებას გავცემ, შენ და დანარჩენ მინისტრებს ქუსლებზე  
წკეპლა დაგარტყან.

— ტრინგ-პე! — თქვა პირველმა მინისტრმა და ისევ აღ-  
მა-დაღმა დაიწყო სირბილი კიბეებზე, ტალანებსა და დარ-  
ბაზებში.

მინისტრთან ერთად დარბოდნენ წარჩინებულები და  
კარისკაცები. არავის არ უნდოდა, ჯოხი მოხვედროდა. კიბე-  
ების პატარა მოედნებზე ისინი ერთმანეთს აწყდებოდნენ და  
წარამარა კითხულობდნენ:

— რა არის ბულ-ბუ-ლი? სად უნდა ვიპოვოთ ბულ-ბუ-  
ლი?

ასე შემოირბინეს მთელი სასახლე. ბოლოს სამზარეუ-  
ლოში ამოყვეს თავი. აქ, სამზარეულოში, პატარა გოგონა  
იჯდა და თევზს ასუფთავებდა. პირველი მინისტრი შეეკითხა  
გოგონას:

— შენ ხომ არ იცი სად ცხოვრობს ბულბული?

— ბულბული? — მიუგო გოგონამ. — ბულბული რო-  
გორ არ ვიცი! ყოველდღე დავდივარ დედასთან და იმპერა-  
ტორის სუფრის ნარჩენები მიმაქვს. ჩვენ ზედ ზღვის პირას  
ვცხოვრობთ. იქ, შუაგულ ტყეში, ერთი დიდი ფულუროიანი  
და ხშირტოტებიანი ბებერი ხე დგას. როცა ახლოს ჩავუვ-  
ლი ამ ხეს, ყოველთვის მესმის ბულბულის გალობა; ისე ნა-  
ზად უსტვენს, ცრემლები დაპალუპით ჩამომდის ხოლმე,  
სულში კი ისეთ სიხარულს ვგრძნობ, თითქოს დედა მკოც-  
ნიდეს.

— გოგონავ, — უთხრა ბავშვს პირველმა მინისტრმა, —  
მე შენ შორიდან გაყურებინებ, როგორ სადილობს თვითონ  
იმპერატორი, მხოლოდ იმ პირობით, თუ ბულბულთან მი-  
გვიყვან. ბულბული დღეს სადამოს სასახლეშია მოწვეული.



ამის შემდეგ ყველამ ტყეს მიაშურა. წინ გოგონა მიდის ოდა, უკან კი წარჩინებულები და კარისკაცები მიჰყვებოდნენ.

იარეს, იარეს... უცებ ძროხის ბღავილი შემოესმათ.

— ო! — შესძახეს კარისკაცებმა. — ალბათ ესაა ბუღბული. რა ძლიერი ხმა აქვს!

— ეს ძროხა ბღავის, — მიუგო გოგონამ, — ბუღბულის სამყოფელი ჯერ კიდევ შორსაა.

ისევ განაგრძეს გზა.

ტბორის მახლობლად გავლისას ბაყაყები აყიყინდნენ.

— შესანიშნავია! — აღტაცება ვეღარ დამალა სასახლის ბონზამ\*. — ბოლოს და ბოლოს ველირსე და ბუღბულის ხმა გავიგონე: რა საოცრად გალობს, თითქოს ვერცხლის ზანზალაკები აწკარუნდნენ ჩვენს სალოცავშიო.

— არა, ეს ბაყაყებია! — თქვა ისევ გოგონამ. — მაგრამ, მე მგონია, ახლა უკვე მალე გავიგონებთ თვითონ ბუღბულის ხმასაც!

და აი, ბოლოს, მწვანე ტოტებში მართლაცდა საკვირველი გალობა გაისმა...

— აი, ეს არის ბუღბული! — თქვა გოგონამ. — დაუგდეთ ყური! აი, თვითონ ისიც! — გოგონამ ტოტზე მჯდომ ნაცრისფერ პატარა ჩიტზე მიუთითა.

— ჰე! — თქვა პირველმა მინისტრმა. — ვერასოდეს წარმოვიდგენდი, თუ ეს სახელგანთქმული ჩიტი ასეთი უშნო შესახედავი იქნებოდა. ალბათ, ამდენი დიდებული ადამიანის დანახვამ შეაკრთო და ელფერი დააკარგვინა.

— ბუღბულო! — ასძახა გოგონამ. — ჩვენს იმპერატორს შენი გალობის მოსმენა სწადია!

\* ბონზა — ბუღბულების მღვდელი ჩინეთსა და იაპონიაში.

— დიდად მოხარული ვარ! — მიუგო ბულბულმა. — წარმტაცი გალობა დაიწყო.

— ჰე, ჰე! — თქვა პირველმა მინისტრმა. — შენი ხმა ისე რეკს, როგორც მინის ზანზალაკები იმპერატორის სააღლუმო ბალდახინზე. სასახლეში უდიდესი წარმატება მოგელოის!

— იმპერატორს ვუმღერო? — იკითხა ბულბულმა. ალბათ ეგონა, რომ თვით იმპერატორიც იქ იყო.

— ყური მიგდე, ბულბულო, — უთხრა პირველმა მინისტრმა ბულბულს. — მისი უდიდებულესობა, იმპერატორი, დღეს საღამოს სასახლეში გიწვევს ნადიმზე. ექვი არაა, ამ წარმტაცი გალობით მოაჯადოვებ მის უდიდებულესობას.

— ჩემი გალობის მოსმენა გაცილებით უკეთესია აქ, მწვანე ტყეში, — უთხრა ბულბულმა, — მაგრამ მე სიამოვნებით გამოვფრინდები თქვენთან ერთად, თუ იმპერატორს ასე სურს.

ამ დროს სასახლეში დიდი მზადება იყო. ფაციფუცობდნენ, ნადიმის თადარიგს იჭერდნენ. ფაიფურის კედლებსა და მინის იატაკზე ასობით ათასი ოქროს პატარა ფარანი ეღვარებდა. ტალანებში მწკრივზე ჩარაზმულიყო წარმტაცი ყვავილები, ხოლო იმ ყვავილებზე ჩამოკიდებული ზანზალაკები ხალხის აქეთ-იქით სირბილის, ფაცაფუცისა და გამჭოლი ქარის გამო ისე რეკდნენ, ადამიანის ხმა აღარ ისმოდა.

მოაწია საღამომ. იმპერატორი უზარმაზარი დარბაზის შუაგულში დაბრძანდა. ტახტის წინ ოქროს ჯოხი აღემართათ, მის წვერზე კი ბულბული ჩამომჯდარიყო. კარისკაცთაგან ყველა აქ იყო. სამზარეულოში მომუშავე ღარიბ გონასაც ბულბულის პოვნის ჯილდოდ კართან დადგომის



ნება დართეს. პირველმა მინისტრმა იგი ლაიბ-მწარეულად დანიშნა. მონადიმენი ზიზილ-პიპილებით მორთულიყვნენ და პატარა ნაცრისფერ ჩიტს თვალს არ აშორებდნენ. იმპერატორმა თავი მოწყალედ დააქნია.

ბულბული ისე ნაზად, ისე წარმტაცად ამღერდა, რომ იმპერატორს თვალეზში ცრემლი აუციმციმდა. მაშინ ბულბულმა კიდევ უფრო გაბედულად და ნაზად განაგრძო გალობა.

როცა გალობა დაამთავრა, იმპერატორმა ბულბულს უთხრა:

— ჯილდოდ ჩემი ოქროს ქოშები მიბოძებია და ახლავე კისერზე დაიკიდევო.

ბულბულმა მადლობა მოახსენა და უარი განუცხადა:

— მე იმპერატორის თვალეზში ცრემლი შევნიშნე. სხვა არა მინდა რა, ჯილდოდ ესეც მეყოფაო.

კვლავ გაისმა ბულბულის ჯადოსნური ხმა.

— აჰ, რა წარმტაცია! — ვერ ფარავდნენ აღტაცებას სეფე-ქალები.

ამის შემდეგ სასახლეში ერთმანეთთან საუბრის დროს პირში წყალს იგუბებდნენ და ისე ლაპარაკობდნენ, რათა წყალს ყელში ერაკრაკა. ეგონათ, ამით ბულბულის გალობას ვბაძავთო.

ბულბული სასახლეში დატოვეს და ცალკე ოთახი მიუჩინეს.

დღეში ორჯერ და ღამეში ერთხელ აძლევდნენ ბულბულს გასეირნების ნებას. თორმეტი მსახური მიუჩინეს. ყოველ მათგანს ხელში ბულბულის ფეხზე გამობმული აბრეშუმის ბაფთის წვერი ეჭირა. ზედმეტია ლაპარაკი იმაზე, თუ რა სიამოვნება უნდა ეგრძნო ბულბულს ასეთი გასეირნებით.

მთელი ქალაქი ალაპარაკდა. ყველას ამ ჩიტის სახელი

ეკერა პირზე. ქუჩაში რომ სამი ნაცნობი შეხვედროდა ერთ-მანეთს, ერთი მაშინვე იტყოდა: „ბულ“, მეორე — „ბუ“, ხოლო მესამე „ლი“-ს დაუმატებდა ხოლმე. მერე სამივენი, აქაოდა ერთმანეთს მივუხვდითო, ღრმად ამოიხვნეშებდნენ.

თერთმეტმა მედუქნემ თავიანთ ვაჟებს სახელად ბულ-ბული დაარქვა, მაგრამ არც ერთ ყმაწვილს სიმღერის სულ-მცირედი ნიჭიც არ გამოჰყოლია.

ერთხელ იმპერატორს იაპონიიდან აბრეშუმის ნაჭერში გამოხვეული პატარა ყუთი გამოუგზავნეს. ყუთზე ეწერა: „ბულბული“.

— უთუოდ ახალი წიგნი მიუძღვნეს ჩვენს სახელგანთქმულ ჩიტს! — თქვა იმპერატორმა.


ყუთი გახსნეს. შიგ წიგნი კი არა, შეღებილი კოლოფი აღმოჩნდა, კოლოფში კი ხელოვნური ბულბული იდო.

ის ძალიან ჰგავდა ნამდვილ ბულბულს, სულ მთლად შემკული იყო ძვირფასი ქვებით — ბრილიანტებით, ლალითა და იაგუნდით. საჭირო იყო მხოლოდ მომართვა და მაშინვე იწყებდა ერთ-ერთ იმ სიმღერას, რასაც ნამდვილი ბულბული მღეროდა, თან ოქროს კუდს ატრიალებდა. ჩიტს კისერზე ეკეთა ბაფთა. ბაფთაზე ეწერა: „იაპონიის იმპერატორის ბულბული ვერ შეედრება ჩინეთის იმპერატორის ბულბულს!“

— რა მშვენიერია! — შესძახა ყველამ, იმას კი, ვინც ეს ძვირფასი ჩიტი ჩამოიტანა, უმალვე „ბულბულით სასახლის მომმარაგებლის“ ხარისხი უბოძეს.

— ახლა ამ ბულბულმა და ჩემმა ნამდვილმა ბულბულმა ერთად იმღერონ, — გადაწყვიტა იმპერატორმა.

მაგრამ ეს საქმე არ მოეწყო: ნამდვილი ბულბული ახალ-ახალ სიმღერებს მღეროდა, ხელოვნური კი სულ ერთ-სა და იმავეს იმეორებდა.



მაშინ ხელოვნური ბულბული მარტო ამღერეს. სასახლის კარისკაცებს მისი სიმღერაც ისე მოეწონათ, როგორც ნამდვილი ბულბულისა, თანაც ახალი ჩიტი გაცილებით უფრო ლამაზი იყო — სულ მთლად ციმციმებდა.

ახალმა ბულბულმა ოცდაცამეტჯერ იმღერა ერთი და იგივე სიმღერა და მაინც არ დაიღალა.

სასახლის კარისკაცები მზად იყვნენ კიდევ მოესმინათ მისთვის, მაგრამ იმპერატორმა ბრძანა, ცოცხალი ბულბულიც უნდა ვამღეროთო. ყველანი შემობრუნდნენ და ოქროს ჯოხს მიაჩერდნენ, მაგრამ ბულბული იქ აღარ იყო.

არავის შეუნიშნავს, როგორ გაფრინდა ბულბული ფანჯრიდან და თავის მწვანე ტყეს მიაშურა.

— სად არის ბულბული? — შესძახა იმპერატორმა.

კარისკაცებმა ერთხმად დაუწყეს ლანძვა-გინება ბულბულს და უმადური არსებაც კი უწოდეს.

— აქ უკეთესი ბულბული დაგვრჩა, — თქვეს იმპერატორის უახლოესმა ქვეშევრდომებმა.

ამის შემდეგ ხელოვნურ ბულბულს თოთხმეტჯერ მოუხდა ერთი და იმავე სიმღერის შესრულება.

„ბულბულით სასახლის მომმარაგებელი“ თავის ჩიტს აქებდა და ირწმუნებოდა, ნამდვილ ბულბულს ესა სჯობსო.

— რაც არ უნდა იყოს, ჩემო მბრძანებლო და მოწყალეო ბატონებო, — ამბობდა იგი, — წინასწარ ხომ ვერ შეიტყობ, რას იმღერებს ნამდვილი ბულბული, ხელოვნური ბულბულისა კი ყველაფერი წინასწარ იცი. შეიძლება კიდევაც დავშალოთ და ვნახოთ, როგორ არის შიგნით მოწყობილი, როგორ მოქმედებენ მისი ლილვაკები, ქანჩები და ზამბარები.

— სრული ჭეშმარიტებაა! — კვერი დაუკრეს კარისკაცებმა.



იმპერატორმა ბრძანა, მომღევნო კვირას ჩიტის სახლისათვის თვის ეჩვენებინათ.

— დაე, ხალხმაც მოუსმინოს მას! — თქვა იმპერატორმა.

ხალხმა მოუსმინა ხელოვნურ ბუღბუღს და ისე აღფრთოვანდა, თითქოს ჩაი დაელიოთ, — ჩინელებს ხომ ძალიან უყვართ ჩაი!

ყველა ერთხმად გაიძახოდა: „ო!“ სალოკ თითებს მადლა სწევდნენ და თავს აქნევდნენ. მაგრამ ღარიბი მეთევზეები, რომლებსაც ნამდვილი ბუღბუღის გალობა მოესმინათ, ამბობდნენ:

— ხმა არ დაეწუნება. თითქმის ისევე მღერის, როგორც ჩვენი ბუღბუღი, მხოლოდ ისეთი ხმა მაინც არა აქვს. რაღაცა აკლია, მაგრამ, სახელდობრ, რა, არ ვიცითო.

ამასობაში იმპერატორმა ბრძანება გამოსცა, რომ ნამდვილი ბუღბუღი ჩინეთის იმპერიიდან განედევნათ.

ხელოვნური ბუღბუღი თვით იმპერატორის საწოლის ახლოს, აბრეშუმის ბალიშზე იდო. გარშემო მისთვის ნაბოძები ძვირფასი ნივთები შემოეღაგებინათ, კისერზე კი იმპერატორის ოქროს ქოშები ეკიდა. ხელოვნურ ჩიტს განსაკუთრებული სახელი დაარქვეს: „იმპერატორის მაგიდის მარცხენა მხარის პირველი ღამეული მომღერალი“. ეს სახელი იქიდან წარმოსდგა, რომ იმპერატორი განსაკუთრებულ მნიშვნელობას ანიჭებდა სწორედ იმ მხარეს, სადაც გული იყო, მხოლოდ გული თვით ჩინეთის იმპერატორსაც კი მარცხენა მხარეს აქვს.

მეცნიერებმა ხელოვნურ ბუღბუღს ოცდახუთი წიგნი მიუძღვნეს. წიგნები სავსე იყო ყველაზე ბრძნული და გაუგებარი ჩინური სიტყვებით. სასახლის კარისკაცები ირწმუნებოდნენ, ყველა წიგნი წავიკითხეთ და ყველაფერი გავი-



გეთო. ასე რომ არ ეთქვათ, ხომ სულელებს დაუძახებდნენ და ქუსლებზე წკებლას დაჰკრავდნენ.

ასე გავიდა მთელი წელი. იმპერატორმა, მთელმა სასახლემ და თვით ხალხმაც ხელოვნური ბულბულის სიმღერის ყოველი ჰანგი ზებირად იცოდა. სწორედ ამიტომ უფრო მოსწონდათ მისი სიმღერა. ახლა თვითონაც შეეძლოთ ჩიტისათვის ბანი მიეცათ. ქუჩის ბიჭბუჭები მღეროდნენ: „ცი-ცი-ცი! კლიუკ-კლიუკ-კლიუკ! კლიუკ-კლიუკ!“

ერთ საღამოს ხელოვნური ჩიტი იმპერატორს უგალობდა. იმპერატორი ლოგინზე იყო წამოწოლილი და ყურს უგდებდა. უცებ ჩიტის შიგნით რაღაცამ დაისისინა, დაიზუზუნა და სიმღერა შეწყდა.

იმპერატორი წამოიჭრა და კაცი აფრინა თავის ლაიბ-მკურნალთან, მაგრამ მკურნალი რას უშველიდა? მას ხომ მარტო ცოცხალი ადამიანების მორჩენა შეეძლო? მაშინ მესაათეს გამოუძახეს. მესაათემ ჩიტს მუცელი გაუხსნა, დიდხანს ათვალიერებდა, რაღაც წვრილმან ქანჩებს უჭერდა, მერე თქვა — ჩიტი იმღერებს, მაგრამ ძალიან ფრთხილად უნდა მოექცეთ: პატარა კბილანები მოცვეთილი აქვს, ახლის ჩადგმა კი შეუძლებელიაო.

იმპერატორმა ახალი ბრძანება გამოსცა: „იმპერატორის მაგიდის მარცხენა მხარის პირველი დამეული მომღერლის“ მომართვა შეიძლება წელიწადში მხოლოდ ერთხელ, ისიც მცირე ხნით!“

კიდევ ხუთი წელიწადი გავიდა. ერთხელ იმპერატორი ავად გახდა. ექიმები შეთანხმებულებივით ამტკიცებდნენ, აუცილებლად მოკვდებოო. მინისტრები და კარისკაცები ახალი იმპერატორის გამოსაცხადებლად ემზადებოდნენ. ხალხი ქუჩებში თავს იყრიდა და პირველ მინისტრს ეკითხებოდა მოხუცი იმპერატორის ჯანმრთელობის ამბავს.

— პფ! — მიუგებდა ხოლმე პირველი მინისტრი და თავს აქნევდა.

იმპერატორი ფერწასული და გაციებული იწვა თავის დიდებულ სარეცელზე. კარისკაცები უკვე მკვდრად თვლიდნენ. ყოველი მათგანი ისწრაფვოდა თავყვანი ეცა ახალი იმპერატორისათვის. მსახურები წინ და უკან დარბოდნენ სასახლეში და უკანასკნელ ახალ ამბებს გებულობდნენ, მოახლეები კი ჩაის შეექცეოდნენ, ან ლაყბობით იყვნენ გართულნი. ყველა დარბაზსა და ტალანში ხალიჩები დააგეს, რომ იმპერატორი ნაბიჯების ხმას არ შეეწუხებინა. სასახლეში სამარისებური სიჩუმე სუფევდა.

მოხუც იმპერატორს ჯერ კიდევ ედგა სული. ფანჯარა ღია იყო. ნათელი მთვარე დანათოდა იმპერატორსა და მისი სარეცლის მახლობლად აბრეშუმის ბალიშზე დადებულ ხელოვნურ ბულბულს.

საბრალო იმპერატორს სუნთქვაც კი უძძიმდა. ეჩვენებოდა, თითქოს გვერდით ვიღაცა ეჯდა. თვალები გაახილა და დაინახა: გულზე სიკვდილი აჯდა. დაუბატიყებელ სტუმარს თავზე იმპერატორის გვირგვინი ედგა, ცალ ხელში იმპერატორისავე ოქროს ხმალი ეპყრა, მეორეში — საიმპერატორო დროშა. ირგვლივ, ბალდაჭინის ყველა ნაოჭიდან, თავები გამოეყოთ რაღაც უცნაურ არსებათ: ერთნი საზიზღარნი და ძრწოლვის მომგვრელნი იყვნენ, მეორენი კი — ლამაზნი და კეთილნი, მაგრამ საზიზღრები ჭარბობდნენ. ესენი იმპერატორის ავი და კეთილი საქმეები იყვნენ, ისინი შესცქეროდნენ იმპერატორს და თან რაღაცას ჩურჩულებდნენ.

— გახსოვს თუ არა ეს? — ჩურჩულებდა გააგებული თავი.

— აი, ეს თუ გახსოვს? — ჩურჩულებდა მეორე.

თავები იმდენ სიავეს ეუბნებოდნენ იმპერატორს, რომ საბრალო მომაკვდავს დანაოჭებულ შუბლზე ცივმა თვალმა დაასხა.

— ეგ აღარ მახსოვს, — ამბობდა პასუხად იმპერატორი, — ეგ კი არასოდეს არ გამიგონია.

ბოლოს იყვირა:

— მუსიკა! მუსიკა მომგვარეთ! დაჰკარით დიდ ჩინურ დოლს! არ მინდა ამათ ყვედრებასა და საყვედურებს მოვუსმინო!

თავები მაინც არა ცხრებოდნენ, ხოლო სიკვდილი ყოველ მათ სიტყვაზე ჩინელივით აქნევდა თავს.

— მუსიკა აქეთ, მუსიკა! — ყვიროდა იმპერატორი. — შენ მაინც იმღერე, ჩემო სახელოვანო ფრინველო! მე ხომ ოქროთი და ძვირფასი განძეულობით დაგასაჩუქრე, კისერზე ჩემი ოქროს ქოშები დაგკიდე. იმღერე, იმღერე!

მაგრამ ჩიტი დუმდა: არავინ იყო მომმართველი, მოუმართავად კი ხელოვნურ ბუღბუღს გალობა არ შეეძლო. სიკვდილი დიდრონი, ჩალამებულ თვალთა უბეებით მისჩერებოდა იმპერატორს.

უცებ ფანჯრის გადაღმა წარმტაცი გალობა გაისმა. ნამდვილ ბუღბუღს იმპერატორის ავადმყოფობა გაეგო და სნეულის სანუგეშებლად და გასამხნეველად მოფრენილიყო. უსმენდა იმპერატორი ბუღბუღის ტკბილ ჰანგებს და ავი მოჩვენებები თანდათან იფანტებოდნენ. გულში სისხლმა ჩქროლა უწყო. თვით სმენადამტკბარი სიკვდილიც გატაცებით უსმენდა გალობას და თან სულ იმეორებდა:

— კიდევ, კიდევ იგალობე, ჩემო ბუღბუღო!

— რომ გიგალობო, იმპერატორს დაუბრუნებ თავის ძვირფას ხმალს, დროშასა და გვირგვინს? — შეეკითხა ბუღბუღი.

სიკვდილმა იმპერატორს ერთიმეორის მიყოლებით დაუბრუნა წანართმევი განძეული, ბულბული კი ტკბილ გავლობას განაგრძობდა. აი, მან მოიგონა მდუმარე სასაფლაო, სადაც ჰყვავის ქამენია, სურნელებას აფრქვევენ თეთრი ვარდები და ბალახს მგლოვიარე ადამიანთა ცრემლი ეპყურება. სიკვდილს ისე მოუნდა სასაფლაოზე დაბრუნება, რომ თეთრსა და ცივ ნისლში გაეხვია და ფანჯრიდან გაფრინდა.

— მადლობელი ვარ, ჩემო კარგო ჩიტო! — მიმართა ბულბულს იმპერატორმა. — ოდესღაც მე უბედურმა ჩემი მიწა-წყლიდან გაგაძევე, ახლა კი შენ ეს საშინელი მოჩვენებანი მომაშორე, თვით სიკვდილიც განდევნე. მითხარ, რით დაგასაჩუქრო?

— შენ ერთხელ უკვე დამასაჩუქრე. როცა პირველად გიგალობდი, თვალეში ცრემლი შეგნიშნე. ის ცრემლი მე არასოდეს დამავიწყდება, ცრემლი ყველაზე უფრო დიდი ჯილდოა მომღერლისათვის.

ბულბულმა კვლავ დაიწყო სიმღერა. იმპერატორს ჯანსაღად და ღრმად ჩაეძინა.

როცა გამოეღვიძა, ფანჯარაში მზე ანათებდა. არც ერთი მინისტრი და კარისკაცი არ მოდიოდა თავისი იმპერატორის სანახავად. ეგონათ, უკვე გარდაიცვალაო. მხოლოდ ბულბული იჯდა ფანჯარასთან და გალობდა.

— ჩემთან დარჩი სამუდამოდ, — სთხოვა ბულბულს იმპერატორმა. — მხოლოდ მაშინ მიმღერებ, როცა მოგესურვება. ხელოვნურ ჩიტს კი ნამსხვრევებად ვაქცევ.

— არ მინდა, — მიუგო ბულბულმა, — ის ისე გემსახურებოდა, როგორც შეეძლო. დაიტოვე, შენთან იყოს. მე სასახლეში ცხოვრება არ შემეძლია. ხანდახან როცა მომესურვება, მოვფრინდები და გიმღერებ ბედნიერებისა და უბედ-






დურების, სიკეთისა და ბოროტების ჰანგებს. ყველაფერზე  
 გიმღერებ, რაც შენ გარშემო ხდება და რაც შენ არ იცი. ვინ  
 ტარა ბულბული ყველგან დაფრინავს. ის შეფრინდება ხოლ-  
 მე სასახლიდან დაშორებულ მებაღურეებისა და გლეხების  
 ქოხებში, იცის მათი ამბავი. მე მოვფრინდები და გიმღერებ  
 მათ შესახებ, მაგრამ შემპირდი, რომ...

— ყველაფერს შეგისრულებ, რასაც კი ისურვებ! — წა-  
 მოიძახა იმპერატორმა და წამოდგა. მას უკვე მოესწრო მე-  
 ფფური ტანსაცმლის ჩაცმა და ოქროს მძიმე ხმალს გულში  
 იკრავდა.

— სიტყვა მომეცი, რომ არავის ეტყვი ჩემს ამბავს, მე  
 კი მოვფრინდები და ყველაფერს გიამბობ ხოლმე, ასე უკეთ  
 წარიმართება საქმეები.

ამ დროს კარისკაცები შემოვიდნენ. უნდოდათ მკვდარი  
 იმპერატორისათვის დაეხედათ, მაგრამ, ჰოი, საკვირველე-  
 ბავ! ცოცხალი, ჯანმრთელი იმპერატორი პირველი მიესალ-  
 მა შემოსულთ:

— დილა მშვიდობისა!



## ს ა რ ჩ ე ვ ი

ხალხნო და ჯამაათნო!	5
მელია და ცხვარი	7
გზა სიმართლისა	12
ბულბული და სვაგი	27
ძაღლის კუდი	40
მგელი და ბატკანი	55
გუგული და ჭინჭრაქა	67
სიმართლე და სიცრუე	73
ბულბული	82

რედაქტორი რ. ჯაფარიძე  
მხატვარი დ. ზარაფიშვილი  
მხატვ. რედაქტორი ი. ქლიბაძე  
ტექნიკური რ. პირველი  
კორექტორი ლ. სულთანაშვილი

ხელმოწერილია დასაბეჭდად 20/1-66 წ.

ქაღალდის ზომა 60×84<sup>1</sup>/<sub>16</sub>

ნაბეჭდი თაბახი 6,25

სააღრიცხვო-საგამომცემლო თაბახი 3,8

უგ 02206

ტირაჟი 25.000

შეკვ. № 5319

ფასი 12 კაპ.

გამომცემლობა „ნაკადული“, მარჯანიშვილის ქ. № 5

Издательство «Накадули», ул. Марджанишвили № 5

სტამბა № 2, „ნაკადული“, თბილისი, ფურცელაძის ქ. № 5

Типография № 2, «Накадули», Тбилиси, ул. Пурцеладзе № 5



**Абрамиа Полио Ермолаевич**  
**СКАЗКА ЗИМНЕЙ НОЧИ**  
(На грузинском языке)  
Детюниздат Грузинской ССР  
«**Накадули**»  
Тбилиси  
1965

ჩვენი ასალი წიგნები:

- მ. გრეგორი — სიღი
- მ. კარასლავოვი — ლენკო
- მ. ლეზანიძე — წერილები ჩემი კოშკებიდან
- მ. მიხასენკო — კანდალური ბიჭები
- ბ. რიბინინი — ჩემი მემოირები
- მუსთაი ქარიში — სამყვანა

მაღე ეს წიგნებიც გამოცა:

- მ. იოსელიანი — ოპროსვარი და ქორისვარი ქორა
- რ. ქორქია — ყველგან უინა ვართ
- ს. ქეთელაური — სამი ბიჭი
- ანტუან დე სენტ-ეკვიუპერი — აღამიანთა მიწა
- პ. ბოგევი — თეთრი ლოცვანი
- მ. მებარლინი — ლურჯი ფრინველი

101/471-R

